


DS  
735  
A2586  
1771a  
V. 28









御批歷代通鑑輯覽卷之五十五

唐

元宗明皇帝

戊寅開元二十六年春正月令天下州縣里皆置學

夏六月立忠王璵為皇太子改名亨

先更名紹又更名亨

李林甫數勸上立壽王瑁上以忠王璵年長孝謹好學

意欲立之猶豫不決常忽忽不樂高力士請其故上曰

汝揣我何意力士曰得非以郎君未定耶上曰然對曰

但推長而立誰復敢爭上曰汝言是也由是遂定

璵將受冊

立嫡何事賴宦官一言而定欲不致幸蜀之變靈武之逼得乎

命儀注有中嚴外辦及絳紗袍璵嫌與至尊同稱表請易之于是停中嚴改辦曰備易絳紗袍為朱明服故事太子乘輅至殿門至是璵不就輅步而入中嚴外辦唐書禮樂志皇帝大祀致齋晝漏上水一刻侍中版奏



請中嚴諸衛入陳殿庭。文武五品以上陪位二刻。侍中  
版奏外辦受朝日同。皇太子亦中嚴外辦。左庶子版奏  
絳紗袍車服志。皇帝冠通天冠。服絳紗袍。冬至受朝賀  
祭還燕羣臣養老之服也。皇太子冠遠遊冠。服絳紗袍。  
謁朝還宮。元日朔日。  
入朝釋奠之服也。

突騎施殺其可汗蘇祿。

初蘇祿廉儉。攻戰所得悉與諸部分之。由是衆樂爲用。

既尚唐公主。

帝以西突厥降王阿史那懷道之女爲交河公主。妻蘇祿。

突厥吐蕃亦

各以女妻之。用度寔廣。所得不復更分。由是諸部離心。

酋長莫賀達干夜襲蘇祿殺之。都摩度立蘇祿之子骨

咄爲吐火仙可汗。收其餘衆居碎葉城。

吐火仙與莫賀達干相攻。莫賀

達干遣使告磧西節度使蓋嘉運。明年秋嘉運擊吐火仙擒之。並取交河公主而還。

九月丙申朔日食。



南詔為雲南王

南詔之先本哀牢夷

鳥蠻別種哀牢注見前

地居姚州

唐置今為姚安府治

西東南接交趾西北接吐蕃蠻語謂王曰詔先有六詔

日蒙嵩口越析日浪穹口邏啖日施浪日蒙舍

古為嵩昆明漢置嵩唐縣晉以後沒于蠻地在今大理府雲龍州越析唐初置州後為蠻所居亦曰磨些今麗

江府是浪穹今大理府浪穹縣是邏啖今大理府鄧川

州是施浪居矣且和城在今浪穹縣蒙次和山下蒙舍亦名陽瓜州今雲南蒙化府是考通鑑蒙嵩邏啖施浪

三詔作蒙越樣備越澹今從唐書莫能相一歷代因之以分其勢蒙舍

最在南故謂之南詔至皮邏閣始彊大

高宗時蒙舍細奴邏初入朝細

奴邏生邏盛邏盛生盛邏皮盛邏皮生皮邏閣而五詔微弱乃略劍南節度使

王昱求合六詔為一朝廷許之賜名歸義于是以兵威

脅服羣蠻遂破吐蕃徙居太和城

在今大理府太和縣南名太和村城址尚



存卒為邊患。胡三省曰：南詔自此始。

已卯二十七年夏六月。貶張守珪為括州刺史。

幽州將趙堪、白真陀羅矯節度使張守珪之命，使平盧軍使烏知義邀叛奚餘黨。知義不從，白真陀羅矯稱制，指以迫之。知義出師，與奚遇，先勝後敗。守珪掩其敗狀，

以克獲聞，事頗泄。上令內謁者監

內官掌內傳宣及諸親命婦朝會之籍。

牛仙童往察之。守珪重賂仙童，歸罪于白真陀羅，逼令

縊死。眾宦官疾仙童發其事，上怒，杖殺之。守珪坐貶，已

守珪疽發背死。

秋八月，追諡孔子為文宣王。

先是，祀先聖先師，周公南向，孔子東向坐。制自今孔子



南向坐。被王者之服。釋奠用宮懸。贈弟子爲公侯伯。

冬十二月更定禘祫之制。

初。睿宗喪既除。祫于太廟。自是三年一祫。五年一禘。是歲夏既禘。冬又當祫。太常以爲祭數則瀆。請停祫祭。自是通計五年一禘一祫從之。

庚辰二十八年春正月。荊州長史張九齡卒。

上雖以九齡忤旨逐之。然終愛重其人。每宰相薦士。輒問曰。風度得如九齡不。讀曰否。及是以病卒。

三月丁亥朔日食。

立那史那昕爲十姓

卽西突厥十部具見前。可汗。

突騎施吐火仙旣被擒。詔立那史那懷道之子昕爲十



姓可汗莫賀達干聞之怒曰平蘇祿我功也今立昕謂

何遂誘諸部以叛詔蓋嘉運招諭以莫賀達干為突騎

施可汗已而昕竟為莫賀達干所殺西突厥遂亡後安西節

度使夫蒙靈筭討莫賀達干斬之突騎施亦漸衰

冬十月吐蕃寇安戎城注見前發關中兵救之

初吐蕃陷安戎城而據之事具前其地險要唐屢攻之不

克劍南節度使王昱築兩城于其側運資糧以逼之吐

蕃發兵來救昱眾大敗脫身走資仗皆沒于是貶昱高

要注見前以張宥代之宥文吏不習軍旅悉以軍政委

團結副使唐注凡有團結營之處置團結使章仇複姓本章氏因避仇遂加仇字兼瓊

兼瓊入奏事盛言安戎城可取上說之以宥為光祿卿



已饑饉待奏報而後開倉  
民其奚救其必於饑饉之  
前即奏報即命有司開倉  
庶乎民得稍濟耳若如元  
宗之制先發後聞是惟廉  
正如汲黯輩或可便宜行  
事苟非其人將見民未蘇  
而墨吏先飽其壑終於民  
無少救蓋元宗違道干譽  
之舉不可為訓也

兼瓊為節度使兼瓊潛與安戎城中結謀使開門納唐

兵盡殺吐蕃將卒以監察御史許遠敬宗曾孫守之至是吐

蕃寇安戎發關中疆騎救之吐蕃引去更命安戎城曰平戎曠

辛巳二十九年春正月立賑饑法

制曰前承饑饉皆待奏報然後開倉道路悠遠何救懸  
絕自今委州縣及採訪使給訖奏聞

秋七月洛水溢

八月以安祿山為營州都督

祿山傾巧善事人人多譽之上左右至平盧者祿山皆  
厚賂之由是上益以為賢又賂採訪使張利貞利貞盛  
稱之上乃以為營州都督充平盧軍使



冬十一月太尉寧王憲薨

即宋王成器更封改名

追諡曰讓皇帝

憲薨上哀惋特甚曰天下兄之天下也固讓于我為唐太伯常名不足以處之乃諡曰讓皇帝其子汝陽王璣表述先志固讓不許

十二月吐蕃陷石堡城

先是吐蕃四十萬入寇至安人軍

在今西寧府西

騎將臧希液

帥眾五千擊破之及是吐蕃攻陷石堡城蓋嘉運不能

禦

初嘉運入朝獻吐火仙之捷上嘉其功以為河西隴右節度使經畧吐蕃嘉運恃恩流連不時發裴耀卿

疏言嘉運雖勇烈有餘然言氣矜誇恐難成事况防秋非遠未言發期若臨事始去則士卒尚未相識何以制

敵乞速遣進途嚴加訓厲上乃遣嘉運行及是竟無功

壬午

天寶元年春正月以安祿山為平盧節度使



是時天下聲教所被之州三百二十一。羈縻之州八百。

唐書地理志。自太宗平突厥。西北諸蕃及蠻夷稍稍內屬。卽其部落列置州縣。大者爲都督府。以其首領爲都督。刺史。凡州府八百。置十節度。經畧使以備邊。安西節度。五十六。號爲羈縻云。西域。治龜茲城。北庭節度。防制突騎施。堅昆。治北庭都護府。河西節度。斷隔吐蕃。突厥。治涼州。朔方節度。捍禦突厥。治靈州。河東節度。與朔方犄角。以禦突厥。治太原府。范陽節度。臨制奚契丹。治幽州。平盧節度。鎮撫室韋。靺鞨。治營州。隴右節度。備禦吐蕃。南撫蠻獠。治益州。嶺南五府。經畧。綏靜夷獠。治廣州。此外又有長樂經畧。福州。領之。東萊守捉。萊州。領之。東牟守捉。登州。領之。龜茲。唐安西四鎮之一。本西域國。治伊邏盧城。卽漢延城也。今其地爲庫車城。在吐魯蕃西南路。室韋契丹別種地。在今黑龍江西北。餘注俱見前。守捉。唐制。兵之戍邊者。大曰軍。凡鎮兵四十九萬人。馬八萬餘匹。開元之前。小曰守捉。

每歲供邊兵衣糧費。不過二百萬。天寶之後。益兵浸多。每歲用衣千二十萬匹。糧百九十萬斛。公私勞費。民始



困苦矣。

穿三門運渠。

陝州刺史李齊物。

淮安王神通曾孫。

鑿底柱爲門以通漕。開其

山巔爲輓路。沃醯而鑿之。棄石入河。水益湍怒。舟不能入新門。候水漲。以人輓舟而上。上疑之。遣宦者往視。齊物厚賂宦者。還言其便。

羣臣請加尊號。

先是。上夢元元皇帝云。吾像在京城西南百餘里。遣使

求得之子。鑿屋。

音周室。漢縣。今屬西安府。元和志。山曲曰鑿。水曲曰屋。

樓觀山間。

元和志。樓觀在鑿屋縣。宋舊有尹先生樓。故名。

迎置興慶宮。至是。陳王

帝之子。名珪。

府參軍田同秀言。元元皇帝告以藏靈符在尹喜故宅。



它在陝州靈寶縣兩谷故關有望和臺臺字記春秋時喜為關令見紫氣丈餘飛入關曰必有異人過此次日老子果騎青牛至上遣使求得之羣臣上表以寶待潛後人即其處立臺

應年號請于尊號加天寶字從之

于是加同秀朝散大夫時人皆疑寶符即

同秀所為間一歲清河人崔以清言見元元皇帝藏寶符在武城紫微山勅使往掘亦得之東都留守王倕知其詐按問果服奏之上亦不深罪也其後或又言元元皇帝降于華清宮之朝元閣因改會昌縣曰昭應武城即漢東武城縣後魏曰武城今屬東昌府會昌縣天寶初置七載改昭應宋曰臨潼今屬西安府

二月享元元皇帝于新廟越三日享太廟越二日合祀天

地于南郊

改官名

侍中中書令為左右相丞相改為僕射東北都皆為京州為郡刺史為太守



三月以韋堅

字子金京兆萬年人

為江淮租庸轉運使。

初宇文融既敗言利者稍息及楊慎矜得幸于是韋堅

王鉷

方翼之孫

之徒競以利進百司有事權者稍稍別置使

以領之舊官充位而已堅太子之妃兄也督江淮租運

歲增巨萬上以為能故擢任之王鉷亦以善治租賦為

戶部員外郎

以盧絢嚴挺之為員外詹事。

李林甫為相凡才望功業出已右者必百計去之尤忌

文學之士或陽與之善而陰陷之兵部侍郎盧絢絳州

刺史嚴挺之為其所忌皆左遷散秩世謂林甫口有蜜

腹有劍

上嘗陳樂于勤政樓下垂簾觀之盧絢謂上已起垂鞭按轡橫過樓下絢風標清粹上目送之



林甫知之。乃召絢子弟謂曰。交廣藉才。上欲以尊君爲之。若憚遠行。則當左遷。姑以負簪分務東洛何如。絢懼請之。乃除華州刺史。未幾。詎其有疾。除員外詹事。上又嘗問林甫。嚴挺之可用。今安在。挺之時爲絳州刺史。林甫退。召挺之弟。論以上意甚厚。盡稱疾求還。可以見上挺之從之。林甫以其奏白上云。挺之老疾。宜且授以散秩。以便醫藥。上歎吒久之。亦以爲員外詹事。

秋七月癸卯朔日食。

癸卯二年春正月安祿山入朝。

祿山入朝。上寵待甚厚。謁見無時。祿山奏言。去秋營州

蟲食苗。臣焚香祝天云。臣若操心不正。事君不忠。願使

蟲食臣心。若不負神祇。願使蟲散。卽有羣鳥從北來。食

蟲立盡。請宣付史館從之。時李林甫領吏部尙書。日在政府。選事悉委侍郎宋遙。由

晉卿。選人集者以萬計。遙晉卿以御史中丞張倚得幸于上。擢其子頤爲首。祿山言于上。上招入面試之。頤手



舜五臣惟臯繇之後不有  
天下然何傷于邁種之德  
後魏高允以其裔奕布由  
黜而玉舉為刑官之戒其  
說固已不經而元宗尊臯  
繇為帝因季友理且臯繇  
作士並無理官之名附會  
誣妄徒為後世所笑而已

持試紙終日不成一字時人謂之曳白于是  
三人皆坐貶苗晉卿字元輔潞州壺關人

三月追尊周上御大夫為先天太皇臯繇為德明皇帝時

老子父官周上御大夫又謂臯繇為理官以理為姓

殷周時避難食木子而生因改姓李故皆追尊之

廣運潭在長安縣東南成加韋堅右散騎常侍

潭

堅引澆水源出藍田縣谷中北流至咸寧縣合澗水入渭抵苑東望春樓下為

潭以聚江淮運船役夫匠通漕渠發人邱壘自江淮至

京城民間愁怨二年而成上幸樓觀之堅以新船數百

艘扁榜郡名各陳珍寶陝尉崔成甫著錦半臂紅抹額

居前船唱得寶歌

先是民間唱俚歌曰得體純那邪其後得寶符于桃林成甫更得體歌為

得寶歌辭曰得寶

引寶野引農得寶邪潭裏舟船開揚

新銅器多三郎當殿坐

聽唱得寶歌其俚更甚桃林

縣名隋以漢弘農縣置天寶初于縣

得老子寶符更名靈寶今縣屬陝州使美婦百人盛飾



而和之。連檣數里。堅跪進輕貨。仍上百牙盤食。上置宴。竟日而罷。加堅常侍。吏卒褒賞有差。賜其潭名廣運。

甲申三載春正月。改年曰載。

二月。以安祿山兼范陽節度使。

河北黜陟使席建侯

名豫。以字行。襄陽人。

稱祿山公直。李林甫。裴

寬亦順旨。稱譽其美。由是祿山之寵益固。

秋。突厥亂。冊回紇骨力裴羅為懷仁可汗。

胡三省曰。回紇自此疆盛。

初。突厥毘伽可汗為其大臣梅錄啜毒死。

毘伽被毒。忽死。誅梅錄啜。

夷其種。

其子伊然可汗立。八年死。弟骨咄立。冊為登利

可汗。其左部攻殺之。立毘伽可汗子為骨咄葉護所殺。

登利年幼。其母婆匐預政。登利從父二人分掌東西兵。號左右殺登利。與其母誘斬右殺。奪其兵。左殺懼。攻登



利殺之。左殺者判闕特勒也。遂立毘伽可汗子。俄為骨咄葉護所殺。立其弟。又殺之。葉護遂自立

為可汗。

上以突厥內亂。命羽林將軍孫老奴招諭回紇。葛邏祿拔悉密等部。

已而拔悉密

及回紇葛邏祿三部並起攻葉護殺之。尊拔悉密酋長

為頡跌伊施可汗。回紇葛邏祿自為左右葉護。突厥餘

眾奉判闕特勒子為烏蘇米施可汗。

上遣使諭烏蘇內附。烏蘇不從。朔方

節度使王忠嗣說拔悉密等部攻之。烏蘇遁去。其西葉護阿不思及西殺葛臘哆等師千餘帳相次來降。至

是拔悉密攻殺烏蘇米施。國人立其弟為白眉可汗。于

是突厥大亂。上敕朔方節度使王忠嗣以兵乘之。忠嗣

破其左廂十一部。獨右廂未下。會回紇葛邏祿共攻拔

悉密。頡跌伊施可汗殺之。奉回紇骨力裴羅定其國。遣

使言狀。上册拜裴羅為懷仁可汗。

懷仁于是南據突厥故地。立牙帳于烏德



龔山舊流藥邏葛等九姓其後又併明年懷仁攻殺白

拔悉密葛邏祿凡十一部各置都督時昆伽可敦即登

眉突厥遂亡至其滅其地盡入回紇

婆帥衆來歸上御花萼樓宴羣臣賦詩美其事懷仁既

斥地愈廣東極室韋西抵金山南控大漠盡得古

九月以楊慎矜爲御史中丞初上以慎矜知御史中丞事時李林甫專權公卿之進

有不出其門者必以罪去之慎矜固辭不受至是林甫

以慎矜屈附于已復以爲中丞

始祀九宮貴神九宮自一至九其神太乙攝提軒轅招搖天符青龍咸池太陰天一其星天蓬天內

天衝大輔天禽天心天柱天任天英其卦八一坎二坤三震四巽五九同離六乾七兌八艮其五行一爲水二與五

八同土三與四同木六與七同金九爲火其方之色白黑碧綠黃赤紫而白兼一六八之三方



初術士蘇嘉慶言。遯甲術有九宮貴神。典司水旱。請立壇于東郊。祀以四孟月從之。禮在太清宮太廟上所用牲玉。皆侔天地。

乙酉四載春正月。帝聞空中神語。

上謂宰相曰。朕于宮中爲壇。爲百姓祈福。自草黃素置案上。俄飛昇天。聞空中語云。聖壽延長。又煉藥成。置壇上。及夜欲收。又聞空中語云。藥未須收。此自守護羣臣

表賀。

上尊道教。慕長生。于是所在爭言符籙。太白山人李渾等。上言。見神人言金星洞有玉板石。記聖主

元皇帝云。寶仙洞有妙寶。與符命張均等復求得之。李

和甫等皆請舍宅爲觀。以祝聖壽。上說。太白山終南

別名。在今鳳翔府郿縣東南。其山最高。古謠。武功太白。

去天三百。卽此金星寶仙二洞。俱在太白山。



二月以朔方節度使王忠嗣兼河東節度使。

忠嗣少勇敢。及鎮方面。專以持重安邊為務。常曰。太平之將。但當撫循訓練士卒。不可疲中國之力。以邀功名。軍中日夜思戰。忠嗣多遣間諜。見可勝。然後興師。故出必有功。既兼兩道節制。自朔方至雲中。邊陲數千里。要害之地。悉置城堡。斥地各數百里。邊人以為自張仁貞張仁愿初名仁貞之後。將帥皆不及。忠嗣每互市。高估馬價。諸胡聞之。爭賣馬于唐。忠嗣皆買之。由是胡馬少。唐兵益壯。

秋七月。冊壽王妃韋氏。八月。以楊太真為貴妃。

初。武惠妃薨。後宮無當意者。或言壽王妃楊氏之美。上見而悅之。乃令妃自以其意。乞為女官。女道士也。號太真。更

唐太宗開基。令主而有巢。刺至妃之事。至元宗開元。致治庶幾。無愧祖風。而太真冊立。恥甚新臺。豈非前之貽謀不臧。而後之罪甚效尤者耶。



爲壽王娶郎將韋昭訓女潛內太真宮中不葲歲寵遇如惠妃宮中號曰娘子凡儀體皆如皇后至是冊爲貴妃贈其父元琰兵部尙書以從兄銛爲殿中少監錡爲駙馬都尉三姊皆賜第京師寵貴赫然已而復以妃從祖兄釗爲金吾兵曹參軍釗不學無行爲宗黨所鄙從鮮于仲通常資給之仲通頗讀書有才智章仇兼瓊引爲採訪使委以心腹嘗從容謂仲通曰今吾獨爲上所厚苟無內援李林甫必見危聞楊妃新得幸子能爲我結之吾無患矣仲通言釗本末釗儀觀甚偉言詞敏給兼瓊見之大悅卽辟爲推官使獻春綵于京師贐蜀貨直萬緡釗大喜過望至長安見諸妹分以遺之曰此章仇公所贈也于是諸楊日夜譽兼瓊且言釗善拷捕引之見上得隨供奉官出入禁中新政唐縣元省故城在今四川保寧府南部縣

九月以韋堅爲刑部尙書楊慎矜爲租庸轉運使



堅以通漕有寵。遂有入相之志。又與李適之常山感王承乾會孫天寶元年代牛善。林甫由是惡之。故遷以美官。實奪之仙客為左相權也。

安祿山討奚契丹破之。

祿山欲以邊功市寵。數侵掠奚契丹。奚契丹各殺所尙

公主。

上以外孫獨孤氏為靜樂公主。嫁奚王。以叛。祿山討丹王。以甥楊氏為宜芳公主。嫁奚王。以叛。祿山討

破之。

已而祿山奏臣討契丹。至北平郡。夢先朝名將李靖。李勣從臣求食。遂命立廟。又奏薦享之日。廟梁

產芝。以王鉷為京畿採訪使。

初。鉷為戶口色役使。

掌諸色雜徭役者。

敕賜百姓復除。鉷奏徵

其輦運之費。廣張錢數。使市輕貨。百姓所輸乃甚于不



復除舊制。戍邊者免其租庸。六歲而更。時邊將恥敗。士卒死者。皆不申牒。貫籍不除。王鉷皆以為避課。六歲之外。悉徵其租庸。有併徵三十年者。民無所訴。上在位久。用度日侈。又不欲數于左右。藏取之。鉷知上旨。歲貢額外。錢帛百億萬。貯于內庫。以供宴賜。曰。此皆不出于租庸調。上以鉷為能富國。益厚遇之。中外嘆怨。至是以為御史中丞京畿採訪使。楊釗侍宴禁中。專掌擣蒲文簿。鈎校精密。上賞其彊明。曰。好度支郎。諸楊數徵此言於上。又以屬王鉷。鉷因奏充判官。唐郡。今浙江處州府是。太守皇甫惟明為播州。唐置。天寶初為郡。今貴州遵義府是。太守初太子之立。非李林甫意。林甫恐異日為已禍。欲動搖



之。隴右節度使皇甫惟明嘗為忠王友。太子先封忠王。見前。時破

吐蕃入獻捷。見林甫專權。勸上去之。林甫知之。使楊慎

矜密伺其所為。會正月望夜。太子出遊。與韋堅相見。堅為

太子兄。堅又與惟明會于景龍觀。慎矜遂告堅與惟明謀

立太子。收下獄。林甫使慎矜等鞠之。上亦疑堅與惟明

有謀而不顯其罪。皆貶之。親黨坐者數十人。太子表請

與妃離昏。帝素知太子孝謹。故譴怒不及。

以王忠嗣為河西、隴右朔方河東節度使。

忠嗣仗四節。控制萬里。天下勁兵重鎮。皆在掌握。與吐

蕃戰于青海積石。皆大捷。又討吐谷渾。擄其全部而歸。

忠嗣功名日盛。李林甫恐其入相。忌之。安祿山潛蓄異志。託以禦寇。築雄武城。大貯兵器。請忠嗣助役。欲留其



兵忠嗣先期而往。不見祿山而還。數奏言祿山必反。林甫益惡之。已而忠嗣固辭河東朔方節度。許之。雄武城在今順天府薊州東北。

夏四月李適之罷。

韋堅等既貶。適之懼。自求散地。遂罷政事。初。適之與林

甫兵部尚書。林甫使人發兵部銓曹姦姦利事。收吏六十餘人付京兆尹蕭炅。使法曹吉溫鞠之。溫置吏于外。先取二重囚訊之。號呼之聲。所不忍聞。吏聞之大懼。引入。皆自誣服。頃刻獄成。敕誚責前後知銓侍郎及判南曹郎官而宥之。始太子文學薛嶷薦溫才。上召見。顧嶷曰。是一不良人。朕不用也。及林甫欲除不附己者。求治獄吏。吳薦溫于林甫。林甫大喜。又有羅希奭者。為吏深刻。林甫引為殿中侍御史。二人皆隨林甫所欲。深淺鍛鍊成獄。無能自脫者。時人謂之羅鉗吉網。吉溫項從子。羅希奭錢塘人。南曹郎唐書百官志。吏部員外郎一人。

判南曹

以陳希烈人同平章事



希烈以講老莊得進。專用神仙符瑞媚于上。李林甫以

希烈柔佞易制。故引以為相。政事一決于林甫。希烈但

給唯諾。故事。宰相午後六刻乃出。林甫奏。今太平無事。已時即還第。機務皆決于私家。主書抱成案。諸

希烈書名而已。

五月壬子朔日食。

秋七月。加嶺南經畧使張九章三品。以廣陵長史王翼為

戶部侍郎。

楊貴妃方有寵。中外爭獻珍玩。九章翼所獻精美。九章

加三品。翼為戶部侍郎。民間歌之曰。生男勿喜女勿悲。

君今看女作門楣。妃欲得生荔枝。歲命嶺南馳驛致之。

比至長安。色味不變。妃嘗以妬悍不遜。送歸第。上遂不食。及夜。力士奏請迎妃歸院。遂



開禁門而入。後復以忤旨遣歸。吉溫因宦官言於上曰。陛下何愛宮中一席之地。使之就死。而辱之于外舍耶。上亦悔之。遣中使賜以御膳。妃對使者涕泣曰。金玉珍玩。皆陛下所賜。惟髮者父母所與。乃剪髮一縷而獻之。上遽召還。寵待益深。

丁亥六載春正月。殺北海太守李邕。淄川太守裴敦復。及皇甫惟明。韋堅等。王琚。李適之。自殺。

先是。韋堅之弟

將作少匠蘭。兵部員外郎芝。

為堅訟冤。且引太子為

言。上怒。李林甫因言堅與李適之朋黨。堅遂長流。適之

貶宜春

本袁州。天寶初改郡。

太守。已而左驍衛兵曹柳勣告贊善

大夫杜有鄰。妄稱圖讖。交構東宮。指斥乘輿。

有鄰女為太子良娣。

良娣之姊。勣妻也。勣性疏狂。好功名。善交結。豪傑名士。與妻族不協。欲陷之。故為飛語以告。

林甫令

吉溫鞠之。乃勣首謀。遂與有鄰俱杖殺。

太子亦出良娣為庶人。勣



素與淄川太守裴敦復善。

敦復先以平海賊有功擢嶺南經畧使。林甫忌之。貶淄川

守。敦復薦之北海太守李邕。邕遂與定交。會鄴郡太守

王琚以賊貶江華。

唐郡。今湖南永州府道州是。

司馬。琚性豪侈。與邕

皆自謂耆舊。久在外。意怏怏。林甫欲因事除之。至是。別

遣羅希奭按邕。敦復皆杖死。

邕才藝出衆。盧藏用嘗語之曰。君如干將莫邪。難與

爭鋒。然終虞缺折耳。邕不能用。

林甫又奏。分遣御史賜皇甫惟明。韋堅

等死。希奭自青州之嶺南。所過殺遷謫者。李適之仰藥。

琚自縊。適之子霅迎喪至東京。林甫令人誣告。殺之。給

事中房琯。

字次律。河南人。

坐與適之善。貶宜春太守。

林甫恨韋堅不已。遣

使于循河及江淮州縣。坐堅罪。收繫綱典。船夫徵剝逋負。延及鄰伍。死者甚衆。至林甫死乃止。綱典。十船爲

一綱。以吏典之。



赦有罪正以殺無罪故王  
通謂無赦之國其刑必平  
元宗於瑤瑒之死不貸其  
子裴李之誅不省其臣羅  
鉞吉綱流毒天下豈真寬  
仁之主顧欲除斬絞以博  
好生之名是亦顛倒之甚  
者矣

除絞斬條

上慕好生之名。令應絞斬者皆重杖。流嶺南。其實有司  
率杖殺之。

令天下嫁母服三載。

令士通一藝以上。皆詣京師。

上欲廣求天下之士。命通一藝以上。皆詣京師。李林甫  
恐草野之士。對策斥其姦惡。建言舉人卑賤。恐有俚言。  
汚濁聖聽。乃令郡縣精加試練。送省覆試。具名奏聞。既  
而至者。皆試以詩賦論。遂無一人及第者。林甫乃以野  
無遺賢。上表稱賀。

以安祿山兼御史大夫。



祿山體肥。腹垂過膝。外若癡直。內實狡黠。其在上前。應對敏給。雜以詼諧。上嘗戲指其腹曰。此胡腹中安所有。其大乃爾。對曰。更無餘物。止有赤心耳。又嘗命見太子。祿山不拜。左右趣之拜。祿山曰。太子何官。上曰。此儲君也。朕千秋萬歲後。代朕君汝者也。祿山曰。臣愚癡者。惟知有陛下一人。不知乃更有儲君。不得已。然後拜。上以爲信然。益愛之。上嘗宴勤政樓。百官列坐樓下。獨祿山于御座東間。設金鷄帳。置榻。使坐其前。命楊錡。錡弟。皆與祿山敘兄弟。祿山得出入禁中。因請爲貴妃兒。上與貴妃同坐。祿山先拜貴妃。上問何故。對曰。胡人先母而後父。上悅。

冬十月。帝如驪山溫泉。

在今西安府臨潼縣南驪山之麓。

名其宮曰華清。

先是。置溫泉宮。上歲幸之。至是。更宮名曰華清。治湯井。



為池環山列宮室。

內有集靈臺。朝元閣。飛霜。九龍。長生。明珠等殿。

又築羅城置

百司及公卿邸第。

將軍董延光攻吐蕃石堡城。不克。十一月。以哥舒翰

突騎施哥

舒部酋長之子。

充隴右節度使。貶王忠嗣為漢陽太守。

此漢陽在甘肅。

忠嗣以部將哥舒翰為大斗軍

在今涼州府永昌縣西南。以大斗拔谷為名。

副使。李光弼

營州柳城人。契丹王楷落之子。

為河西兵馬使。翰。光弼。皆

以勇畧為忠嗣所重。

每歲積石軍麥熟。吐蕃輒來獲之。無能禦者。翰元伏兵其側。吐蕃至。

斷其後。夾擊之。無一人得返。自是不敢復來。

積石軍在今蘭州府河州西。上欲使忠嗣攻

吐蕃石堡城。忠嗣上言。石堡險固。吐蕃舉國守之。非殺

數萬人不能克。臣恐所得不如所亡。不如厲兵秣馬。俟

其有釁然後取之。上意不決。將軍董延光請行。上命忠



嗣分兵助之。忠嗣不得已奉詔而不盡如其所欲。李光弼曰

大夫以數萬衆授延光而不立重賞士卒安肯爲之盡力。且此天子意也。彼無功必歸罪于大夫。大夫何以杜其讒口乎。忠嗣曰。今以數萬之衆爭一城。得之未足以制敵。不得亦無害于國。故不欲爲之。忠嗣今受責天子。不過一將軍歸宿衛。其次不過黔中上佐。豈以數萬人之命易一官乎。光弼曰。大夫能行古人之事。非光弼所能及。延光過期不克言。忠嗣沮撓軍計。上怒。李林甫因

使人告忠嗣欲擁兵奉太子。敕徵忠嗣入朝。委三司鞠之上。聞哥舒翰名召見。悅之。以爲隴右節度使。而詔三

司曰。吾兒居深宮。安得與外人通謀。此必妄也。但劾忠

嗣沮撓軍功。三司奏忠嗣罪當死。翰力陳其寃。上感悟。

貶忠嗣漢陽太守。  
李林甫屢起大獄。以楊釗有掖庭之親。乃因以爲援。事有微涉東宮者。皆

指搃使之奏劾。付羅希奭。吉溫。鞠之。釗因得逞其私志。所擠陷誅夷者數百家。幸太子仁孝。謹靜。張垠。高力士。



常保護于上前。故林甫終不能間也。張均說之子。

殺戶部侍郎楊慎矜。

慎矜爲上所厚。李林甫浸忌之。慎矜與王鉷父中表兄弟也。故引鉷入臺。及鉷遷中丞。慎矜猶名之。鉷意不平。

慎矜不之覺。嘗與之私語識書。

慎矜與術士史敬忠善。敬忠言天下將亂。勸慎

矜于臨汝山中買莊避亂。

林甫知鉷與慎矜有隙。誘使圖之。鉷乃遣

人以飛語告慎矜。陷煬帝孫。與凶人往來。家有識書。謀

復祖業。上大怒。收慎矜繫獄。命楊釗、盧鉉同鞠之。

使吉溫捕

敬忠于汝州。敬忠與溫父善。溫幼時。敬忠嘗抱撫之。及捕獲溫。溫不與語。鎖其頸。驅之馬前。使更誘之。曰。楊慎矜已歛服。惟須子一辨。解意則生。不然必死。敬忠求紙。溫不答。敬忠懇請哀切。乃令答辨。還鞠。慎矜因以爲證。

慎矜皆引服。惟搜識書不獲。使盧鉉入長安搜其家。鉉



神識書入閣中。出詔曰。逆賊深藏秘記。以示慎矜。歎曰。吾不蓄識書。此何從在我家哉。吾應死而已。于是兄弟皆賜死。妻子流嶺南。連坐者數十人。

十二月。以天下歲貢。賜李林甫。

命百官閱歲貢物于尚書省。悉以車載。賜李林甫。上或有時不視朝。百官悉集林甫第門。臺省爲空。林甫子岫爲將作監。頗以滿盈爲懼。嘗從林甫遊後園。指役夫言曰。大人久處鈞軸。怨仇滿天下。一朝禍至。欲爲此得乎。林甫不樂曰。勢已如此。將若之何。先是宰相皆以德度自處。騶從不過數人。林甫曰。以多結怨。常虞刺客。出則步騎百餘人。爲左右翼。金吾靜街。前驅在數百步外。居則重關複壁。如防大敵。一夕屢徙牀。雖家人莫知其處。



以高仙芝

高麗人

為安西四鎮節度使。

仙芝從軍安西。驍勇善騎射。累官四鎮節度副使。小勃

律王及其旁二十餘國皆服吐蕃。貢獻不入。討之不克。

制以仙芝為行營節度使。討之。自安西行百餘日至連

雲堡。

初三省注。堡在吐蕃南。依山北據娑勒川為固。

破之。遣將軍席元慶將千

騎前行。謂曰。小勃律聞大軍至。其君臣百姓必走山谷。

第呼出取綰帛。稱敕賜之。大臣至。盡縛之以待我。元慶

如其言。仙芝至。斬其附吐蕃者數人。急遣元慶往斫娑

夷麻橋。

唐書西域傳。小勃律王居摩多甫畢。而吐蕃救。城臨娑夷水。藤橋去城六百里。

甫畢而吐蕃救

至。已無所及。

娑夷即弱水。不能勝草芥。藤橋。盡一矢力修之。蕃年乃成。

仙芝虜小

勃律王及吐蕃公主而還。以仙芝為安西四鎮節度。



使仙芝署封常清蒲州人判官任以軍事自唐興以來

厚名臣。不久任。不違領。不兼統。功名著者。往往入為宰相。其四夷之將。雖才畧如阿史那社爾。却必何力。猶不專大將之任。皆以大臣為使。以制之。及開元中。天子有吞四夷之志。為邊將者。十餘年不易。始久任矣。皇子則慶忠。諸王。宰相則蕭嵩。牛仙客。始遙領矣。蓋嘉運。王忠嗣。專制數道。始兼統矣。李林甫欲杜邊帥入相之路。以胡人不知書。乃奏言。文臣為將。怯當矢石。不若用寒族胡人。胡人則勇決習戰。寒族則孤立無黨。陛下誠以恩結其心。彼必能為朝廷盡死。上悅其言。始用安祿山。至是。諸道節度使。盡用胡人。精兵咸戍北邊。天下之勢偏重。卒使祿山傾覆天下。皆出于林甫專寵固位之謀也。

戊子七載。夏四月。以高力士為驃騎大將軍。

元宗寵任力士致太子諸王以翁兄稱謂將相皆出其門豈得謂之謹而少過蓋是時士大夫正直者少懼其氣節方阿諛之不暇

力士承恩歲久。中外畏之。太子亦呼之為兄。諸王公呼之為翁。駙馬輩直謂之爺。自李林甫安祿山輩皆因之以取將相。然性和謹少過。不敢驕橫。故天子終親任之。



尚何有於疾惡乎厥後輔  
國元振繼起流毒滋甚終  
唐世而不能革宦官之禍  
實淵觴于此

士大夫亦不疾惡也。上嘗從容謂力士曰。朕不出長安。近十年。天下無事。朕欲悉以政事。委李林甫。何如。對曰。天子巡狩。古之制也。且天下大柄。不可假人。彼威勢既成。誰敢復議之者。上不悅。力士頓首謝罪。上意乃解。力士白。是亦不敢深言天下事矣。

五月羣臣上尊號。

賜安祿山鐵券。

以楊釗判度支事。

釗善窺上意所愛惡而迎之。以聚斂驟遷。歲中領十五使。恩幸日隆。

冬十一月。以貴妃姊爲國夫人。

貴妃姊三人皆有才色。上呼之爲姨。出入宮掖。並承恩澤。勢傾天下。至是封韓虢秦國夫人。與鉅錡五家。凡有



請託府縣承迎峻于制敕。四方賂遺。惟恐居後。上所賜與五家如一。競開第舍。極其壯麗。一堂之費。動踰千萬。

既成。見他人有勝已者。輒毀而改焉。號國尤為豪蕩。號國

新第堂成。召匠坊塿。以絳羅五百段賞之。匠囁不顧曰。請取螻蟻蜥蜴。記其數置堂中。苟失一物。不敢受直。

十二月。哥舒翰築神威軍。

在青海上。

應龍城。在青海中。龍駒島。魏書吐谷渾傳。青

海中有小山。每冬冰合後。游牝此山。明年生駒。必多駿異。因名其島曰龍駒。

翰築神威軍。吐蕃至。擊破之。乃更築應龍城于青海中。

以謫卒二千戍之。

明年冬。青海冰合。吐蕃大至。戍者盡沒。

巳丑。八載春二月。帥羣臣觀左藏。賜楊釗金紫。

是時州縣殷富。倉庫積粟帛。動以萬計。釗請令糶變為輕貨輸京師。屢奏帑藏充牣。古今罕儔。故上帥羣臣觀。



之。賜釧紫衣金魚。上由是視金帛如糞壤。賞賜無限。

夏四月。殺咸寧太守趙奉璋。

奉璋告李林甫罪二十條。未達。林甫諷御史逮捕。以爲妖言。杖殺之。

五月。停折衝府上下魚書。

先是。折衝府

天下三百六十四府。其府統軍爲折衝都尉。

皆有木契

以木書契。銅

魚

刻銅爲符。作魚形。契與魚皆中剖。以其左付軍府。其右藏天府。

朝廷徵發。下敕書契

魚。都督郡府參驗皆合。然後遣之。自募置曠騎。府兵日

壞。死亡不補。器械耗散畧盡。府兵入宿衛者。謂之侍官。

言其爲天子侍衛也。其後本衛多以假人役使如奴隸。

長安人羞之。至以相詬病。其戍邊者。又多爲邊將苦使。



利其死而沒其財。由是應為府兵者皆逃匿。至是無兵可交。李林甫遂奏停折衝府上下魚書。是後府兵徒有官吏而已。彌騎之法。天寶以後稍亦變廢。應募者皆市井負貳。無賴子弟。未嘗習兵。時承平日久。議者多謂中國兵可銷。于是民間挾兵器者有禁。子弟為武官父兄。擯不齒。猛將精兵皆聚于西北邊。中國無武脩矣。

六月加聖祖及諸帝后號諡。

上以符瑞相繼。上聖祖號。曰大道元高祖。曰神太宗。曰文

武高宗。曰天中宗。曰孝睿宗。曰元五帝諡。帝皆曰大聖。

后皆曰順聖。閏月。上謁太清宮。羣臣上尊號曰。開元天

地大寶聖文神武應運皇帝。十三載二月復加元元皇帝及諸帝后諡號。上亦加尊號至十四字。太清宮元元皇帝之廟也。



哥舒翰攻吐蕃石堡城拔之。

翰帥兵六萬攻吐蕃石堡城其城三面險絕惟一徑可上吐蕃但以數百人守之貯糧食積木石唐兵前後屢攻之不能克翰進攻數日不拔召裨將高秀巖張守瑜欲斬之二人請三日期拔之獲吐蕃四百人唐士卒死者數萬。以石堡城為神武軍。

庚寅

九載春正月羣臣請封西嶽許之。

已而關中旱嶽祠災遂罷封祀。

夏四月流宋渾于潮陽。

本潮州天寶初改郡今廣東潮州府是。

初吉溫因李林甫得進及楊釗恩遇浸深溫遂棄林甫而附之為畫代林甫執政之策御史中丞宋渾林甫所厚也溫使釗奏而逐之以剪其心腹林甫不能救。



元魏周隋去唐未遠卹錄其後不失厚道崔昌乃以爵位貶之傳會五運嬗代之說說求殷周漢後爲三恪妄孰甚焉

五月賜安祿山爵東平郡王唐將帥封王自此始

秋八月以安祿山兼河北道採訪處置使

求殷周漢後廢韓元魏後周鄼公

處士崔昌上言國家宜承周漢以土代火魏周隋皆閏

位不當以其子孫爲二王後事下公卿集議集賢院學

士衛包上言集議之夜四星聚于尾尾九星後宮之塲

天文志天寶九載八月五星聚于箕尾熒惑後至而先去尾箕燕分也占曰有德則慶無德則凶據此聚本五星而衛包言四星者蓋以熒惑後至天意昭然上乃命

而不言且附會殷周漢唐之說也

求殷周漢後爲三恪廢韓介鄼公十二載夏復以魏周隋後爲三恪崔昌衛

包皆坐貶時李林甫已死楊國忠欲攻其短故有是命

安祿山入朝



祿山屢誘奚契丹。飲以蓂莢酒。

蓂莢。藥名。以其子釀酒。飲之。不復醒。醉而

阮之。動數千人。斬首以獻。前後數四。至是請入朝。上命

有司先為起第于昭應。祿山至戲水。

在臨潼縣東。下流入渭水。古有戲亭。

楊釗兄弟姊妹皆往迎之。上幸望春宮以待之。祿山獻

奚俘八千人。上命考課之日。書上上考。

前此聽祿山于上谷鑄錢五爐。

祿山乃獻錢樣千緡。

制追復張易之兄弟官爵。賜楊釗名國忠。

楊釗。張易之之甥也。奏乞雪易之兄弟。制引易之兄弟

迎中宗于房陵之功。復其官爵。仍官其子。釗以圖識有

金刀。請更名。上賜名國忠。

南詔反。陷雲南郡。

卽姚州。天寶初改郡。



楊國忠德鮮于仲通薦爲劍南節度使。仲通性褊急。失蠻夷心。故事。南詔常與妻子俱謁都督。過雲南。太守張虔陀皆私之。又多所徵求。南詔王閣羅鳳皮羅閣死。子羅鳳嗣。忿怒。發兵反。攻陷雲南。殺虔陀。取夷州三十二。

辛卯 十載春正月。免駙馬程昌裔官。

楊氏五宅夜遊。與廣平公主帝之從者爭西市門。楊氏

奴揮鞭及公主衣。公主墜馬。昌裔下扶之。亦被數鞭。公主泣訴于上。上爲之杖殺楊氏奴。明日。免昌裔官。不聽朝謁。

爲安祿山起第于親仁坊。

命有司爲祿山起第于親仁坊。敕命但窮壯麗。不限財



力令中使護作。敕之曰。胡眼大。勿令笑我。及第成。祿山置酒。請墨敕。召宰相至第。上命宰相皆赴之。又曰。遣諸楊與之遊宴。通鑑載祿山生日。上及楊妃賜子甚厚。後三日。召入禁中。貴妃以錦繡為大襦。祿裏之。使宮人以輿舁之。上聞問故。左右以貴妃洗祿兒對。上賜貴妃洗兒金銀錢。復厚賜祿山。盡歡而罷。自是祿山出入宮掖。不禁。考此皆出祿山事跡。及天寶遺事。諸釋史。恐非實錄。今不取。

以安祿山兼河東節度使。

戶部郎中吉溫見祿山有寵。約為兄弟。

說祿山曰。李丞相雖以時事親

三兄。必不肯以兄為相。兄若薦溫于上。溫即奏兄堪大任。其排林甫出之。為相必矣。祿山悅其言。數稱溫才于上。

會祿山領河東。因奏溫為副使。知留後。以大理司直

張通儒為判官。委以軍事。

林甫與祿山語。每揣知其情。先言之。祿山驚服。每見。雖盛

冬常汗濡衣。林甫引與坐于中書廳。撫以溫言。自解披袍以覆之。祿山忻荷。言無不盡。謂林甫為十郎。既歸。范

陽留其將劉駱谷在長安。每還必問十郎何言。得美言則喜。或但云語安大夫。須好檢校。卽反手據牀曰。噫。噫。我死。祿山旣兼領三鎮。日益驕恣。自以曩時不拜太子矣。

見上春秋高。頗內懼。又見武備墮弛。有輕中國之心。孔

目官嚴莊。掌書記高尙。雍奴人。因爲之解圖讖。勸之作亂。

祿山養同羅奚契丹降者八千餘人。謂之曳落河。曳落

河者。胡言壯士也。皆驍勇善戰。一可當百。以尙莊通儒

及將軍孫孝哲。契丹部人。爲腹心。史思明安守忠李歸仁蔡

希德牛廷玠向潤容李庭望崔乾祐尹子奇何千年武

令珣能。音耐。元皓。能氏系出長廣。田承嗣。盧龍人。田乾真阿史那承

慶爲爪牙。尙本名不危。頗有詞學。薄遊河朔。貧困不得志。常歎曰。高不危當舉大事而死。豈能齧草

根求活耶。祿山因置幕府。出入臥內。尙典牋奏。莊治簿



營。至承嗣營。寂若無人。入閱士卒。  
無一人不在者。祿山是以重之。

夏四月。劍南節度使鮮于仲通討南詔蠻。敗績。制復募兵以擊之。

仲通將兵八萬討南詔。南詔王閣羅鳳遣使謝罪。請還所俘掠。城雲南而去。仲通不可。囚其使。進軍至西洱河。與戰大敗。士卒死者六萬人。仲通僅以身免。楊國忠掩

其敗狀。仍敘其戰功。閣羅鳳遂北。臣于吐蕃。吐蕃號曰

東帝。

閣羅鳳刻碑于國門。言已不得已而叛唐。且曰。我世世事唐。受其封賞。後世客復歸唐。當指碑以示

唐使者。知吾之叛。非本心也。

制募兵以擊之。人聞雲南多瘴氣。莫肯

應募。楊國忠遣御史分道捕人。枷送軍所。

舊制。百姓有勲者。免征役。

國忠奏先取高勲。于是行者愁怨。父母妻子送之。所在哭聲震野。

高仙芝擊大食。注見前。敗績。

初仙芝僞與石國

月氏餘種在漢大宛西鄙。約和。因兵襲之。虜其王。

以歸。

掠得瑟瑟十餘斛。黃金五六橐駝。皆入其家。

瑟瑟廣雅曰。碧珠也。

石國王子走告

諸胡。諸胡皆怒。潛引大食。欲共攻四鎮。仙芝將兵三萬

擊之。深入七百餘里。與戰大敗。士卒死亡畧盡。

將軍李嗣業勸

仙芝宵遁。別將段秀實詬之曰。避敵先奔。無勇也。全已

棄衆。不仁也。幸而得達。獨無愧乎。嗣業執其手謝之。留

拒追兵。收散卒。得俱免還。至安西。言于仙芝。以秀實兼

都知兵馬使。爲已判官。

字成公。沂陽人。

李嗣業京兆高陵人。段秀實

秋八月武庫火。

燒兵器三十七萬。

安祿山討契丹大敗。



祿山將三道兵六萬以討契丹以奚騎二千爲鄉導過

平盧千餘里遇雨弓弩筋膠皆弛奚復叛與契丹合夾

擊唐兵殺傷殆盡祿山獨與麾下二十騎走入師州唐

縻州以室韋部置後僑治歸罪于左賢王哥解兵馬使

于良鄉縣之故東閭城平盧兵馬使史思明懼逃入山谷祿山

魚承仙而斬之還至平盧麾下皆亡史思明出見祿山

祿山喜執其手曰吾得汝復何憂思明冬十一月以楊國忠領劍南節度使

辰王十一載春二月以粟帛庫錢易惡錢

先是江淮多惡錢貴戚大商往往以良錢一易惡錢五

載入長安市井不勝其弊故李林甫奏請禁之官爲易

取期一月不輸官者罪之于是商賈不以爲便遮楊國

忠馬自言國忠爲言于上。乃更命非鉛錫所鑄及穿穴者皆聽用之。

三月安祿山擊契丹。

祿山擊契丹。欲以雪去秋之恥。會突厥降。將阿布思叛。

初。突厥阿布思來降。上厚禮之。賜姓名李獻忠。累遷朔方節度副使。獻忠有權略。不爲安祿山下。祿山恨之。至是。奏請獻忠俱擊契丹。獻忠恐爲祿山所害。乃帥所部叛歸漠北。祿山遂頓兵不進。已

而阿布思爲回紇所破。祿山誘其部落降之。由是祿山

兵精。天下莫及。阿布思遁入葛邏祿。其葉護執之。送京師。

改吏兵刑爲文武憲部。

夏戶部侍郎京兆尹王鉞伏誅。

鉞權寵日盛。其弟戶部郎中鐸凶險不法。召術士任海川問我有王



者之相不。海川懼亡匿。鉞恐事泄。捕得。托以他事杖殺之。王府司馬韋會。話之私庭。鉞又使長安尉賈季鄰收繫殺之。鉞所善邢綽。與龍武萬騎謀作亂。有告之者。上以

告狀。面授鉞。使捕之。鉞意鉞在綽所。先遣人召之。日晏。

乃命捕綽。綽帥其黨格鬪。會高力士引禁軍至。擊斬綽。

捕其黨。皆擒之。國忠白上。鉞必預謀。上以鉞任遇深。不

應同逆。

李林甫等為之解難

乃命特原鉞。不問。使國忠諷鉞表請

罪之。鉞不忍。上怒。會陳希烈極言。鉞大逆當誅。敕希烈

與國忠鞠之。仍以國忠兼京兆尹。

任海川。韋會等事皆發。

獄具。鉞

賜自盡。鉞杖死于朝堂。有司籍其第舍。數不能徧。

五月。以楊國忠為御史大夫。京畿採訪使。

初。李林甫以國忠微才。且貴妃之族。故善遇之。國忠以

林甫薦王鉷為大夫。不悅。遂深探。邢絳獄。令引林甫交私事狀。陳希烈、哥舒翰從而證之。上由是疎林甫。擢國忠為大夫。凡鉷所領使務。皆歸之。國忠貴震天下。始與林甫為讐敵矣。是秋。上復幸左藏。國忠奏有鳳凰見左藏屋。出納判官魏仲犀見之。遂以仲犀為殿中侍御史。

冬十一月。右相李林甫死。

先是。林甫奏請楊國忠赴鎮劔南。

國忠既領劔南節度。南詔數寇邊。蜀人請

國忠赴鎮。林甫因奏遣之。國忠將行。泣言必為林甫所害。上曰。卿暫到蜀。區處軍事。朕屈指待卿。還當入相。林甫時已有疾。聞之。至是。林甫疾劇。上遣中使召國忠還。憂懣不知所為。

至昭應。謁林甫。拜于牀下。林甫流涕謂曰。林甫死矣。公必為相。以後事累公。國忠謝不敢當。汗流覆面。林甫遂



死。上晚年自恃承平。以為天下無復可憂。遂深居禁中。專以聲色自娛。悉委政事于林甫。林甫媚事左右。迎合上意。以固其寵。杜絕言路。掩蔽聰明。以成其姦。妬賢嫉能。排抑勝已。以保其位。屢起大獄。誅逐貴臣。以張其勢。自皇太子以下。畏之側足。凡在相位。十九年。養成天下之亂。而上不之寤也。

以楊國忠為右相兼文部尚書。

國忠為人強辨。而輕躁無威儀。既為相。裁決機務。果敢不疑。袞袞腕公卿以下。頤指氣使。莫不震懼。凡領四

十餘使。

或勸陝郡進士張彖謁國忠。彖曰。君輩倚楊右相如泰山。吾以為冰山耳。若皎日既出。君輩得

無失所恃乎。遂隱居嵩山。

巳

十二載春正月。楊國忠注選人于都堂。

國忠欲收人望。選人無問賢不肖。選深者留之。依資據闕。注官滯淹者。翕然稱之。凡所施置。皆曲徇時人所欲。

故頗得衆譽。故事。兵吏部尚書知政事者。選事悉委侍郎以下。三注三唱。仍過門下省審。自春及夏。乃畢。至是。國忠欲自示精敏。乃遣令史先于私第密定名關。召左相陳希烈及給事中諸司長官。皆集尚書都堂。唱注一日而畢。曰。今左相給事中俱在座。已過門下矣。其間資格差謬甚衆。無敢言者。于是門下不復過官。侍郎但掌試判而已。時中書舍人宋昱知選事。進士劉廼遺昱書曰。禹稷臯陶同居舜朝。猶曰載采有九德。考績以九載。近代主司。察言于一幅之判。觀行于一揖之間。何古今遲速不侔之甚哉。借使周公孔子。今處銓廷。考其辭華。則不及徐庾。觀其利口。則不如嗇夫。何暇論聖賢之事業乎。劉廼字永夷。河南伊闕人。

二月。追削李林甫官爵。剖其棺。

楊國忠說安祿山。使阿布思部落降者。詣闕誣告李林



甫與阿布思謀反。上信之。下吏按問。林甫媚諫議大夫楊齊宣。懼為所累。證成之。時林甫尚未葬。制削官爵。子孫皆流嶺南。黔中。親近及黨與坐貶者五十餘人。剖棺抉含珠。褫金紫。更以小棺如庶人禮葬之。

秋八月。以哥舒翰兼河西節度使。

安祿山以李林甫狡猾踰已。故畏服之。及楊國忠為相。視之蔑如也。由是有隙。國忠屢言祿山有反狀。上不聽。

隴右節度使哥舒翰素與祿山不協。

先是翰與祿山俱入朝。上使高力士

宴之城東。祿山謂翰曰。公與我族類頗同。何得不相親。翰曰。古人云。狐向窟嗥不祥。為其忘本也。兄苟見親。翰敢不盡心。祿山以為譏其胡也。怒罵曰。突厥敢爾。翰欲應之。力士曰。翰乃止。山是為怨愈深。會翰擊

吐蕃悉收九曲

唐軍名在今蘭州府河州邊外西北。唐書吐蕃傳。九曲地宜畜牧。開元中吐蕃

賂都督楊矩。請其地爲金城公主湯沐。矩表與之。由是吐蕃近與唐接。勢益張。天寶十二載。哥舒翰收復故地。遂列郡縣。部落國忠欲厚給翰。與共排祿山。因奏以翰兼河

西節度。賜爵西平郡王。

是時中國盛彊。自安遠門西盡唐境。凡萬二千里。間閭相望。桑

林翳野。天下稱富庶者。無如隴右。翰每遣使入奏。皆乘白橐駝。日馳五百里。

安遠門。長安城西北門。

冬十月。帝如華清宮。

楊國忠與虢國夫人。居第相鄰。晝夜往來。無復期度。或並轡走馬。不施鄣幕。道路掩目。三夫人從幸華清。會于國忠第。車馬僕從。充溢數坊。錦繡珠玉。鮮華奪目。國忠謂客曰。吾本寒家。一旦緣椒房至此。未知稅駕之所。然終不能致令名。不若且極樂耳。楊氏五家隊。各爲一色衣。以相別。五家合隊。粲若雲錦。國忠仍以劔南旌節引



于其前。國忠子暄舉明經。荒陋不及格。禮部侍郎達奚珣畏國忠。遣其子邀國忠。馬白之。然亦未敢落也。國忠怒曰。我子何患不富貴。乃令鼠輩相賣策馬。不顧而去。珣懼。遂置暄上等。

甲午十三載春正月安祿山入朝。

是時楊國忠言祿山必反。且曰。陛下試召之。必不來。上使召之。祿山卽至。見上泣曰。臣本胡人。陛下寵擢至此。爲國忠所疾。臣死無日矣。上憐之。賞賜巨萬。由是國忠之言不能入矣。太子亦言祿山必反。上不聽。祿山求兼監表吉溫自副。因擇良馬納范陽。

加安祿山左僕射。

上欲加祿山同平章事。已令太常張垧草制。楊國忠曰。祿山雖有軍功。目不知書。豈可爲宰相。制書若下。恐四

夷輕唐。上乃以祿山爲僕射。唐初詔敕皆中書門下官有文者爲之。乾封以後始

召文士草諸文辭。常于北門候進止。時人謂之北門學士。上卽位始置翰林院。密邇禁庭。延文章之士。下至僧道書畫琴棋數術之工。皆處之。謂之待詔。刑部尚書張均及弟垺皆翰林院供奉。

### 三月安祿山歸范陽

祿山奏所部將士討奚契丹等勲効甚多乞超資加賞。

除將軍者五百餘人。祿山欲反故先以此收衆心也。祿中郎將者二千餘人。

山辭歸范陽。上解御衣以賜之。祿山驚喜恐楊國忠奏

留之。疾驅出關。乘船沿河而下。晝夜兼行。日數百里。自

是有言祿山反者。上皆縛送之。由是人無敢言者。祿山之發

長安也。上令高力士餞之。及還上問祿山慰意乎。對曰。觀其意快快。必知欲命爲相而中止也。上以告國忠。國忠曰。此議他人不知。必張垺兄弟告之也。上怒。貶均垺官。



夏六月乙丑朔日食不盡如鉤。

劔南留後李宓擊南詔敗沒。

宓擊南詔閭羅鳳誘之深入至太和城閉壁不戰宓糧

盡士卒瘴疫饑死什七八乃引還蠻追擊之全軍皆沒。

楊國忠隱其敗更以捷聞益發中國兵討之前後死者

幾二十萬人無敢言者。上嘗謂高力士曰朕今老矣朝

復何憂力士對曰臣聞雲南數喪師又邊將擁兵太盛

陛下將何以制之臣恐一旦禍起不可復救何謂無憂

也上曰卿勿言朕深思之

秋八月陳希烈罷以韋見素字會微湊之子同平章事。

楊國忠忌陳希烈希烈累表辭位上欲以吉溫代之國忠以溫附安祿山奏言不可以見素和雅易制薦之。

力士雖時有正言然林甫祿山皆因力士致將相則亂源本其所自釀蓋宦豎本無深識其初不過因詔媚為之薦劾道事終已成雖汲汲直陳亦已無及其罪固不可以一言貸也

關中大饑

自去歲水旱相繼。關中大饑。上憂雨傷稼。國忠取禾之善者獻之。曰。雨雖多。不害稼也。上以爲然。扶風太守房琯言所部水災。國忠使御史推之。是歲。天下無敢言災者。高力士侍側。上曰。淫雨不已。卿可盡言。對曰。自陛下以權假宰相。賞罰無章。陰陽失度。臣何敢言。上然之。

冬。閏十一月。貶韋陟。

字殷卿。安石子。

爲桂嶺。

隋縣。元省。故城在今廣西平樂府賀縣。

尉吉溫爲澧陽。

本澧州。天寶初改郡。後仍爲州。今隸湖南。

長史。

河東太守韋陟。文雅有盛名。楊國忠恐其入相。使人告陟。賊汚。事下御史。陟賂中丞吉溫。使求救于安祿山。復爲國忠所發。貶陟桂嶺尉。溫澧陽長史。安祿山爲溫訟。



寬且言國忠讒疾。上兩無所問。

戶部奏郡縣戶口之數。

先是開元十四年。戶七百六萬九千五百六十五口。四千一百四十一萬九千七百一十二。二十八年。戶八百四十一萬二千八百七十一口。四千八百一十四萬三千六百九。時西京東都米斛直錢不滿二百。絹匹亦如之。海內富安。行者萬里。不持寸兵。至是。戶部奏。天下郡三百二十一縣。千五百三十八。戶九百六十一萬九千二百五十四口。五千二百八十八萬四百八十八。唐之盛止此。

十四載。春二月。安祿山請以蕃將代漢將。從之。

祿山使副將何千年入奏。請以蕃將三十二人代漢將。

韋見素謂楊國忠曰。祿山久有異志。今又有此請。其反明矣。明日入見。上迎謂曰。卿等疑祿山邪。見素因極言祿山反已有迹。所請不可許。上不悅。竟從祿山之請。他國忠見素言于上曰。臣有策可坐消祿山之謀。若除祿山平章事。召詣闕。以賈循呂知臨楊光翽分領范陽平盧河東節度。則勢自分矣。上從之。已草制而不發。更遣中使輔瑒琳以珍果賜祿山。潛察其變。瑒琳受祿山厚賂。還盛言祿山無二心。上謂國忠等曰。朕推心待之。必無異志。朕自保之。卿等勿憂也。事遂寢。賈循華原人。輔姓晉大夫智果。別族爲輔氏。

秋七月。安祿山表請獻馬。遣中使諭止之。

祿山表獻馬三千匹。每匹執鞚夫二人。遣蕃將二十二人部送。河南尹達奚珣疑有變。奏請諭祿山以進馬宜俟至冬。官自給夫。無煩本軍。于是上稍寤。始有疑祿山



之意。

會輔璆琳受賂事泄。上托以他事撲殺之。

遣中使馮神威齎手詔諭祿

山如珣策。祿山踞牀不拜。曰。馬不獻亦可。十月。當詣京師。尋遣還。亦無表。

冬十一月。安祿山反。遣封常清如東京募兵以禦之。

祿山專制三道。陰蓄異志。殆將十年。以上待之厚。欲俟上晏駕。然後作亂。會楊國忠屢言祿山且反。數以事激之。欲其速反。以取信于上。祿山由是決意遽反。獨與嚴莊。高尚。阿史那承慶密謀。會有奏事官自京師還。祿山詐爲敕書。示諸將曰。有密旨。令祿山將兵入朝。討楊國忠。牀愕然相顧。莫敢異言。于是發所部兵。及奚契丹。凡十五萬。反于范陽。大閱誓衆。引兵而南。步騎精銳。烟塵

千里時承平久。百姓不識兵革。河北州縣望風瓦解。北  
京以聞。上未之信。及聞祿山定反。乃召宰相謀之。楊國  
忠揚揚有得色。曰。今反者獨祿山耳。將士皆不欲也。不  
過旬日。必傳首詣行在。時上幸華清宮。上以為然。安西節度使  
封常清入朝。上問以討賊方略。常清大言。請詣東京。開  
府庫募驍勇。挑馬箠渡河。計日取逆胡之首獻闕下。上  
悅。以為范陽平盧節度使。乘驛詣東京募兵。旬日得六  
萬人。乃斷河陽橋。為守禦之備。祿山子慶宗尚宗女。在京師。及是。上自華清宮還。誅之。

以郭子儀

字子儀。華州鄭人。

為朔方節度使。

子儀先以天德軍

在今吳喇。武旗西北。

使兼九原太守。至是授朔



方節度使率軍東討。

以張介然猗氏人為河南節度使。

領陳留本汴州天寶初改郡今河南開封府是等十三郡諸郡當賊衝者。

皆置防禦使介然至陳留纔數日祿山已自靈昌渡河介然授兵乘城眾恟懼不能守太守郭納

以城降介然遂被殺祿山聞其子安慶宗死慟哭曰我何罪而殺我子于是陳留將士降者皆殺之以快其忿

靈昌本滑州天寶初改郡今衛輝府滑縣是

十二月以高仙芝為副元帥統諸軍屯陝。

以榮王琬帝之子為元帥高仙芝副之統諸軍東征出內

府錢帛于京師募兵十一萬號曰天武軍旬日而集皆

市井子弟也仙芝以五萬人發京師遣宦者邊令誠監

其軍屯于陝。唐宦者監軍自此始

封常清與賊戰于武牢敗績安祿山遂陷東京留守李愬

并州文水人。

御史中丞盧奕

懷慎之子。死之。

祿山以田承嗣安忠志

祿山假子。張孝忠

本奚種名阿勞。後歸朝賜名。爲

前鋒常清所募兵皆白徒屯武牢以拒賊賊以鐵騎蹂之再戰皆敗祿山陷東京常清再戰城中又敗乃西走河南尹達奚珣降于祿山留守李愬謂御史中丞盧奕曰吾曹荷國重任雖知力不敵必死之奕許諾愬收殘兵數百欲戰皆潰愬坐府中奕先遣妻子懷印間道走長安朝服坐臺中祿山使人執之及採訪判官蔣清欽之皆殺之奕罵祿山數其罪顧賊黨曰凡爲人當知順逆我死不失節夫復何恨。



高仙芝退保潼關。河南多陷。

封常清帥餘衆至陝。謂高仙芝曰。常清連日血戰。賊鋒不可當。且潼關無兵。若賊豕突入關。則長安危矣。陝不可守。不如引兵先據潼關。以拒之。仙芝乃趨潼關。修完

守備。祿山使其將崔乾祐屯陝。于是河南諸郡皆降于

祿山。

是時朝廷徵兵未至。關中恟懼。會祿山方謀稱帝。留東京不進。故朝廷得爲之備。兵亦稍集。

東平。

今泰安府東平州。天寶初置郡。

太守吳王祗。

信安王禕之弟。

起兵討賊。

祿山以張通晤爲睢陽。

卽宋州。注見前。

太守東畧地。郡縣官多

望風降走。惟東平太守嗣吳王祗。濟南太守李隨起兵

拒之。郡縣之不從賊者。皆倚吳王爲名。單父。

漢縣。今曹州府單縣。

是尉賈贛。帥吏民擊斬通晤。有衆二千。詔以祗爲靈昌

太守河南都知兵馬使

以永王璘為山南節度使。穎王璣二王皆帝子為劍南節度使。

二王皆不出閭。以江陵蜀郡長史源洊乾曜族孫崔圓字有裕貝

州武城人副之。

制太子監國。

上議親征。制太子監國。上謂宰相曰。朕在位垂五十載。去秋已欲傳位太子。值水旱相

仍不欲以餘災遺子孫。不意逆胡橫發。朕當親往。且使之監國。事平之日。朕將高枕無為矣。楊國忠

大懼。退謂三夫人口。太子素惡吾家。若一旦得天下。吾

與姊妹併命在旦暮矣。使說貴妃銜土請命于上。事遂

寢。

平原太守顏真卿字清臣。師古五世從孫起兵討賊。



祿山兵驅直入河北諸郡  
望風而靡真卿獨能結守  
平原擒獲賊黨逆義聲自  
傳而清池河間之衆咸得  
有所稟承即常山亦聞而  
響應真卿爾時不可謂非  
中流砥柱惜其後弗克則  
城固守不危春秋責備耳

從杜元凱提議  
卷之五十五

初真卿知祿山且反因霖雨完城浚濠料丁壯實倉廩  
祿山以其書生易之及反牒真卿將兵防江津真卿遣  
平原司兵李平間道奏之上始聞河北郡縣皆從賊嘆  
曰二十四郡曾無一人義士耶及平至大喜曰朕不識  
顏真卿作何狀乃能如是真卿使親客密懷購賊牒諫  
諸郡由是諸郡多應者召募勇士旬日至萬餘人涕泣  
諭以舉兵討賊士皆感憤祿山使其黨段子光齎李愬  
盧裘蔣清首徇河北諸郡至平原真卿執之腰斬以徇  
取三人首續以蒲身棺斂葬之祭哭受弔  
祿山以劉道元攝景城太守清池尉賈慧鹽山尉穆寧其斬之得其甲仗五十餘  
船攜其首謁長史李晞晞收嚴莊宗族悉誅之送道元  
首至平原真卿召載寧及清河尉張澹詣平原計事饒  
陽太守盧全誠據城不受代河間司法李兵殺祿山所

署長史王懷忠李隨殺祿山所署博平太守馬冀各以  
衆數千或萬人共推真卿爲主軍事皆稟焉景城本  
滄州天寶初改郡今仍爲州屬天津府清池縣明  
省故城在滄州鹽山陪縣今屬天津府餘注俱見前

殺高仙芝封常清以哥舒翰爲副元帥

邊令誠數以事干仙芝仙芝不從令誠入奏事遂言常

清以賊搖衆而仙芝棄陝地數百里又盜減糧賜上大

怒遣令誠齎敕卽軍中斬仙芝及常清

初常清旣敗三  
遣使奉表陳賊

形勢上皆不之見常清乃自馳詣闕至渭南敕削其官  
爵令還軍自効常清草遺表曰臣死之後望陛下不輕  
此賊無忘臣言時朝議皆以祿山狂悖不日授首故常  
清云然令誠至潼關先引常清宣敕示之常清以表附  
令誠上之常清旣死令誠乃謂仙芝曰大夫亦有恩命  
仙芝遽下令誠宣敕仙芝曰我遇敵而退死則宜矣謂  
我盜減糧賜則誣也時士卒在前大呼稱枉其聲震地  
遂斬之先是哥舒翰入朝以疾  
留京師及是上以翰有威名且素與祿山不協召見拜



兵馬副元帥將兵六萬以討祿山翰以疾固辭上不許

以田良邱為行軍司馬蕃將火拔歸仁等將部落以從

併仙芝舊卒號二十萬軍于潼關翰疾不能治事悉以軍政委良邱良邱復

不敢專決使王思禮主騎李承光主步無所統一翰用法嚴而不恤士卒皆懈弛無關志王思禮高麗人

安祿山遣兵寇振武唐軍名單于都督府治此地在歸化城南郭子儀使兵

馬使李光弼僕固懷恩鐵勒部人擊破之

子儀乘勝遂收雲中拔馬邑開東陁關在今代州南胡三省曰時河東

太原閉關以拒賊子儀既破賊眾關始開

常山即恒州太守顏杲卿字昕真卿同五世兄起兵討賊河北諸郡

皆應之

先是祿山至藁城漢縣今屬正定府常山太守顏杲卿力不能

拒與長史袁履謙往迎之。祿山輒賜杲卿金紫質其子弟。使仍守常山。杲卿歸途中指其衣謂履謙曰。何爲著此。履謙悟其意。乃陰與杲卿謀討祿山。至是將起兵。會族弟真卿自平原遣甥盧逖潛告杲卿。欲連兵斷祿山歸路。以緩其西入之謀。時祿山將李欽湊守井陘口。杲卿誘至。斬之。悉散井陘之衆。有頃賊將高逸何千年適至。又皆擒之。此賊將張獻誠方圍饒陽。千年因謂杲卿曰。此郡應募烏合。難以臨敵。宜深溝高壘。勿與爭鋒。俟朔方軍至。併力齊進。傳檄趙魏。斷燕薊要脅。彼則成擒矣。今且宜聲云。李光弼兵出井陘。因使人說張獻誠解饒陽圍。此亦一奇也。杲卿悅。用其策。獻誠果遁去。兵皆潰。杲卿乃命藁城尉崔安石等徇諸郡云。大軍朝夕當至。先下者賞。後至者誅。于是河北諸郡響應。凡十七郡皆歸朝廷。兵合二十餘



萬其附祿山者。惟范陽。注見前。盧龍。唐志無盧龍郡。胡三省曰當作北平。

密雲。本檀州。天寶初改郡。今順天府密雲縣是。漁陽。今薊州。天寶初置郡。汲。見前。六

郡而已。果卿又密使人入漁陽招賈循。郡城人馬燧說循曰。祿山負恩悖逆。終歸夷滅。公若以范陽歸

國。傾其根柢。此不世之功也。循然之。循豫不時發別將牛潤容知之。以告祿山。祿山召循殺之。馬燧亡入西山。

隱者徐遇匿之。得免。祿山欲攻潼關。至新安。聞河北有變而還。馬燧字洵美。

丙申十五載。肅宗皇帝春正月。安祿山僭號。劉友益曰。書僭號自祿山始。天

上也。

祿山自稱大燕皇帝。收元聖武。以達奚珣為侍中。張通

儒為中書令。高尙嚴莊為中書侍郎。

以許遠為睢陽太守。

賊將史思明陷常山。顏杲卿死之。

杲卿起兵纔八日。守備未完。史思明、蔡希德引兵皆至城下。杲卿告急于太原尹王承業。承業擁兵不救。杲卿晝夜拒戰。糧盡矢竭。城遂陷。賊執杲卿及袁履謙等。送洛陽。祿山數之曰：「我奏汝爲判官。不數年超至太守。何負于汝而反？」杲卿罵曰：「汝本營州牧羊羯奴。天子擢汝爲三道節度使。恩幸無比。何負于汝而反？我世爲唐臣。祿位皆唐有。雖爲汝所奏。豈從汝反邪？我爲國討賊。恨不斬汝。何謂反也？」臊羯狗。何不速殺我！祿山大怒。并履謙、曷古瓦反。磔也。之二人比死。罵不絕口。顏氏死者三十餘人。思明旣克常山。引兵擊諸郡之人。不從者。于是諸郡復爲賊。

以李光弼爲河東節度使。



上命郭子儀罷圍雲中。還朔方。益發兵進取東京。選良將分兵先出井陘。以定河北。子儀薦光弼。以為河東節度使。分朔方兵萬人與之。

二月。李光弼入常山。執賊將安思義。遂與史思明戰。大敗之。

李光弼將蕃漢步騎萬餘人。太原弩手三千人。出井陘。

至常山。常山團練兵執安思義出降。

光弼得思義。不殺。引問計。答曰。大夫

遠來疲弊。遇敵恐未易當。不如按軍入守。料勝而出。賊

兵雖銳。不能持重。氣沮心離。乃可圖也。

光弼曰。善。釋其

縛。即移

軍入城。思明方圍饒陽。

太守盧全誠拒守不下。

聞常山不守。立即

解圍。合二萬餘騎。直抵城下。光弼以五百弩手城上齊

發射之。賊稍却。乃出弩手千人。分為四隊。使其矢發發

相繼賊不能當乃退有村民告賊步兵五千自饒陽來

至九門

漢縣宋省故城在今藁城縣

南逢壁

九門之地名

光弼遣步騎各

二千匿旗鼓並水潛行遇賊方飯縱兵掩擊殺之無遺

思明聞之失勢退入九門

時常山九縣七兩官軍惟九門藁城為賊所據光弼與思

明相守四十餘日思明絕常山糧道光弼遣使告急于郭子儀子儀引兵自井陘出至常山與光弼軍合蕃漢

步騎共十餘萬與思明戰于九門城南思明收餘眾奔趙郡復如將渾瑊射其將李立節殺之思明收餘眾奔趙郡復如

博陵河朔之民苦賊殘暴所在屯結各為營以拒賊及郭李軍至爭出自効遂攻趙郡降之渾瑊鐵勒渾部

酋長釋之

真源

唐縣今歸德府鹿邑縣是

令張巡起兵雍邱

注見討賊前

先是譙郡

注見前

太守楊萬石以郡降安祿山逼真源令

張巡為長史使西迎賊巡至真源帥吏民哭于元元皇



帝廟起兵討賊。樂從者數千人。巡選精兵千人。西至雍邱。與賈賁合。初。雍邱令狐潮以縣降賊。引精兵攻雍邱。賈出戰敗死。巡力戰卻賊。因兼領賈衆。潮復與賊將李懷仙柳城胡人等四萬餘衆。奄至城下。衆懼。巡曰。賊兵精銳。有輕我心。今出于不意。擊之。彼必驚潰。賊勢少折。然後城可守也。乃使千人乘城。自帥千人分數隊。開門突出。巡身先士卒。直衝賊陣。人馬辟易。賊遂退。明日復進。蟻附攻城。巡束蒿灌脂。焚而投之。賊不得上。積六十餘日。大小三百餘戰。帶甲而食。裹瘡復戰。賊遂敗退。巡乘勢追之。獲胡兵二千人而還。軍聲大振。

加鎮真卿河北採訪使。真卿擊魏郡。拔之。

尊遊說真卿雖未脫戰國策士結習然其執手籌畫於時勢瞭若指掌與郭李不關搗穴若合符契少年雄驍如此使得竟其用當不失為將才而其後略無表覓豈其措置本不逮所言抑天奪之筭齎志以歿歟

先是清河客李萼

一作萼字伯高趙人

年二十餘為郡人乞師于

真卿

萼曰公首唱大義河北諸郡恃公以為長城今清

河公之西鄰國家平日聚江淮河內錢帛于彼以

贍北軍今有布三百餘萬匹帛八十餘萬匹錢三百餘

萬緡糧三十餘萬斛昔討默啜甲兵皆貯其庫今有五

十餘萬事戶七萬口十餘萬竊計財足以三平原之富

兵足以倍平原之彊公誠資以士卒撫而有之以二郡

為腹心則餘郡如四支無不隨所使矣真卿曰吾兵新

集未練何暇及鄰然子之請兵欲何為乎萼曰清河非

力不足而借公之師也亦以觀大賢之名義耳今真卿

仰瞻高意未有決辭定色僕何敢遽言所為乎

欲與之兵眾以萼年少輕慮必無所成真卿不得已辭

之萼就館復為書說真卿

書曰清河去逆效順奉粟帛器械以資軍公乃不納而疑

之僕回轅之後清河不能孤立必有所繫託將為公西面之彊敵公能無悔乎真卿得書大驚

遽詣其館以兵六千借之送至境執手別因問之曰兵

已行矣可以言子之所為乎萼曰聞朝廷遣程千里

京兆



萬年人。

將精兵十萬出崞。

音郭。口。舊唐書。崞口在相州西山。胡三省曰。蓋卽壺關之險。

也。賊據險拒之。不得前。今當引兵先擊魏郡。執其守將。

分兵開崞口。以出千里之師。因討汲。鄴。以北。至于幽陵。

卽幽州。

然後帥諸同盟。合兵十萬。南臨孟津。分兵循河。據

守要害。制其北走之路。計官軍東討者不下二十萬。河

南義兵西向者。亦不減十萬。公但當表朝廷。堅壁勿戰。

不過月餘。賊必有內潰相圖之變矣。真卿曰善。令參軍

李擇交等。將其兵會清河博平兵五千人。軍於堂邑。

今屬東昌府。

祿山所署魏郡太守袁知泰逆戰。大敗。遂克魏

郡。軍聲大振。

以賀蘭進明爲河北招討使。

時北海太守賀蘭進明亦起兵。真卿以書召之，并力進明。將步騎五千渡河，真卿陳兵逆之，相揖哭于馬上，哀動行伍。進明屯平原城南，真卿每事咨之。由是軍權稍移于進明。真卿不以為嫌，復以堂邑之功讓之。進明奏其狀，取捨任意，敕加進明河北招討使，擇交等微進資級。清河博平有功者皆不錄。進明攻信都郡，久之不克，參軍第五琦勸進明厚以金帛募勇士，乃克之。

第五琦，字禹珪，長安人。

夏四月，以來瑱邠州永壽人。為潁川太守。

楊國忠問將于左拾遺張鎬。字從周，博州人。及蕭昕。字中明，梁鄱陽王恢

七世孫。鎬听薦瑱，以為潁川太守。前後破賊甚眾，人謂之

來嚼鐵。



御批歷代通鑑輯覽

卷之五十五

五

以劉正臣

武陟人

為平盧節度使。

平盧軍將劉客奴董秦

薊人。後賜姓名曰李忠臣。

王元志同謀殺呂

知誨

祿山首發。以知誨守平盧。

遣使踰海與顏真卿相聞。請取范陽

以自効。真卿遣判官以衣糧助之。真卿時惟一子頗才

十餘歲。使詣客奴為質。朝廷聞之。以客奴鎮平盧。賜名

正臣。秦及元志拜官有差。

已而正臣將襲范陽。未至。為史思明所敗。比還。王元志酖

之。

以號王巨

高祖子鳳之曾孫。

為河南節度使。

賊圍南陽。太常卿張垠薦號王巨有勇畧。上徵吳王祗

還。以巨代之。引兵出藍田。賊解圍走。

五月。郭子儀李光弼與史思明戰于嘉山。

亦曰嘉禾山。在今定州曲陽縣。

東。大破之。復河北十餘郡。

子儀光弼既拔趙郡。光弼進圍博陵。不克。與子儀俱還。

常山。史思明收散卒數萬踵其後。子儀選驍騎更挑戰。

三日。賊疲乃退。子儀乘之。又敗之于沙河。

在今定州南。即古派水。源

出山西。逕正定。定州。至祁州。與唐河合。唐河。古滏水也。

祿山復使蔡希德將步騎

二萬人北就思明。又使牛廷玠發范陽等郡兵助之。合

五萬餘人。子儀至恒陽。

今曲陽縣。隋曰恒陽。唐元和中更名。

深溝高壘

以待之。賊來則守。去則追之。晝則耀兵。夜斫其營。賊不

得休息。數日。光弼子儀議曰。賊倦矣。可以出戰。戰于嘉

山。大破之。斬首四萬級。捕獲千餘人。思明奔博陵。光弼

就圍之。軍聲大振。于是河北十餘郡皆殺賊守將而降。



漁陽路再絕。前者顏杲卿起兵。漁陽路絕。杲卿敗。而復通。今郭李破史思明。故再絕。賊往

來者多為官軍所獲。賊眾家在漁陽者。無不搖心。祿山大懼。

召高尙嚴莊。詰之曰。汝教我反。以為萬全。今守潼關數

月不能進。北路已絕。諸軍四合。萬全何在。尙莊懼。數日

不敢見。田乾真說祿山曰。自古帝王經營大業。皆有勝

敗。豈能一舉而成。尙莊皆佐命元勳。一旦絕之。諸將誰

不內懼。祿山即置酒酣宴。待之如初。遂議棄洛陽。走歸范陽。計未決。

六月。哥舒翰與賊戰于靈寶。大敗。賊遂入關。

是時天下以楊國忠召亂。莫不切齒。王思禮密說哥舒

翰。使抗表請誅國忠。翰曰。如此乃翰反。非祿山也。或說

國忠。朝廷重兵盡在翰手。翰若援旗西指。于公豈不危

哉。國忠大懼。募萬人屯灊上。令所親杜乾運將之。名為禦寇。實備翰也。翰聞之。亦恐為國忠所圖。乃表請灊上軍隸潼關。會有告賊將崔乾祐在陝。兵不

翰對思禮數言。尚知大義。何以潼關既清。遂視顏倫。息不復存。善惡之心。則臨敵之撫膺慟哭。亦僅為身謀而已。

滿四千皆羸弱無備。上遣使趣翰進兵復陝洛。翰奏曰。祿山久習用兵。豈肯無備。是必羸師以誘我。若往必墮其計中。且賊遠來。利在速戰。官軍據險。利在堅守。况賊勢日蹙。將有內變。因而乘之。可不戰擒也。要在成功。何必務速。今諸道徵兵。尙多未集。請且待之。郭子儀。李光弼亦請引兵北取范陽。覆其巢穴。賊必內潰。潼關大軍。惟應固守以弊之。不可輕出。國忠疑翰謀已。言于上。以翰逗留。恐失機會。上以爲然。遣中使趣之。項背相望。翰不得已。撫膺慟哭。引兵出關。遇崔乾祐之軍于靈寶西原。乾祐先據險。南薄山。北阻河。隘道七十里。翰使王思禮等將精兵五萬。居前。龐忠等將餘兵十萬繼之。翰以兵三萬登河北阜。望之。鳴鼓以助其勢。乾祐所出兵。不過萬人。什什伍伍。



散如列星。或疏或密。或前或卻。官軍望而笑之。兵既交。

賊偃旗如欲遁者。官軍懈不為備。

賊乘高下木石擊殺士卒甚眾。道隘士卒

如束槍槩不得用。翰以羶車駕馬為前驅。欲以衝賊。日

過中。東風暴急。乾祐以草車數十乘塞羶車之前。縱火

焚之。烟焰所被。官軍

不能開目。妄自相殺。乾祐遣精騎自後擊之。官軍大敗。

後軍自潰。河北

軍望之亦潰。翰獨與麾下百餘騎走入關。乾祐遂進

攻潼關。克之。蕃將火拔歸仁等執翰降賊。送洛陽。祿山

謂翰曰。汝常輕我。今定何如。翰伏地對曰。臣肉眼不識

聖人。祿山以翰為司空。謂歸仁不忠。斬之。

帝出奔蜀。

哥舒翰麾下來告急。上不時召見。及暮。平安火

唐制。烽侯相去

三十里。每日初夜放

烟一炬。謂之平安火。不至。上始懼。召宰相謀之。楊國忠

首唱幸蜀之策。上然之。乃御樓下制。云欲親征。聞者皆莫之信。既夕。命龍武大將軍陳元禮。整比六軍。厚賜錢帛。選閑廐馬九百餘匹。黎明。上獨與貴妃姊妹皇子妃主皇孫及親近宦官宮人出延秋門。妃主皇孫之在外者皆委之而去。上過左藏。國忠請焚之。上曰。賊來無所得。必更斂于百姓。不如與之。無重困赤子。是日。百官猶入朝。門既啓。則宮人亂出。中外大擾。不知上所之。四出逃匿。上既過便橋。楊國忠卽使人焚橋。上曰。人各避賊求生。奈何絕其路。留高力士撲滅之。至咸陽。日向中。上猶未食。民獻糲飯。雜以麥豆。皇孫輩爭以手掬食之。須臾而盡。有老父郭從謹進言曰。祿山包藏禍心。固非一日。有告其謀者。陛下往往誅之。使得逞其姦逆。致陛下播越。是以先王務延訪忠良。以廣聰明。蓋爲此也。臣猶記宋璟爲相。數進直言。天下賴以安。自頃以來。在廷之臣。以言爲譴。闕門之外。陛下皆不得知。草野之臣。必知有今日久矣。但九重嚴邃。區區之心。無路上達。事不至此。臣何由得覩陛下之面而訴之乎。上曰。朕之不明。悔無所及。慰諭而遣之。

廐



綱目書楊國忠及貴妃伏誅說者謂二人之罪宜誅書法所以正名定罪殊不知是時衆叛親離威柄不出元宗且元宗亦無誅之意安得謂之伏法惟據事直書則罪名既著而元禮嫉衆劫君之惡亦自彰杜甫一生忠懇獨於北征詩褒美元禮太過不可謂且彼時元宗顛沛流離楊氏又安能更爲人患哉若謂宜誅則當於祿山未叛楊氏方盛之時捨身固爭方可謂之忠臣元禮所爲正韓愈所謂又下石焉者在朋友尚不可何況君臣乎若元禮者真亂臣賊

從拉原不送鑑軒覽

卷之五十五

三

次于馬嵬。

在今西安府興平縣西。

楊國忠爲禁軍所殺。貴妃楊氏賜

死。

上至馬嵬驛。將士饑疲。皆憤怒。陳元禮以禍由楊國忠。

欲誅之。因李輔國

東宮宦者。

以告太子。未決。會吐蕃使者二

十餘人遮國忠馬。訴以無食。軍士呼曰。國忠與吐蕃謀

反。國忠走。追殺之。屠割支體。以槍揭其首于驛門外。并

殺韓國。秦國夫人。上聞誼譁。出門慰勞。令收隊。軍士不

應。上使高力士問之。元禮對曰。國忠謀反。貴妃不宜供

奉。願陛下割恩正法。上曰。朕當自處之。入門倚杖傾首

而立久之。京兆司祿韋諤

見素之子。

前言曰。今衆怒難犯。安

危在晷刻。願陛下速決。因叩頭流血。上曰。貴妃常居深

宮安知國忠反謀。高力士曰。貴妃誠無罪。然將士已殺國忠。而貴妃在陛下左右。豈敢自安。願陛下深思之。將士安則陛下安矣。上乃命力士引貴妃于佛堂。縊殺之。輿尸置驛庭。召元禮等入觀之。元禮乃免胄釋甲。頓首謝罪。軍士皆呼萬歲。于是始整部伍。爲行計。國忠妻子人走陳倉。縣令薛景仙誅之。陳倉漢縣。唐至德中改寶雞。今屬鳳翔府。發馬嵬。留太子東討賊。

上將發馬嵬。朝臣惟韋見素一人。乃以韋譔爲御史中丞。亮置頓使。父老遮道請留。上命太子宣慰之。父老曰。至尊旣不肯留。某等願帥子弟從殿下東破賊。取長安。若殿下與至尊皆入蜀。中原百姓誰爲之主。須臾聚至。



數千人。太子不可。涕泣跋馬欲西。建寧王倓太子與李

輔國執鞶諫曰。逆胡犯闕。四海分崩。不因人情。何以興

復。殿下不如收西北邊之兵。召郭李于河北。與之併力。

東討逆賊。克復二京。削平四海。使社稷危而復安。宗廟

毀而更存。掃除宮禁。以迎至尊。豈非孝之大者。何必區

區溫清。爲兒女之戀乎。廣平王倓亦太子子。亦勸太子

留父老共擁太子馬不得行。太子乃使倓馳白上。上曰。

天也。命分後軍二千人。及飛龍廐馬從太子。諭之曰。太

子仁孝。可奉宗廟。汝曹善輔佐之。又使諭太子曰。汝勉

之。勿以吾爲念。西北諸胡。吾撫之素厚。汝必得其用。且

宣旨欲傳位太子。太子不受。

帝至扶風。

上至扶風。士卒流言不遜。陳元禮不能制。會成都貢春絲十餘萬匹至。上命陳之于庭。召將士諭之曰。朕衰老。託任失人。致逆胡亂常。須遠避其鋒。卿等倉猝從朕。不得別父母妻子。跋涉至此。勞苦至矣。朕甚愧之。蜀路阻長。郡縣徧小。人馬衆多。或不能供。今聽卿等各還家。朕獨與子孫中官前行入蜀。亦足自達。今日與卿等訣別。可共分此絲。以備資糧。若歸見父母及長安父老。爲朕致意。各好自愛也。因泣下沾襟。衆皆哭曰。臣等死生從陛下。不敢有貳。上良久曰。去留聽卿。自是流言始息。

太子至平涼。



太子既留。未知所適。建寧王倓曰。殿下昔嘗為朔方節

度大使。將吏歲時致啓。俟畧識其姓名。今河西隴右之

衆皆敗降賊。父兄弟多在賊中。或生異圖。朔方道近。

士馬全盛。裴冕字章甫河東人衣冠名族。必無二心。速往就之。

此上策也。衆皆曰善。通夜馳三百餘里。至彭原。本寧州天寶初

改郡。今仍為州。屬慶陽府。太守李遵出迎。獻衣及糗糧。遂至平涼。閱

監牧馬。得數萬匹。又募士得五百餘人。軍勢稍振。

帝至河池。本鳳州。天寶初改郡。今漢中府鳳縣是。以崔圓同平章事。

劔南節度使崔圓奉表迎車駕。具陳蜀土豐稔。甲兵全

盛。上大悅。即以為相。

陳倉令薛景仙殺賊將。充扶風而守之。是月改扶風為鳳翔府。

已而賊兵來寇。景仙復擊卻之。時祿山遣其將以勅書

關使郭英乂斬之。大震關即隴關。在今鳳翔府隴州西。郭英乂字元武。知運之子。

賊將孫孝哲陷長安。

祿山不意上遽西幸。止崔乾祐兵留潼關。凡十日。遣孫

孝哲將兵入長安。殺如主皇孫數十人。刳其心以祭安

慶宗。搜捕百官宦者。宮女。每數百人。輒以兵送洛陽。王

侯將相扈從車駕。家留長安者。誅及嬰孩。陳希烈以晚

節失恩。怨上。與張均。張垼等。皆降于賊。祿山以希烈。垼

為相。自餘朝士。皆授以官。于是賊勢大熾。西脅汧隴。南

長安。賊將日夜縱酒。專以聲色寶賂為事。無復西出之意。故上得安行入蜀。太子北行。亦無追迫之患。

帝至普安。今四川保寧府劍州。天寶初改為普安郡。以房琯同平章事。



上之發長安也。羣臣多不知。至咸陽。謂高力士曰。朝臣誰當來。誰不來。對曰。張垺。張均。受恩最深。且連戚里。是必先來。時論皆謂房琯宜為相。陛下不用。又祿山嘗薦之。恐或不來。上曰。事未可知。及琯至。上問均兄弟。對曰。臣帥與偕來。逗遛不進。觀其意。似有所蓄而不能言也。上顧力士曰。朕固知之矣。卽日以琯為相。初。陳希烈罷代之。垺拜謝。既而不用。故垺懷怏怏。

秋七月。太子卽位于靈武。是為肅宗。尊帝為上皇天帝。以裴冕

同平章事。

先是。太子至平涼。朔方留後杜鴻漸。字之與。暹族子。水陸運使

魏少遊。邢州鉅鹿人。判官崔漪。盧簡李涵。宗室永安王孝基曾孫。相與

肅宗之命。肅宗固再三辭。遜矣。茲靈武之自行。卽位。出於何典。上靈武距劍南。為時不過兩月。不聞馳一介奏告。故范祖禹直斥為。乘危叛父持議殿且正矣。

良娣新產爲戰士縫衣猶婦人固寵取憐常態至欲居前禦寇竟自託於馮婕妤之當熊肅宗爲巧言所惑不明甚矣先爲小忠小

謀曰平涼散地非屯兵之所靈武兵食完富若迎太子至此北收諸城兵西發河隴勁騎南向以定中原此萬世一時也乃使涵奉箋于太子且籍北方士馬甲兵穀帛軍資之數以獻之會河西司馬裴冕至平涼亦勸太子之朔方鴻漸自迎太子于平涼北境使少遊居後章次舍庀資儲少遊盛治宮室幃帳皆倣禁中太子至悉命撤之至是冕鴻漸等上太子牋請遵馬嵬之命不許牋五上太子乃許之是日卽位于靈武尊帝爲上皇天帝大赦改元以杜鴻漸崔漪並知中書舍人事裴冕爲中書侍郎同平章事時文武官不滿三十人披草萊立朝廷制度草創武人驕慢大將管崇嗣在朝堂背闕而坐言笑自若監察御史李勉奏彈之繫于有司上特原之嘆曰吾有李勉朝廷始尊張良



信以成其大不忠不信婦  
寺類他日竊柄宮闈幾  
蹈武庫前轍皆此一念墮  
之禍也

是時元宗未傳位太子豈  
得以太子即位靈武會為  
上皇而即書為上皇哉故  
正書法至八月上皇使人  
齋朋宴如靈武後始如綱  
目書上皇然太子既已自  
行即位故書上而不書帝  
以別之而於元宗則仍書  
帝八月後元宗書上皇  
宗方書帝

御批歷代通鑑輯覽 卷之五十五

娣性巧慧能得上意從上來朔方良娣每寢常居上前  
上曰禦寇非婦人所能良娣曰倉猝之際妾以身當之  
殿下可從後逸去至靈武產子三日起縫戰士衣上止  
之對曰此非妾自養之時上以是益憐之李勉字元  
卿高祖子鄭王元懿曾孫張良娣鄧州  
人家新豐元宗母實太后女弟之孫

制以太子充天下兵馬元帥諸王分總天下節制

制以太子為兵馬元帥永王璘盛王琦豐王珙分領諸  
道節度使琦珙皆不出閭惟璘赴江陵先是四方聞  
潼關失守莫知上所之及是制下始知乘輿所在

李泌字長源魏杜國弼六世孫至靈武

初京兆李泌幼以才敏著聞元宗欲官之不可使與太

子為布衣交楊國忠惡之奏徙蘄春隋縣明省故城在今黃州府蘄州

後隱居潁陽後魏縣金省故城在今河南府登封縣上自馬嵬遣使召之

謁見于靈武。上大喜。出則聯轡。寢則對榻。如爲太子時。事無大小皆咨之。言無不從。上欲以泌爲右相。泌固辭。曰。陛下待以賓友。則貴于宰相矣。何必屈其志。上乃止。河西安西皆遣兵詣行在。

上命河西節度副使李嗣業將兵五千赴行在。嗣業與節度使梁宰謀。且緩師以觀變。綏德府折衝段秀實讓嗣業曰。豈有君父告急而臣子晏然不赴者乎。特進常自謂大丈夫。今日視之。乃兒女子耳。嗣業大慚。卽白宰發兵以秀實自副詣行在。上又徵兵于安西。行軍司馬

李栖筠

字貞一。趙州人。

發兵七千。勵以忠義而遣之。

帝至成都。



從官六軍至者千三百人而已。

令狐潮圍雍邱。張巡擊走之。

令狐潮攻雍邱。

潮與張巡有舊。于城下相勞苦如平生。潮因說巡曰。天下事去矣。足下堅守危

城。欲誰爲乎。巡曰。足下平生以忠義自許。今日之舉。忠義何在。潮慚而退。圍守四十餘日。朝

廷聲問不通。潮聞帝已幸蜀。復以書招巡。大將六人白

巡以兵勢不敵。且上存亡不可知。不如降賊。巡陽許諾。

明日堂上設天子畫像。帥將士朝之。人人皆泣。引六將

于前。責以大義。斬之。士心益勸。

城中矢盡。巡縛橐爲人千餘。被以黑衣。夜縋城

下。潮兵爭射之。得矢數十萬。其後復夜縋人。賊笑不設

備。乃以死士五百斫潮營。潮軍大亂。焚壘而遁。追奔十

餘里。潮益兵圍之。巡使郎將雷萬春

史不詳。于城上與潮

相聞。語未絕。賊弩射之。面中六矢而不動。潮疑其木人。

使諜問之。乃大驚。遙謂巡曰。向見雷將軍。方知足下軍令矣。然其如天道何。巡謂之曰。君未識人倫。焉知天道。未幾出戰。擒將十四人。斬首百餘級。賊乃夜遁。

以顏真卿爲工部尙書。

初。真卿聞李光弼下井陘。卽斂軍還平原。已而光弼郭

子儀引兵西入。

子儀。光弼聞潼關不守。引兵入井陘。留太守王備守常山。未幾。備欲降賊。諸將

殺之。常山無主。遂與趙郡俱陷。

真卿始復區處河北軍事。以蠟丸達表

于靈武。以真卿爲工部尙書兼御史大夫。領使如故。并致赦書。亦以蠟丸達之。真卿頒下諸郡。又遣人頒于河南江淮。由是諸道始知上卽位于靈武。徇國之心益堅矣。



八月以郭子儀為靈武長史李光弼為北都留守並同平章事。

子儀等將兵五萬自河北至靈武靈武軍威始盛人有

興復之望矣。

其後上謂李泌曰。今子儀光弼已為宰相。若克兩京平四海。則無有以賞之。奈何。對曰。古者有功則錫以茅土。傳之子孫。太宗欲復古制。人

臣議論不同而止。由是賞功以官。夫賞功以官。有二害。非才則廢事。權重則難制。鄴使祿山有百里之國。亦惜之以遺子孫。而不反矣。為今計。莫若疏爵土以賞功臣。則雖大國。不過二三百里。可比今之小郡。豈難制哉。上曰善。

以第五琦為江淮租庸使。

賀蘭進明遣參軍第五琦入蜀奏事。琦言今方用兵。財

賦為急。財賦所產。江淮居多。乞假臣一職。可使軍無乏

用。帝悅。以為租庸使。

已而琦至彭原。見上。請以江淮租庸市輕貨。沂江漢而上。至洋川。令

漢中王瑀。陸運至扶風。以助軍。上從之。加琦山南等五  
道度支使。琦作權鹽法。用以饒。洋川本洋州。天寶初  
改郡。今漢中府洋縣是。漢  
中王瑀。汝陽王璿之弟。

帝稱上皇。遣使奉冊寶如靈武。

靈武使者至蜀。帝喜曰。吾兒應天順人。吾復何憂。制自  
今改制。敕為誥。表疏稱太上皇。軍國事皆先取皇帝進  
止。仍奏朕知。俟克復上京。朕不復預事。命韋見素。房瑄

崔渙。

元暉子。上皇至  
蜀。拜同平章事。

奉傳國寶及玉冊。詣靈武傳位。九

月見素等至。奉上寶冊。上不肯受。曰。比以中原未靖。權

總百官。豈敢乘危。遽為傳襲。羣臣固請。上不許。賓于別

殿。朝夕事之。如定省之禮。

上素聞房瑄名。虛心待之。瑄  
見上言時事。辭情慷慨。上為

改容。由是軍國事多謀于瑄。瑄亦以天  
下為已任。知無不為。諸將拱手避之。



安祿山取長安樂工犀象詣洛陽。

初上皇每酺宴先設太常雅樂。

坐部六堂上坐奏立部八堂下立奏。繼以

鼓吹。

饒歌鼓吹曲。

胡樂。

龜茲疏勒諸部樂。

散樂雜戲。

兩畿赤縣所進。

又出宮

人舞霓裳羽衣。

河西節度使楊敬述所獻凡十二曲。

又教舞馬百匹銜杯

上壽。又引犀象入場。或拜或舞。祿山見而悅之。至是命

搜捕送洛陽。宴其羣臣于凝碧池。

在洛陽禁苑中。

盛奏衆樂。梨

園弟子往往歔歔泣下。賊皆露刃睨之。樂工雷海青不

勝悲憤。擲樂器于池。西向慟哭。祿山怒支解之。

祿山聞

姓乘亂多盜庫物。既得長安。命大索三日。并其私財盡

掠之。民間騷然。益思唐室。自上馬嵬北行。民間相傳太

子北收兵。來取長安。日夜望之。或時相驚曰。太子大軍

至矣。則皆走。市里為空。賊望見北方塵起。輒驚欲走。京

畿豪傑。往往殺賊官吏。遙應官軍。誅而復起。相繼不絕。

賊不能制。至是西門之外。率為敵壘。賊兵力所及者。南

不出武關。北不過雲陽。西不過武功。江淮奏請貢獻之。  
蜀之靈武者。皆自襄陽取上津路。抵扶風。道路無壅。皆  
薛景仙之功也。上津。隋縣。元

省。故城在今鄖陽府鄖西縣。  
九月。以廣平王俶爲天下兵馬元帥。李泌爲侍謀軍國元  
帥長史。

上欲以建寧王倓爲元帥。李泌以爲不可。倓英果有才畧。軍中皆屬目。上欲以爲元帥。泌曰。建寧誠元帥才。然廣平兄也。若建寧功成。豈可使廣平爲吳泰伯乎。上曰。廣平家嗣也。何必以元帥爲重。泌曰。廣平未正位東宮。今天下艱難。衆心所屬。在于元帥。若建寧大功旣成。陛下雖欲不以爲儲副。同立功者。豈可已乎。太宗上皇。卽其事也。乃以廣平王俶爲元帥。諸將

皆屬。倓聞之。謝泌曰。此固倓之心也。上與泌出行軍。軍  
士指之竊言曰。衣黃者。聖人也。衣白者。山人也。上聞之。  
以告泌曰。艱難之際。不敢相屈以官。且衣紫袍。以絕羣



不敢相臣請雖出亭然  
非義聲囊之語道

疑泌不得已受之上笑曰既服此豈可無名稱出懷中  
敕以泌爲侍謀軍國元帥府行軍長史泌固辭上曰朕  
非敢相臣以濟艱難耳俟賊平任行高志泌乃受言子  
上曰諸將畏憚天威在陛下前敷陳軍事或不能盡所  
懷萬一小差爲害甚大乞先令與臣及廣平熟議從容  
奏聞上許之時軍旅務繁四方奏報自昏至曉無虛刻  
上悉使送府泌先開視有急切者及烽火重封隔門通  
進餘則待明禁門鑰契悉委俟與泌掌之通進禁門  
側置輪盤遇夜門閉外有急切文書納諸輪盤旋轉而  
進

遣使徵兵回紇

上雖用朔方之衆欲借兵于外夷以張軍勢以幽王守  
禮之子承寀爲燉煌王與僕固懷恩使回紇以請兵又  
發拔汗那兵且使轉諭城郭諸國許以厚賞使從安西

兵大援。

帝如彭原。

李泌勸上且幸彭原。俟西北兵將至，進幸扶風以應之。

于是肅調亦集，可以贍軍。上從之。

彭原解舍狹隘。上與張良娣博打子聲聞于外。

李泌言：諸軍奏報停壅，上乃潛令刻乾樹雞爲子。不欲有聲。先是，冊寶至靈武，上皇賜良娣七寶鞍。泌曰：今四海分崩，當以儉約示人。良娣不宜乘此。請撤其珠玉，付庫吏以賞戰功。上遽從之。建寧王倓泣下，上驚問之。對曰：臣比憂禍亂未已，今陛下從諫如流，不日當見陛下迎上皇還長安，是以喜極而悲耳。上又謂泌曰：良娣祖母昭成太后之妹也。上皇所心，朕欲使正位中宮，何如？對曰：陛下在靈武，以羣臣望大寸之功，故踐天位，非私已也。至于家事，宜待上皇之命。不過晚歲月之間耳。良娣由是惡泌及倓。倓謂泌曰：先生除害，必曰：何于上得展臣子之効？無以報德，請爲先生除害。泌曰：何也？倓以良娣爲言。泌曰：此非人子所言，願姑置之。倓不從。詔成元宗母竇太后諡。



制諫官言事勿白宰相

初李林甫為相諫官言事皆先白宰相退則又以所言

白之御史言事須大夫同署至是敕盡革其弊開諫諍

之塗又令宰相分直政事筆承旨謂分日當筆及承上旨旬日而

更懲林甫及楊國忠之專權故也

冬十月辛巳朔日食既

以房琯為招討節度使與賊戰于陳濤一作陶斜在咸陽縣東其地斜

敗績

琯喜賓客好談論多引拔知名之士而輕鄙庸俗人多

惡之

北海太守賀蘭進明詣行在上命琯以為嶺南節度使兼御史大夫琯以為攝御史大夫進明入謝

上怪問之進明因言與琯有隙且曰晉用王衍為三公祖尚浮虛致中原板蕩而房琯專為迂濶大言以立虛

車戰或宜於古而實不宜  
於今房瑄用之取敗燎原  
隻輪不返自當繩以喪師  
之律必何以復為營救耶

各所引用皆浮華之黨真王衍之比也。陛下用為宰相恐非社稷之福。且瑄在南朝佐上皇使陛下與諸王分領諸道節制仍置陛下于沙塞空虛之地又多布私黨以副戎權其意以為上皇一子得天下則已不失富貴此豈忠臣所為。瑄請自將兵復兩京上許之。瑄又請自擇參佐以李楫為司馬。劉秩字祚卿知幾子為參謀悉以戎務委之曰賊曳落河雖多安能當我劉秩二人皆書生不閑軍旅遇賊將安守忠于陳濤斜瑄效古法用車戰以牛車二千乘馬步夾之賊順風鼓譟牛皆震駭縱火焚之人畜大亂死傷四萬餘人上大怒李泌為之營救上乃宥之待瑄如初。

史思明攻陷河北諸郡饒陽裨將張興東鹿人死之

思明攻河間景城李魚李暉皆死又使其將康沒野波



攻平原。顏真卿力不敵。棄郡走。于是清河、博平諸郡皆陷。饒陽裨將張興力舉千鈞。性復明辨。賊攻饒陽。彌年不能下。及諸郡皆陷。思明併力圍之。外救俱絕。城陷。擒興。謂曰。將軍誠壯士。能與我共富貴乎。興曰。興唐之忠臣。固無降理。今數刻之人耳。願一言而死。思明曰。試言之。興曰。主上待祿山恩如父子。羣臣莫及。不知報德。乃興兵指闕。塗炭生人。大丈夫不能剪除凶逆。乃北面爲之臣乎。且足下所以從賊。求富貴耳。譬如燕巢于幕。豈能久安。何如乘間取賊。轉禍爲福。長享富貴。不亦美乎。思明怒。鋸殺之。罵不絕口。以至于死。

永王璘反。詔遣淮南節度使高適

字達夫。滄州渤海人。等討之。綱目作上

皇遣高適等考唐書通鑑及綱目分注本文遣適等者乃肅宗非元宗也綱疑有悞劉友益乃謂有肅宗而書上皇不以肅宗主之此豈據事直書之義今改正

初上皇命諸子分總節制諫議大夫高適諫以爲不可上皇不聽以璘領四道節度都使鎮江陵時江淮租賦山積于江陵璘召募勇士數萬人日費巨萬于瑒有勇力好兵薛璆等爲之謀主以爲天下大亂惟南方完富宜據金陵保有江表如東晉故事上聞之敕璘歸蜀璘不從上乃以高適爲淮南節度使來瑱爲淮南西道節度使與江東節度使韋陟共圖璘璘遂引舟師沿江東下吳郡太守李希言廣陵太守李成式遣兵拒之皆爲璘所破江淮大震高適與來瑒韋陟會于安陸卽安州注見前



結盟誓衆以討之。

回紇遣葛邏支將兵入援。

十二月安祿山遣兵陷潁川。執太守薛愿。

汾陰人。

長史龐堅

涇陽人。殺之。

祿山遣兵攻潁川。城中兵少無蓄積。太守薛愿長史龐

堅悉力拒守。期年。救兵不至。至是城陷。執愿堅送洛陽。

殺之。

上問李泌。今敵疆如此。何時事定。對曰。臣觀賊所獲子女金帛。皆輸之范陽。此豈有雄據四海之志。

邪。以臣料之。不過二年。天下無寇矣。上曰。何故。對曰。賊之驍將。不過史思明。安守忠。田乾真。張忠志。阿思那承

慶等。數人而已。今若令李光弼自太原出井陘。郭子儀自馬坊入河東。則思明忠志不敢離范陽。常山守忠乾

真不敢離長安。是以兩軍焚其四將也。從祿山者獨月

陵耳。願敕子儀勿取華陰。使兩京之道常通。陛下軍于

扶風。與子儀光弼互出擊之。彼救首則擊其尾。救尾則

擊其首。使賊往來數千里。疲于奔命。我常以逸待勞。賊

至則避其鋒。夫則乘其弊。不攻城。不過路。來春復命建寧。爲范陽節度大使。並塞北出。與光弼南北犄角。以取范陽。覆其巢穴。賊退則無所歸。留則不獲安。然後大軍四合而攻之。必成擒矣。上悅。

張巡移軍寧陵。

注見前。

與賊將楊朝宗戰。大破之。

令狐潮。李庭望。攻雍邱。數月不下。築城于雍邱之北。以絕其糧援。賊常數萬人。而張巡衆纔千餘。每戰輒克。河南節度使虢王巨屯彭城。假巡先鋒使。是月。魯東平濟陰陷于賊。賊將楊朝宗帥馬步二萬。將襲寧陵。斷巡後。巡遂拔雍邱。東守寧陵。以待之。始與睢陽太守許遠相見。是日。朝宗亦至。巡遠與戰。晝夜數十合。大破走之。斬首萬餘級。敕以巡爲河南節度副使。巡以將士有功。遣使詣虢王巨。請空名告身。及賜物。巨惟與折衝果毅告身三十通。不與賜物。巡移書責巨。巨竟不應。



于闐王勝將兵入援。

勝聞亂。使弟曜攝國事。自將兵五千入援。上嘉之。以爲  
殿中監。

御批歷代通鑑輯覽卷之五十六

唐

肅宗皇帝

丁酉至德二載春正月。上皇以李麟懿祖之後同平章事。命崔圓赴彭原。安慶緒殺祿山。

祿山自起兵以來。目漸昏。至是不復睹物。又病疽。性益躁暴。左右使令。小不如意。輒加箠撻。時或殺之。閹宦李猪兒被撻尤多。左右人不自保。既而嬖妾生子慶恩。欲以代慶緒。慶緒懼。嚴莊爲之謀。夜持兵立帳外。使猪兒執刀直入帳中。斫祿山腹。祿山捫枕旁刀。不獲。曰。必家賊也。腸已流出數斗。遂死。莊宣言祿山疾亟。立慶緒爲



孟子稱德慧術智存乎疾  
疾肅宗為太子受困楊李  
疾矣已甚宜其操心慮患  
矣乃即位以後當妾交煽  
甘蹈前車既不能保其子  
且不能安其父豈所謂下  
愚不移者乎

太子襲偽號然後發喪

慶緒性昏懦言辭無序莊不令見人慶緒日縱酒為樂兄事莊

以為御史大夫事無大小皆取決焉

殺建寧王倓

初李輔國本飛龍

內廐名

小兒

廐牧閹奴皆謂之小兒

粗閑書計給

事東宮上委信之輔國外恭謹而內狡險上即位後見

張良娣有寵陰附會之與相表裏建寧王倓數于上前

詆訐二人罪惡二人因譖之曰倓恨不得為元帥謀害

廣平王上怒遂賜倓死

先是上謂李泌曰廣平為元帥踰年今欲命建寧專征又恐勢

分立廣平為太子何如對曰戎事交切須即區處至于家事當俟上皇不然後代何以辨陛下靈武即位之意

邪泌出以告廣平王俛俛人固辭曰陛下猶未奉晨昏臣何心敢當儲貳上賞慰之及建寧死似內懼謀去輔

國及良娣泌曰王不見建寧之禍乎但盡人子之孝良娣婦人委曲順之亦何能為

史思明等寇太原。李光弼擊破之。

史思明等引兵十萬寇太原。李光弼拒之。月餘不下。思明乃選驍銳爲遊兵。戒之曰。我攻其北。則汝潛趨其南。

有隙則乘之。光弼軍令整嚴。雖寇所不至。警邏亦不少。

懈。賊不得入。

先是。光弼麾下精兵皆赴朔。衆不滿萬人。諸將皆懼。光弼先帥士民于城外鑿

壕以自固。作塹數十萬。衆莫知所用。及賊攻城。光弼用以增壘。城壞輒補。至是。募軍中有小技者。皆取之。人盡其用。得錢工三。善穿地道。賊爲梯衝土山以攻城。光弼爲地道以迎之。近城輒陷。又作大礮。飛巨石。一發輒斃二十餘人。賊死者什二三。乃退營于數十步外。

塹。音吉。土塹也。

光弼遣人詐爲約降。而

穿地道周賊營中。搆之以木。至期。遣裨將將數千人出。

如降狀。賊皆屬目。俄而營中地陷。死者千餘人。賊衆驚

亂。官軍鼓譟乘之。俘斬萬計。會安祿山死。慶緒使思明



歸守范陽。留蔡希德等圍太原。光弼復出擊之。斬首七萬。希德遁去。

賊將尹子奇寇睢陽。張巡入睢陽。與許遠拒卻之。

安慶緒以子奇為河南節度使。子奇以歸。

胡三省註。當作媯。蓋媯州

也。

檀州名注見前。

兵十三萬趣睢陽。許遠告急于張巡。巡自

寧陵引兵入睢陽。巡有兵三千人。與許遠兵合。合六千八百人。賊悉眾逼城。巡督勵將士。晝夜苦戰。一日或二十合。凡十六日。擒賊將六十餘人。殺士卒二萬餘。眾氣自倍。遠謂巡曰。遠懦不習兵。公智勇兼濟。遠請為公守。請公為遠戰。自是遠但調軍糧。修戰具。居中應接而已。戰鬪籌畫。一出于巡。賊遂夜遁。

二月帝至鳳翔。

上至鳳翔。旬日。隴右河西安西西域之兵皆會。江淮庸

調亦至。長安人聞車駕至。從賊中自拔而來者。日夜不

絕。李泌請如前策。遣安西西域之衆。並塞東北。取范陽。

上曰。今大衆已集。當乘兵鋒。擣其腹心。而更引兵東。

北數千里。先取范陽。不亦迂乎。對曰。今所恃者。皆西北。

及諸胡之兵。性耐寒。而畏暑。若乘其新至之銳。攻祿山。

已老之師。其勢必克。兩京。然春氣已深。賊收其餘衆。遁。

歸巢穴。關東地熱。官軍必困而思歸。賊俟官軍之去。必。

復南來。然則戰征之勢。未有涯也。不若先用之于寒鄉。

除其巢穴。則賊無所歸。根本永絕矣。上曰。朕切于晨昏。

之戀。不能待此決矣。

郭子儀平河東。賊將崔乾祐敗走。綱目是條載在正月。考

通鑑。二月戊子。上至鳳翔。

翔。已丑。郭子儀平河東。其事在帝至鳳翔後。今依之收輯。

初。郭子儀以河東居兩京之間。扼賊要衝。得河東。則兩



京可圖時賊將崔乾祐守之。子儀潛遣人入河東。與唐官陷賊者謀。俟官軍至爲內應。至是。子儀引兵趣河東。司戶韓旻等翻城迎官軍。乾祐踰城得免。發城北兵拒官軍。子儀擊之。斬首四千級。遂平河東。

江南採訪使李成式討永王璘。璘敗走死。

成式與河北招討官李銳合兵討璘。李廣琛召諸將謂曰。吾屬從王至此。天命未集。人謀已隳。不如及兵鋒未交。早圖去就。否則死于鋒鏑。永爲逆臣矣。諸將皆然之。于是廣琛以麾下奔廣陵。璘黨皆散。憂懼不知所出。成式將趙侃等濟江。璘兵遂潰。璘奔鄱陽。江西採訪使皇甫旆遣兵擒殺之。

三月。上皇遣中使祭始興文獻公張九齡。

上皇思張九齡之先見。爲之流涕。遣中使至曲江。

漢縣今爲

廣東韶州府治。祭之。厚恤其家。

尹子奇復寇睢陽。張巡擊走之。

子奇復引兵攻睢陽。張巡謂將士曰。吾受國恩。所守正死耳。但念諸君捐軀力戰。而賞不酬勲。以此痛心耳。將士皆激勵請奮。巡乃椎牛饗士。盡軍出戰。賊望見兵少。笑之。巡執旗帥諸將。直衝賊陣。賊乃大潰。明日。賊又合兵至城下。巡出戰。晝夜數十合。屢摧其鋒。而賊攻圍益急。巡于城中。夜鳴鼓嚴隊。若將出擊者。賊聞之。達旦儆備。旣明。巡乃寢。兵絕鼓。賊以飛樓瞰城中。無所見。遂解。



甲休息。巡與南霽雲

魏州頓邱人。

雷萬春

史不詳里系。

等十餘將。

各將五十騎。開門突出。直衝賊營。斬賊將五十餘人。殺

士卒五千餘人。子奇乃走。

巡欲射子奇而不識。剡蒿爲矢。中者喜。謂巡矢盡。走白子

奇。乃得其狀。使霽雲射之。中其左目。幾獲之。

夏四月。以郭子儀爲司空。天下兵馬副元帥。與賊戰于清

渠。

在長安縣西。綱目誤作溝。今依唐書通鑑改。

敗績。

先是。關內節度使王思禮軍武功。賊安守忠等攻之。兵

馬使郭英乂戰不利。思禮退軍扶風。賊遊兵至太和關。

在今鳳翔府東。

鳳翔大駭。上以郭子儀爲司空副元帥。

子儀將兵赴鳳翔。賊將李歸仁以鐵騎五千邀之。子儀

使其將僕固懷恩等伏兵擊之。殺傷畧盡。子儀與王思

禮進屯滿西。滿水之西也。滿水出南山。至長安入渭。安守忠李歸仁軍清

渠相守七日。官軍不進。守忠偽遁。子儀悉師逐之。賊以

驍騎九千為長蛇陣。官軍擊之。首尾為兩翼夾擊。官軍

大潰。子儀退保武功。是時府庫無蓄積。朝廷專以官爵

臨事注名。有至開府特進與姓王者。諸軍但以職任為

統攝。不復計官爵高下。及是復以官爵收散卒。由是官

爵輕而貨重。大將軍告身一通。纔易一醉。凡應募入軍

者。一切衣金紫。各器之。至是而極焉。子儀既敗。詣闕

請自貶。以為左僕射。

房琯罷。以張鎰同平章事。

琯性高簡。時國家多難。而琯不以職事為意。日與劉稭

李揖高談釋老。或聽門客董庭蘭鼓琴。庭蘭因是大招

權利。御史劾之。罷為太子少師。以鎰同平章事。上常使

琯之得罪。皆其自取。徒以與杜甫交。藉其聲。鄉世遂有以琯為黨者。可謂阿其所好而失正道矣。



人爲道場于內。張鎰諫曰。帝王當修德以弭亂。未聞飯僧可致太平也。上然之。房琯旣失職。頗怏怏。多稱疾不朝。而賓客常盈門。上惡之。貶邠州刺史。久之。召拜刑部尚書。道卒。

山南東道節度使魯炆

幽州薊人

奔襄陽。

魯炆守南陽。賊將武令珣。田承嗣。相繼攻之。城中食盡。餓死者相枕藉。凡周歲。晝夜苦戰。力竭不能支。夜開城。帥餘兵數千。突圍奔襄陽。承嗣追之。轉戰二日。不克而還。時賊欲南侵江漢。賴炆扼其衝要。南夏得全。

秋。七月。以張鎰兼河南節度使。

鎰兼節度採訪等使。代賀蘭進明。

賊將蔡希德寇上黨。執節度使程千里。

賊屢攻上黨。常爲節度使程千里所敗。蔡希德復引兵。

圍之以輕騎至城下挑戰。千里帥百騎開門突出欲擒之。會救至退還。橋壞墜塹中。反爲希德所擒。仰謂從騎曰。吾不幸至此。天也。歸語諸將。善爲守備。寧失帥。不可失城。希德攻城竟不克。送千里于洛陽囚之。

九月。廣平王俶。郭子儀收復西京。

上勞饗諸將。遣攻長安。謂郭子儀曰。事之濟否。在此行也。對曰。此行不捷。臣必死之。回紇懷仁可汗遣其子葉護等。將精兵四千餘人。來至鳳翔。廣平王俶將朔方等軍。及回紇西域之衆十五萬。發鳳翔。俶見葉護。約爲兄弟。葉護大喜。謂俶爲兄。至長安城西陳于香積寺。在長安縣東神禾原上。北澧水。注見前。之東。李嗣業爲前軍。郭子儀爲中



時賊與潰竄之餘乘勢悉銳而進安守忠等何難就縛廣平狃于小勝急圖休息其識乃出懷恩之下至調停回紇俘掠一節無識者以為美談不知以儲貳之責肩體葉護馬前復成何體制況其時西京初復

軍。王思禮為後軍。賊將十萬。陳于其北。李歸仁出挑戰。官軍逐之。逼于其陳。賊軍齊起。官軍卻。李嗣業曰。今日不以身餌賊軍。無子遺矣。乃肉袒執刀。大呼奮擊。殺數十人。陳乃稍定。于是嗣業帥前軍。各執長刀。如墻而進。身先士卒。所向摧靡。賊伏精騎于陳東。欲襲官軍之後。偵者知之。僕固懷恩引回紇就擊。盡殺之。李嗣業又與回紇出賊陳後。與大軍夾擊。自午至酉。斬首六萬級。賊遂大潰。餘眾走入城。迨夜囂聲不止。僕固懷恩言于廣平王俶曰。賊棄城走矣。請以三百騎追之。縛取安守忠。李歸仁等。俶曰。將軍戰亦疲矣。且休息。俟明日圖之。懷恩曰。戰尚神速。何明日也。俶固止之。遲明。謀至。守忠歸。

萬眾具瞻聖慈直辭喻以功德重寶是實而約而人民上地不得有殘機葉護亦難置喙向平寇尾乞憐若此蓋其遇事畏息中于錮疾者甚深觀其即位以後之設施足見情儒無為且并非刻意輕身冀博重張感泣而已也

仁與張通儒田乾真等皆已遁矣大軍遂入西京。初上得京師與回紇約曰克城之日土地士庶歸唐金帛子女歸回紇至是葉護欲如約廣平王俶拜于葉護馬前曰今始得京師若遽俘掠則東京之人皆為賊固守不可復取矣願至東京乃如約葉護驚躍下馬答拜曰當為殿下徑往東京即與僕固懷恩引回紇西域之兵自城南過營于滹水之東軍民胡羌見俶拜者皆泣曰廣平王真華夷之主上俶整眾入城百姓老幼夾道歡呼聞之喜曰朕不及也。

遣使請上皇還京師。

捷書至鳳翔上即日遣中使啖庭瑤奏上皇命左僕射裴冕入京師告郊廟及宣慰百姓召李泌曰朕已表請上皇東歸朕當還東宮復修人子之職泌曰上皇不來矣上驚問故泌曰理勢自然上曰為之奈何泌曰今請



衡山歸隱史但稱其去就之高未免膚見觀密陳造膝拳拳於父子骨肉間以啓沃格心爲已責是眞不愧大臣風度者雖漢之嚴光且弗逮遠甚况修緒輩以下乎白衣山人之曰殊不足盡之

更爲羣臣賀表言自馬嵬請留靈武勸進及今成功聖

上思戀晨昏請速還京師就教養之意則可矣上即使

泌草表立命中使奉以入蜀是夜上就泌飲酒同榻而

爲聞人何樂如之上曰朕與先生久同憂慮今方同樂

奈何遽去泌曰臣有五不可留願陛下聽臣去免臣于

死上曰何謂也對曰臣遇陛下太早陛下任臣太重寵

臣太深臣功太高亦太奇此其所以不可留也上曰且

眠矣異日議之對曰陛下今就臣榻卧猶不得請况異

日香案之前乎陛下不聽臣去是殺臣也上曰不意卿

延朕如此豈朕而辦殺卿耶對曰陛下不辦殺臣故臣

求歸若其既辦臣何敢復言且殺臣者非陛下也乃五

不可也陛下下鄉日待臣如此臣于事猶有不敢言者况

天下既安臣敢言乎上良久曰卿以朕不從卿北伐之

謀乎對曰非也乃建寧耳曰建寧爲小人所教欲害其

兄圖繼嗣朕以社稷大計不得已而除之卿不知邪對

曰若有此心廣平當怨之廣平每與臣言其冤輒流涕

嗚咽且陛下昔欲用建寧爲元帥臣請用廣平建寧若

有此心當深憾臣而以臣爲忠益相親善陛下以此可

察其心矣上乃泣下曰先生言是也然既往不咎朕不

以孤城力障江淮何愧疾  
風勁草而淫辭助攻迄無  
定論惟歐陽修巡死死不  
爲遠後死不爲屈之語  
足以發明韓愈扶獎風教  
之意

欲聞之。泌曰。臣非咎既往。乃欲陛下慎將來耳。昔天后  
有四子。長曰太子弘。天后方圖稱制。惡其聰明。酖殺之。  
立次子賢。賢內憂懼。作黃臺瓜辭。冀以感悟天后。天后  
不聽。賢亦廢死。其辭曰。種瓜黃臺下。瓜熟子離離。一摘  
使瓜好。再摘使瓜稀。三摘猶爲可。四摘抱蔓歸。今陛下  
已一摘矣。慎無再摘。上愕然曰。安有是哉。朕當書紳。對  
曰。陛下但識之于心。何必形于外也。是時廣  
平王有大功。張良娣忌而譖之。故泌言及之。

冬十月尹子奇陷睢陽。張巡許遠死之。

劉友益曰。巡遠之  
死。異時異地。此並

書之。所以破  
千載之惑也。

先是子奇徵兵數萬。復攻睢陽。城中食盡。饋救不至。士

卒消耗。至千六百人。皆饑病不能鬪。遂爲賊所圍。

張巡  
修守

具賊爲雲梯。勢如半虹。置精卒二百于其上。推之臨城。  
欲令騰入。巡預于城潛鑿三穴。候梯將至。一穴中出大  
木。末置鐵鉤。鉤之。使不得退。一穴中出一木柱之。使不  
得進。一穴中出一木。末置鐵籠。盛火焚之。賊又以鉤車  
鉤城上棚閣。巡以大木置鐵鑊大環。拔其鉤而截之。賊  
又造木驢攻城。巡鎔金汁灌之。賊又以土囊積柴爲登。



道欲登城巡潛以松明乾蒿投之積十餘日使人順風持火焚之巡所為皆應機立辦賊服其智不敢復攻遂于城外穿三重壕立木柵以守巡亦于其內作壕以拒之士卒死傷之餘纔六百人時許叔冀

在譙郡尙衡在彭城賀蘭進明在臨淮唐郡今江南泗州是皆擁

兵不救城中日蹙張巡使南霽雲犯圍而出告急于臨

淮臨淮兵不至霽雲至臨淮進明愛其勇壯具食延之霽雲泣曰睢陽之人不食月餘矣霽雲

雖欲獨食且不下咽大夫坐擁疆兵曾無分災救患之意豈忠臣義士之所為乎因齧落一指以示進明曰霽

雲既不能達主將之意請留一指以示信歸報座中皆為泣下霽雲去至寧陵與城使廉坦同將步騎三千人

且戰且行僅得千人入城城中將吏知無救皆痛哭賊圍益急至是張巡許遠謀曰睢

陽江淮之保障若棄之去賊必乘勝長驅是無江淮也

且吾眾饑羸走必不達古者戰國諸侯尙相救恤况密

邇羣帥乎不如堅守以待之先是將士人廩米日一合雜以茶紙樹皮為食至食

茶紙既盡。遂食馬。馬盡。羅雀掘鼠。雀鼠又盡。巡出愛所。妾殺以食士。遠亦殺其奴。城中知必死。莫有叛者。

餘纔四百人。將士病不能戰。巡西向再拜曰。臣力竭矣。

生既無以報陛下。死當爲厲鬼以殺賊。城遂陷。巡遠俱

被執。子奇問曰。聞君每戰。皆裂齒碎何也。巡曰。吾志吞

逆賊。但力不能耳。子奇以刀抉視之。抉視其齒所餘纔三四。

并南霽雲。雷萬春。姚閼。崇曾孫等皆被殺。巡且死。顏色不

亂。生致許遠下洛陽。尋死。偃師。巡初守睢陽時。卒僅萬人。城中居人亦且數萬。

巡一見問姓名。無不識者。前後大小戰凡四百餘。殺賊卒二十萬人。巡行兵不依古法。教戰陳令本將各以其

意教之。人或問其故。巡曰。今與賊野戰。雲合鳥散。變態不恒。數步之間。勢有同異。臨期應猝。在于呼吸之間。而

動詢大將。事不相及。非知兵之變者也。故我使兵識將意。將識士情。投之而往。如手之使指。兵將相習。人自爲

戰。不亦可乎。器械甲仗皆取之于敵。未嘗自修。推誠待人。無所疑慮。臨危應變。出奇無窮。號令明賞。罰信與衆



和州府志卷之五十一  
共甘苦寒暑故下爭致死力。先是張鎬聞睢陽圍急。倍道亟進。且檄譙郡太守間邱曉救之。曉不受命。鎬至睢陽。城已陷三日矣。鎬召曉杖殺之。

廣平王俶郭子儀等收復東京。

張通儒等收餘衆走保陝。安慶緒悉發洛陽兵使嚴莊將之。就通儒以拒官軍。步騎猶十五萬。子儀等與賊遇

于新店。

在陝州西

賊依山而陳。回紇自南山襲其背。于黃埃

中發十餘矢。賊驚顧曰。回紇至矣。遂潰。郭子儀等與回

紇夾擊之。賊大敗走。僕固懷恩等分道追之。慶緒帥其

黨走河北。殺所獲唐將哥舒翰程千里等三十餘人而

去。廣平王俶入東京。回紇縱兵大掠。意猶未厭。俶患之。

父老請率羅錦萬匹以賂回紇。回紇乃止。

李泌歸衡山。

泌屢請還山。上不許。會成都使還。言上皇初得上表。彷徨不能食。欲不歸。及羣臣表至。乃大喜。命食作樂。下詔定行日。上召泌告之曰。皆卿力也。于是泌求歸不已。上固留之。不能得。乃聽歸衡山。勅郡縣爲築室于山中。給三品料。

帝發鳳翔。遣韋見素奉迎上皇。

賊將嚴莊來降。以爲司農卿。

陳留人殺尹子奇。舉城降。

帝入西京。上皇發蜀郡。

上入西京。百姓出國門奉迎。二十里不絕。舞躍呼萬歲。



有泣者。上入居大明宮。御史中丞崔器。

安平人。

令百官受

賊官爵者。皆脫巾徒跣。立于含元殿前。頓首請罪。環之

以兵。使百官臨視之。太廟爲賊所焚。上素服向廟哭三

日。是日。上皇發蜀郡。

安慶緒走保鄴郡。

慶緒走保鄴。步騎不過千餘人。旬日間。蔡希德自上黨。

田承嗣自潁川。武令珣自南陽。各帥所部兵歸。又召募

河北諸郡人。衆至六萬。軍聲復振。

以甄濟

字孟成。定州無極人。家汲郡。

爲秘書郎。蘇源明

字弱夫。武功人。

知制誥。

初。汲郡甄濟有操行。隱居青巖山。

在衛輝府淇縣西南。亦曰蒼峪山。

安

祿山爲採訪使。秦掌書記。濟察祿山有異志。詐得風疾。

昇歸家。祿山反。使蔡希德引刑者二人。封刀召之。濟引  
首待刃。希德以實病白祿山。乃免。後慶緒又使彊昇至  
洛陽。會官軍平東京。濟起詣軍門上謁。廣平王俶遣詣  
京師。上命館之于三司。令受賊官爵者。列拜以愧其心。  
以濟爲秘書郎。國子司業蘇源明亦稱病不受祿山官。  
上擢爲考功郎中知制誥。制士庶受賊官祿者。令三司  
條件奏聞。

宴回紇葉護于宣政殿。

葉護自東京還。上命百官迎之。與宴于宣政殿。葉護奏  
以軍中馬少。請留兵沙苑。自歸取馬。還爲陛下掃除范  
陽餘孽。上賜而遣之。以葉護爲忠義王。歲遺回紇絹二



萬匹使就朔方軍受之。

朝享于長樂殿。

上在彭源更以粟爲九廟主。至是朝享于長樂殿。

十二月上皇還西京。

上皇至咸陽。上備法駕迎于望賢宮。上皇在宮南樓。上著紫袍。望樓下馬趨進。拜舞于樓下。上皇降樓。撫上而泣。索黃袍。自爲上著之。上伏地頓首。固辭。上皇曰。天數人心皆歸于汝。使朕得保養餘齒。汝之孝也。上乃受之。上皇不肯居正殿。上自扶登殿。尚食進食。嘗而薦之。將發行宮。上親爲上皇習馬而進之。執轡行數步。上皇止之上。乘馬前引。不敢當馳道。上皇謂左右曰。吾爲天子。

崔希烈以執法致怨李峴以  
曲恕活恩其是非為有目  
者其曠唐史轉列器于酷  
吏傳無識甚矣

五十年未為貴。今為天子父乃貴耳。入御含元殿。慰撫  
百官。乃詣長樂殿謝九廟主。慟哭久之。即日居興慶  
官。上累請避位還東宮。上皇不許。以傳國寶授上。上始  
涕泣受之。

赦天下。

上御丹鳳樓赦天下。惟與安祿山同反。及李林甫王鉞。

楊國忠子孫不在免例。先是廣平王俶入東京百官受

餘人皆素服悲泣請罪。俶以上旨釋之。尋勒赴西京。崔

器令謁朝堂請罪。如前西京百官之儀。然後收繫大理

京兆獄。至是命禮部尚書李峴。兵部侍郎呂諲與器共

按之。峴以侍御史李栖筠為詳理判官。栖筠多務平恕

故人皆怨譖器。而峴獨得衆譽。  
李峴吳王恪孫。呂諲河中河東人。

立廣平王俶為楚王。



尋復徙為成王。

加郭子儀司徒。李光弼司空。功臣進階。賜爵有差。

追贈死節之士。

李愬。盧奕。顏杲卿。袁履謙。許遠。張巡。張介然。蔣清。龐堅

等。皆加追贈。官其子孫。戰亡之家。給復三載。議者或罪張巡以守

睢陽不去。與其食人。曷若全人。其友人李翰為之作傳。表上之曰。巡以寡擊眾。以弱制彊。保江淮以待陛下之

師。其功大矣。且巡所以固守者。以待諸軍之救也。救不

至而食盡。既盡而及人。豈其素志哉。設使守城之初。已

有食人之計。損數百人。以安天下。臣猶曰。功過相掩。況非其素志乎。眾議由是始息。李翰贊皇人。

蠲來載租庸三分之一。復郡名官名。

以良娣張氏為淑妃。劉友益曰。書此志亂始也。

賊將史思明。高秀巖。各以所部來降。

史思明遣其將竇子昂以所部十三郡及兵八萬來降。河東節度使高秀巖亦以所部降。上大喜，以思明爲歸義王、范陽節度使。初，安慶緒之北走也，其大將李歸仁及精兵數萬人皆潰歸范陽。慶緒忌思明之彊，遣阿史那承慶、安守忠往徵兵。因密圖之，判官耿仁智說思明曰：『大夫所以盡力于安氏者，道于凶威耳。今唐室中興，天子仁聖，大夫誠率所部歸之，此轉禍爲福之計也。』裨將烏承玼亦曰：『慶緒棄上露耳，大夫奈何與之俱亡？』思明以爲然，承慶、守忠以五于勁騎自隨至范陽。思明引入內廳樂飲，別遣人收其甲兵。諸郡兵皆給糧縱遣之。囚承慶等，奉表降。至是，上遣內侍李思敬與烏承恩往宣慰，使將所部兵討慶緒。承恩所至宣布詔旨，滄瀛、安、深、德、棣等州皆降。雖相州未下，河北率爲唐有矣。烏承玼、宇德潤、張掖人。承恩、承玼族兄。制陷賊官以六等定罪。

崔器、呂諲上言：『諸陷賊官，背國從僞，准律皆應處死。』李峴以爲：『賊陷兩京，天子南巡，人自逃生，此屬皆陛下親』



均垣以世臣甘心事賊于法不原宗子此尙知力特威柯乃肅宗轉以藩邸私恩力爲陳請將何以正人心而勵臣節若陳希烈等在朝容悅臨難偷生即使反正來降操三尺者亦不能爲之曲貸況以此等敗裂名義之人猶可姑留以冀自新之效耶肅宗聞流言而自悔真所謂夢夢

戚或勲舊子孫今一概以叛法處死恐乖仁恕之道且河北未平羣臣陷賊者尙多若盡誅之是堅其附賊之心也上從峴議以六等定罪重者刑之于市次賜自盡次杖一百次三等流貶斬達奚珣等十八人陳希烈等七人賜自盡上欲免張均張均死上皇不可上叩頭流涕曰臣非張說父子無有今日若不能活均垣死何面目見張說于九泉上皇曰均爲汝長流嶺南均爲賊毀我家事決不可活上泣而從命頃之有自賊中來降者言羣臣在鄴者聞赦希烈等皆自悼失身賊庭及聞希烈等誅乃止上甚悔之司馬氏光曰陳希烈等或貴爲卿相或親連肺腑承平之日迎合取容禍亂旣作偷生苟免至乃媚賊稱臣爲之陳力此乃犬馬之不如六等議刑斯亦可矣又何悔焉

置左右神武軍

置神武軍取元從子弟

胡三省注謂從帝馬嵬北行及自靈武還京師者

充其

尊號之加本屬承流文偽  
况父子至性又安貴此虛  
名相報施孝慈之道均無  
當

武軍

又擇善騎射者十人爲殿前射生手分左右廂號曰英

制皆如四軍。左右羽林。左右龍武。總謂之北牙六軍。神武亦置左右共爲六軍。

戊乾元元年。是年二月改元。復以載爲年。春正月上皇加帝尊號。帝復

上上皇尊號。

二月以李輔國兼太僕卿。

輔國依附張淑妃勢傾朝野。

免天下今年租庸。

以收元故有是詔。

三月立淑妃張氏爲皇后。

夏五月停採訪使改黜陟使爲觀察使。胡三省曰。觀察使始此。



張鎬罷

張鎬性簡澹。不事中要聞。史思明請降。上言思明凶險。因亂竊位。人面獸心。難以德懷。願勿假以威權。又言滑州防禦使許叔冀狡獪多詐。臨難必變。請徵入宿衛。時上已寵納思明。會中使自范陽及白馬來。皆言思明叔冀忠懇可信。上以鎬爲不切事機。罷爲荊州防禦使。立成王俶爲皇太子。更名豫。

張后生與王伾纔數歲。欲以爲嗣。上疑未決。從容謂知

制誥李揆

字端卿。淮陽王道元之元孫。

曰。成王長且有功。朕欲立爲

太子。卿意何如。揆再拜賀曰。此社稷之福。臣不勝大慶。

上意始決。

崔圓李麟罷以王璵方慶六世孫同平章事

上頗好鬼神太常少卿王璵專依鬼神以求媚每議禮

儀多雜以巫祝俚俗上悅之遂以璵同平章事璵在開元時為

祠祭使祈禱或焚紙錢有類巫覡習禮者羞之至是復

以祠禱見寵乃奏置太乙壇上嘗不豫卜云山川為祟

璵請中使與女巫乘驛分禱所過煩擾黃州有巫盛言

美色從無賴少年數十為蠹尤甚刺史左震悉收執之

籍其贓數十萬以狀聞請以其贓代貧民租遣中使還京上無以罪也

贈顏杲卿太子太保諡曰忠節

杲卿之死也以張通幽之譖

杲卿初起常山與張通幽同謀通幽賊將通儒弟也

會杲卿遣其子泉明獻俘京師通幽請偕行以救宗族

杲卿許之至太原通幽欲自託于王承業教之更表其

短杲卿留泉明別遣竟無褒贈及是顏真卿為御史大

使獻之杲卿尋死難

夫泣訴于上上為之言于上皇杖殺通幽而贈杲卿



既留太原。王承業遣還。使壯士翟喬賊之于路。喬不平。告之故。乃免。比至常山城已陷。爲史思明所虜。至是。思明降。泉明乃得歸。求其父尸於東京。得之。遂并袁履謙尸棺斂以歸。泉卿姊妹女及泉明之子。皆流落河北。泉明號泣求訪。哀感路人。久乃得之。詣親故乞索贖之。先姑姊妹而後其子。遇父時。將吏妻子流落者。皆與之歸。凡五十餘家。均減資糧。一如親戚。真卿悉加贍給。隨其所適而資送之。袁履謙妻疑履謙衣衾斂薄。發棺視之。與泉卿無異。乃始慙服。

初行新歷

山人韓穎所造。

史思明反。殺范陽副使烏承恩。

李光弼以史思明終當叛亂。而烏承恩爲思明所親信。陰使圖之。又勸上以承恩爲范陽節度副使。賜阿史那承慶鐵券。令共圖思明。上從之。承恩多以私財募部曲。

又數衣婦人服。詣諸將說誘之。思明聞而疑之。會承恩入京師。上使內侍李思敬與俱。宣慰范陽。謀泄。思明執承恩。索其裝囊。得鐵券及光弼牒。思明乃集將佐吏民。西向大哭曰。臣以十三萬衆降朝廷。何負陛下。而欲殺臣。遂殺承恩。及其黨二百人。囚思敬。表言之。上遣中使慰諭思明曰。此非朝廷與光弼之意。皆承恩所爲。殺之甚善。思明表求誅光弼。命耿仁智。張不矜爲表云。陛下不爲臣誅光弼。臣當自引兵就太原誅之。不矜以示思明。及將入函。仁智削去之。思明聞之。命執二人斬之。仁智事思明久。思明憐欲活之。仁智大呼言曰。人生會有一死。得盡忠義。死之善者也。今從大夫反。不過延歲月。豈若速死之愈乎。思明怒。捶殺之。



御批歷代通鑑輯覽 卷之五十一  
秋七月初鑄大錢。

鑄當十大錢。文曰乾元重寶。

從御史中丞第五琦之請也。

明年更鑄

大錢。加以重輪。一當五十。與乾元錢。開元錢。三品並行。

已而民爭盜鑄。貨輕物重。穀價騰踊。餓殍相望。言者皆歸咎于琦。乃貶琦忠州長史。忠州唐置。今隸四川。

上元元年。敕小錢一當十。其重輪者當三十。

三品錢行浸久。屬歲

荒。米斗至錢七千。人相食。京兆捕私鑄者數。至寶應元

月間。榜死至八百餘人。尚不能禁。故有是敕。年。敕大小皆當一。民始安之。

册命回紇英武可汗。以寧國公主歸之。

册命回紇可汗。曰英武威遠毘伽闕可汗。以上幼女寧

國公主妻之。以漢中王瑀為册禮使。右司郎中李巽

字叔。趙州贊皇人。副之。上送至咸陽。公主辭決曰。國家事重。死且

易言師貞丈人吉列在  
軍無帥何以敵愾肅宗即  
以郭李元勳難相統攝何  
難使子儀光弼分道進取  
乃專委宦者反居二人之  
土與戶失律理固不爽九  
節度相州之潰又誰咎耶

無恨上流涕而還

瑒等至同紇牙帳可汗衣赭袍坐帳中引瑒等立帳外瑒不拜可汗曰我

其天可汗兩國之君君臣有禮何得不拜瑒對曰天子以可汗有功自以所生女妻可汗恩禮至重可汗奈何以子啗傲婦翁坐榻土受册命邪可汗改容起受册明日立公主為可敦舉國皆喜遣騎三千助討安慶緒後同紇以公主無子聽歸京師

郭子儀李光弼入朝八月以子儀為中書令光弼為侍中

命郭子儀等九節度討安慶緒以宦官魚朝恩瀘川人為觀

軍容使

安慶緒之初至鄴也猶據七郡兵糧豐備專以繕臺沼酣飲為事高尙張通儒等爭權不協無復綱紀蔡希德有才畧好直言通儒譖而殺之諸將怨怒不為用上命

朔方郭子儀及淮西魯炆與平李旻滑濮許叔冀鎮西



北庭李嗣業鄭蔡季廣琛河南崔光遠

靈昌人

七節度使

討之又命河東李光弼澤潞王思禮二節度使將所部兵助之上以子儀光弼皆元勲難相統屬故不置元帥但以宦官魚朝恩爲觀軍容宣慰處置使觀軍容之名自此始

冬十月郭子儀等拔衛州遂圍鄴城

子儀引兵濟河東至獲嘉破安太清太清走保衛州慶緒悉舉鄴中之衆七萬救衛州子儀使善射者三千人伏于壘垣之內令曰我退賊必逐我汝乃登壘鼓譟而射之旣而與慶緒戰僞退賊逐之至壘下伏兵起射之賊還走子儀復引兵逐之慶緒大敗遂拔衛州慶緒走

自平盧輕授節使八柄下  
移朝廷制命軍中幾視若  
弁髦而懷王之廢置擢重  
終復擢為已有則尤其甚  
焉者也自是而江淮山南  
西川盧龍踵其惡轍竊奪  
相率藩鎮之禍其所由來  
漸矣

子儀等追至鄴。慶緒入城固守。慶緒窘急遣薛嵩求救于史思明。

之思明發范陽觀望未進。會崔光遠拔魏州。思明遂引兵大下。光遠使將軍李處崆拒之。連戰不利。還趣城。賊追至城下。揚言曰。處崆召我來。何為不出。光遠信之。斬處崆。處崆驍將眾所恃也。既死。眾無鬪志。光遠脫身走。

思明陷魏州。所殺三萬餘人。薛嵩誦之從子。

以侯希逸營州人。為平盧節度副使。

平盧節度使王元志卒。初元志既酖殺劉正臣。祿山以親將徐歸道為節度使。元志復

與侯希逸襲殺之。遣使上聞。詔拜元志平盧節度使。至是卒。劉正臣事具前。上遣中使往撫

慰將士。因就察軍中所欲立者。授以旌節。高麗人李懷

玉為裨將。殺元志之子。推侯希逸為軍使。朝廷因以希

逸為節度副使。節度使由軍士廢立自此始。

已亥二年春正月。史思明自稱燕王。



史思明自稱大聖燕王周摯為行軍司馬

李光弼曰田明得魏州而

按兵不進此欲使我懈惰而以精銳掩吾不備也請與朔方軍同逼魏城求與之戰彼懲嘉山之敗必不敢輕出得曠日引久則鄴城拔慶緒死而彼無辭以用其眾矣魚朝恩以為不可乃止嘉山之敗事具前

二月壬子月食既

胡三省曰春秋之法書日食不書月食此因張后專橫故特書

先是百官請加皇后尊號上以問中書舍人李揆對曰自古皇后無尊號惟韋后有之豈足為法上驚曰庸人幾誤我會月食事遂寢后與李輔國相表裏干預政事上頗不悅而無如之何

三月九節度之兵潰于相州

郭子儀等九節度圍鄴城壅漳水灌之慶緒堅守以待思明城中食盡淹馬矢以食馬而官軍無統御進退無

所稟。城久不下。上下解體。思明引兵趨鄴。選精騎日于城下抄掠。官軍出則散歸其營。晝備之則夜至。夜備之則晝至。又多遣壯士竊官軍裝號。督趣運者。妄殺戮人。舟車所聚。則密縱火焚之。往復聚散。自相辨識。而官軍不能察也。由是諸軍乏食。思明乃大引軍直抵城下。刻日決戰。官軍步騎六十萬。陳于安陽河北。李光弼。王思禮。許叔冀。魯炘。先戰。殺傷相半。郭子儀承其後。未及布陳。大風忽起。吹沙拔木。天地晝晦。咫尺不辨。兩軍大驚。官軍潰而南。賊潰而北。子儀斷河陽橋。保東京。戰馬萬匹。惟有三千。甲仗十萬。遺棄殆盡。東京士民駭散。留守崔圓等奔襄鄧。諸道兵潰歸。所過剽掠。惟李光弼。王思



禮整軍而歸。

子儀至河陽。周摯引兵爭之不得。都虞候張用濟築南北兩城而守之。

諸將

各上表請罪。上皆不問。

史思明殺安慶緒。還范陽。

史思明知官軍潰去。還屯鄴南。不與慶緒相聞。慶緒窘蹙不知所爲。上表稱臣于思明。思明乃手疏唁慶緒。願爲兄弟之國。慶緒大悅。以三百騎詣思明營。思明陳兵待之。引入再拜。思明忽震怒曰。爾爲子殺父。天地所不容。吾爲太上皇討賊。豈受爾佞媚乎。命左右牽出。并高尙孫孝哲。崔乾祐。皆殺之。勒兵入鄴城。收其士馬。留其子朝義守之。引兵還范陽。

苗晉卿。王琬。罷以李峴。李揆。呂諲。第五琦。同平章事。

上于李峴恩意尤厚。峴亦以經濟爲已任。軍國大事多獨決之。

以郭子儀爲東畿等道元帥。

夏四月。史思明僭號。稱大燕皇帝。

制停口敕處分。

初。李輔國自上在靈武。侍直帷幄。宣傳詔命。四方文奏。寶印符契。晨夕軍號。一以委之。及還京師。專掌禁兵。常居內宅。制敕必經輔國押署。然後施行。宰相百司。皆因輔國關白。口爲制敕。付外施行。御史臺大理寺重囚。或推斷未畢。輔國一時縱之。莫敢違者。李揆見之。執子弟禮。謂之五父。輔國行第五。及李峴爲相。于上前叩頭論制敕。



應出中書具陳輔國專權亂政之狀上感悟制停口敕處分諸務各歸有司或有追攝須經臺府輔國由是忌覲

以李抱玉為鄭陳頴毫節度使

抱玉安興貴之後也興貴于武德初襲執李軌事具前為李光弼裨將

屢有戰功自陳恥與安祿山同姓賜姓李氏

五月貶李覲為蜀州刺史

御史中丞崔伯陽等以鞫獄坐貶鳳翔馬坊押官為劫

之其妻訟冤李輔國素出飛龍廐敕監察御史孫瑩鞫之無冤又使中丞崔伯陽等鞫之與瑩同又使侍御史

毛若虛鞫之若虛希輔國意歸罪夷甫伯陽怒召若虛詰責欲劾奏之若虛先自歸于上上匿若虛簾下伯陽

尋至言若虛附會中人鞫獄不直上怒叱出之貶嶺南尉瑩流播州押官管押馬坊之官天興本雍縣至德

押官為劫法當捕殺瑩與伯陽之鞫自是正理至若虛希輔國指敢于執法尤宜重治其罪乃置之簾下以堂階為通逃藪朝綱安在甚至咎執法之臣更加貶貶是直黑白不辨何足復言刑賞之正哉

初更名金。改鳳翔。今爲鳳翔。岷奏伯陽等無罪。上以爲府治。毛若虛。絳州太平人。

黨貶蜀州刺史。謂散騎常侍韓擇木。昌黎人。曰。李峴專權。

朕自覺用法太寬。對曰。李峴言直。非專權。陛下寬之。祇

益聖德耳。若虛尋除御史中丞。威振朝廷。久之。以罪貶死。

秋七月。召郭子儀還京師。以李光弼爲朔方節度使。兵馬

元帥。

魚朝恩惡郭子儀。因其敗。短之于上。上召子儀還京師。

以李光弼代之。士卒涕泣遮中使。請留子儀。子儀紿之

曰。我餞中使耳。未行也。因躍馬而去。光弼以騎五百馳

赴東都。夜入其軍。光弼治軍嚴整。始至。號令一施。士卒

壁壘旌旗。精彩皆變。是時。朔方將士。樂子儀之寬。憚光



李郭雖並為中興名將輸忠王室然朔方受代之際使子儀光弼易地而居恐光弼不能如子儀之略無芥蒂矣二人優劣當以此定之

弼之嚴

兵馬使張用濟屯河陽與諸將謀以精銳突入東京逐光弼請子儀命其士皆被甲上馬以待

朔方節度副使懷恩曰鄴城之潰郭公先去朝廷責帥故罷其兵柄今逐李公而彊請之是反也其可乎康元寶曰君以兵請郭公朝廷必疑郭公諷君為之是被其家也郭公百口何負于君乎用濟乃止光弼以數千騎東出汜水用濟單騎來謁光弼責而斬之命部將辛京杲代領其眾辛京杲蘭州金城人

賜僕固懷恩爵大寧郡王

懷恩從郭子儀為前鋒勇冠三軍前後戰功居多故賞之

冬十月李光弼與史思明戰于河陽大敗之

史思明分軍四道濟河會于汴州李光弼方巡諸營聞之入汴州謂節度使許叔冀曰大夫能守汴十五日我則將兵來救叔冀許諾思明至汴州叔冀與戰不勝遂

降之。思明乘勢西攻鄭州。光弼整衆徐行至洛陽。當守  
韋陟請退守潼關。光弼曰。兩敵相當。貴進忌退。今無故  
棄五百里地。則賊勢益張矣。不若移軍河陽。北連澤潞。  
利則進取。不利則退守。表裏相應。使賊不敢西侵。此猿  
臂之勢也。判官韋損曰。東京帝宅。奈何不守。光弼曰。守  
之。則汜水。有虎牢。峿嶺。在登封縣東南。卽箕山也。龍門。卽伊闕。皆應置兵。  
子爲兵馬判官。能守之乎。遂牒河南尹。帥吏民避賊。而  
帥軍士詣河陽。遂入三城。有衆二萬。糧纔支十日。光弼  
按閱守備。部分士卒。無不嚴辦。思明入洛陽。城空無所  
得。遂引兵攻河陽。光弼斬其將劉龍僊。獲良馬千餘匹。  
思明使龍僊挑戰。嫚罵光弼。光弼顧諸將曰。誰敢取彼  
僕。固懷恩請行。光弼曰。此非大將所爲。裨將白孝德請



光弼誘馬一事傳紀家泥  
古游牝之說噴噴以為秘  
所殊不知戰陣多用驕馬  
即數在取多亦不過間及  
牝馬從未有以壯馬參隊  
伍者雖有游牝誘將安施  
書生不諳軍旅並不察物  
情好異傳訛大率類然

挺身取之。光弼撫其背而遣之。孝德拔二矛策馬亂流而進。半涉懷恩賀曰。克矣。光弼曰。何以知之。對曰。觀其攬轡安閒。是以知之。龍僊易之。嫚罵如初。孝德瞋目大呼。運矛躍馬。斬之以歸。思明有良馬千餘匹。每日出于河渚浴之。循環不休。光弼命索軍中牝馬。得五百匹。繫其駒而出之。思明馬見之。悉浮渡河。盡驅入城。白孝德。安。思明屯兵河清。唐縣。今為鎮。在光弼軍于野水渡。

在孟縣。以備之。賊將高庭暉李日越降。光弼還河陽。留兵千人。使部將

西南。

雍希顥守其柵。曰。賊將高庭暉李日越皆萬人敵也。至

勿與之戰。降則與之俱來。諸將莫喻。既而思明果謂日

越曰。光弼長于憑城。今出在野。此成擒矣。汝以鐵騎宵

濟。為我取之。不得則勿返。日越將五百騎晨至柵下。問

曰。司空在乎。希顥曰。夜去矣。日越曰。失光弼而得希顥

吾死必矣。遂請降。希顥與之見光弼。光弼厚待之。任以

心腹。高庭暉聞之。亦降。或問光弼降二將何易也。光弼

曰。思明常恨不得野戰。聞我在外。以為必可取。日越不

獲我勢不敢歸。庭暉才勇過于日

越。聞日越被寵任。必思奪之矣。思明復攻河陽。光弼

使李抱玉守南城。自將屯中渾。賊將周摯攻南城。不克。

抱玉出奇兵夾擊。乃攻中渾。光弼令鎮西行營節度使殺傷甚衆。摯引却。

荔非元禮。

荔非。關西複姓。元禮。寧州人。

拒戰羊馬城。

胡三省曰。城外更築短垣。謂之

羊馬城。

賊大潰。

時光弼城外置柵。柵外穿塹。賊填塹入道。開柵爲門。光弼使問元禮曰。中正視賊填

塹。開柵。晏然不動。何也。元禮曰。司空欲守乎。戰乎。光弼曰。欲戰。元禮曰。欲戰。則賊爲吾填塹。何爲禁之。光弼曰。

善。吾所不及。勉之。元禮俟柵開。帥敢死士突出奮擊。破之。摯復收兵趣北城。光弼登

城望曰。賊兵多而不整。不足畏也。不過日中。保爲諸君

破之。乃命出戰。及期不決。召諸將問曰。賊陣何方最堅。

曰。西北隅。命郝廷玉當之。又問其次。曰。東南隅。命論惟

貞。

論姓。自吐蕃來降。

當之。令諸將曰。爾輩望吾旗而戰。吾旆旗

緩。任爾擇利。吾急。旆旗三至地。則萬衆齊入。死生以之。

少退者斬。又以短刀置鞞中曰。戰危事。吾國之三公。不



御批歷代通鑑輯覽卷之五十一  
三  
可死賊手萬一不利。諸君死敵。吾自剄。不令諸君獨死也。再戰。廷玉奔還。光弼驚。命取其首。廷玉曰。馬中箭。非敢退也。易馬遣之。僕固懷恩小却。光弼又命取其首。懷恩更前決戰。光弼連颺其旗。諸將齊進致死。呼聲動天地。賊衆大敗。思明及摯皆遁去。

庚子

上元元年春正月。以李光弼爲太尉兼中書令。

賊將安太清走懷州。光弼再破之。復擊破史思明於河陽西渚。已而光弼拔懷州。擒太清。送之京師。

以郭子儀領邠寧鄜坊

坊州。唐置。今鄜州中。部縣是。餘注俱見前。

節度使。

党項等羣。吞噬邊鄙。將逼京畿。乃分邠寧爲鄜坊節度。以邠州刺史桑如珪。鄜州刺史杜冕領之。分道招討。而

以郭子儀領兩道節度。留京師。假其威名以鎮之。或上

言天下未平不可置子儀散地乃命出鎮邠州。党項散去。

夏四月。以韋倫京兆人為山南東道節度使。尋以來瑱代之。

先是。襄州將康楚元等作亂。商州刺史韋倫討平之。楚元

等攻破荊州。衆至萬餘。倫發兵生擒楚元。得其所掠租庸二百萬緡。至是。襄州將張維瑾

曹玢殺節度使史翽。據州反。制以倫為節度使。時李輔

國用事。節度使皆出其門。倫既朝廷所除。又不謁輔國。

尋改秦州防禦使。以來瑱鎮襄陽。瑱至。維瑾等降。

閏月。以王思禮為司空。

武德以來。不為宰相而拜三公。自此始。

追諡太公望為武成王。



五月以苗晉卿行侍中。

晉卿練達吏事而謹身固位時人比之胡廣。

以劉晏

字士安曹州南華人

爲戶部侍郎充度支鑄錢鹽鐵等使。

晏善治財利故用之。

興王侶卒。

侶張后之子也。張后數欲危太子。太子以恭遜取容。會侶卒。后幼子定王侗幼。太子位遂定。

秋七月李輔國遷太上皇于西內。

卽太極宮。隋大興宮也。故址在今西安府西北。

上皇愛興慶宮。自蜀歸卽居之。上時自夾城往起居。上

皇亦時至大明宮。陳元禮高力士侍衛。上又命玉真公

主。

上皇之妹如僊媛

上皇舊宮人。

及梨園弟子往娛侍之上皇多

御長慶樓。父老過者。往往瞻拜呼萬歲。上皇常于樓下置酒食賜之。又嘗召將軍郭英乂等。上樓賜宴。李輔國言于上曰。上皇居興慶宮。日與外人交通。元禮力士謀不利于陛下。今六軍將士盡靈武勲臣。皆反仄不安。臣不敢不以聞。上泣曰。聖皇慈仁。豈容有此。對曰。上皇固無此意。其如羣小何。陛下當爲社稷大計。消亂于未萌。豈得徇匹夫之孝。且興慶淺露。非至尊所宜居。大內深嚴。奉迎居之。有何不可。又令六軍將士叩頭請之。上泣不應。會上不豫。輔國矯稱上語。迎上皇遊西內。輔國將射生五百騎。露刃遮道。奏曰。皇帝以興慶宮湫隘。迎上皇遷居西內。上皇驚。幾墜馬。高力士曰。李輔國何得無



輔國請遷上皇肅宗初未  
之許輒矯上語行之此豈  
素服請罪所可事肅宗  
不責以大義治以國法乃  
為甘言以順其意是不但  
無以為子亦不成其為君  
尹廷華所謂寄生非奇論  
也

禮叱令下馬力士因宣上皇語曰諸將士各好在將士  
皆納刃再拜呼萬歲力士又叱輔國共執上皇馬鞚侍  
衛如西內侍衛兵纔庭老數十人元禮力士皆不得留  
左右輔國遂與六軍大將素服見上請罪上曰卿等防  
微杜漸以安社稷何所懼也刑部尚書顏真卿首率百  
寮上表請問上皇起居輔國惡之奏貶蓬州後周置今屬四川順慶府長史高力士流巫州唐置後改沅州今湖南沅州府是陳元禮勒致  
仕更選後宮百餘人以備灑掃令萬安咸宜二公主皆上  
皇之視服膳上皇日以不懌因不如輩辟穀浸以成疾  
女居其後上稍悔悟惡輔國欲  
誅之畏其握兵竟不能決

制郭子儀統諸道兵取范陽定河北不果行

制下旬日。爲魚朝恩所沮。事竟不行。

冬十一月。江淮都統劉展反。

李銑。劉展皆領淮西節度副使。銑貪暴不法。展剛彊自用。節度使王仲昇奏誅銑。又使監軍邢延恩入奏展罪。請除之。延恩因說上請除展。江淮都統代李峘峘之弟。俟

其釋兵赴鎮。中道執之。上從之。以展爲江淮都統。密敕

李峘及淮東節度使鄧景山曹州人。圖之。延恩以制書授

展。展疑之。請先得印節。延恩懼。卽馳詣廣陵。解峘印節授展。展乃上表謝恩。牒追江淮親舊。置之心膂。悉與宋州兵七千趣廣陵。延恩奔還廣陵。與李峘鄧景山發兵拒之。移檄州縣。言展反。展亦移檄言峘反。州縣莫知所



從岨引兵渡江屯京口。鄧景山將萬人屯徐城。注見展前。

素有威名。江淮人望風畏之。使其將孫待封擊景山。景

山衆潰。展遂入廣陵。展軍白沙。洲名。在今揚州府儀徵縣南。唐于此置鎮。馮智

舒釋為鳳陽府之白沙山。謬甚。設疑兵。若將趣北固。山名。在今鎮江府丹徒縣北。者。

李岨悉兵拒守。展乃自上流濟襲下蜀。鎮名。在今江寧府句容縣北。

岨軍潰。奔宣城。本宛陵縣。隋更名。今為寧國府治。展遂陷昇。今江寧府唐乾元初

日昇州。潤及蘇湖濠。隋置。今江南鳳陽府是。楚等州。所向摧靡。橫行

江淮間。時平盧兵馬使田神功。冀州南官人。將兵三千屯任

城。注見前。鄧景山奏乞救神功救淮南。且遣人趣之。許以

淮南金帛。子女為賂。神功及所部皆喜。悉衆南下。展懼

選精兵渡淮。擊神功。連戰皆敗。神功入廣陵。明年二月。

神功遣其將分道擊展將軍賁隱林射展中目遂斬之。餘黨皆平。平盧軍大掠十餘日。安史之亂兵不至江淮。至是民始罹荼毒矣。

辛丑二年春二月李光弼與史思明戰于郛山敗績。河陽懷州皆陷。

史思明據東京。

思明入洛陽畏光弼倚其後不敢入宮退屯白馬寺及河陽再敗遂入城或

言其將士皆燕人久戍思歸上下離心急擊之可破也。

魚朝恩以為信然屢言之上敕光弼等進取東京光弼

奏賊鋒尚銳未可輕進僕固懷恩附朝恩亦言東都可

取。

懷恩勇而愎麾下皆蕃漢勁兵恃功多不法郭子儀寬厚曲容之每用兵倚以集事光弼一裁之以法懷

恩不悅故附會朝恩

由是中使相繼督光弼出師光弼不得已將



兵會朝恩等攻洛陽。陣于邙山。光弼命依險而陳。懷恩陳于平原。光弼曰。依險則可進可退。若陳平原。戰而不利。則盡矣。思明不可忽也。命移于險。懷恩復止之。史思

明乘其未定。薄之。官軍大敗。走保聞喜。河陽懷州皆沒。

于賊朝廷聞之大懼。益兵屯陝。

光弼既敗。上表求自貶。詔以爲開府儀同三司。

未幾復爲太尉。統八道行營鎮臨淮。

李揆爲袁州長史。以蕭華

嵩之子。

同平章事。

荆南節度使呂誼以善政聞。李揆與誼不相悅。恐其復入相。陰使人求誼過失。誼上疏自訟。乃貶揆而相華。

三月。史朝義殺史思明。

史思明猜忌好殺。羣下人不自保。朝義其長子也。無寵。

愛少子朝清使守范陽。帝欲殺朝義。立朝清爲後。旣破李光弼。欲乘勢西入關。使朝義襲陝。自將大軍繼之。朝義數進兵。皆敗。思明詬怒。欲斬之。朝義憂懼。部將駱悅。蔡文景說之曰。悅等與王死無日矣。占有廢立。請召曹將軍。思明大將爲宿衛。史失其名。謀之王。苟不許。今歸李氏矣。朝義召曹將軍告之。遂以兵入。射思明殺之。朝義卽僞位。使人至范陽。殺朝清。并不附已數十人。諸部舊崧皆思明故等夷。召之多不至。略相羈縻而已。

秋七月癸未朔日食。旣大星皆見。

八月加李輔國兵部尚書。

輔國求爲宰相。上曰。以卿之功。何官不可爲。其如朝望。



未孚何。輔國乃諷僕射裴冕使薦已冕曰吾臂可斷宰  
相不可得上天悅輔國銜之。

九月置道場于三殿即麟德殿在大明宮中殿有三面故謂之三殿

上以天成地平節帝生于九月三日遂于三殿置道場

以宮人爲佛菩薩北門武士爲金剛神王召大臣膜拜

圍繞

制去尊號及年號以建子月爲歲首

制除五品以上官令舉一人自代

江淮大饑

建子月受朝賀如正旦儀

以元載字公輔鳳翔岐山人爲度支鹽鐵轉運等使

度支郎中元載。敏悟善奏對。上愛其才。委以江淮漕運。數月。會劉晏貶。司農卿嚴莊怨晏。告晏道禁中。語矜功怨上。晏遂與莊俱坐貶。載遂代晏掌財利。載以江淮雖經兵荒。其民猶有貲產。乃按籍舉八年租庸之違負及逋逃者。計其大數而徵之。擇豪吏爲縣令督之。不問負之有無。察民有粟帛者。發徒圍之。籍其所有而中分之。甚者取八九。謂之白著。有不服者。嚴刑以威之。民聚山澤爲羣盜。州縣不能制。

上朝太上皇于西內。

先是。山人李唐見上。上方抱幼女。謂唐曰。朕念之。卿勿怪也。對曰。太上皇思見陛下。計亦如陛下之念公主也。上泫然泣下。然畏張后。尚不敢詣西內。至是始往朝。



寅王寶應元年春建辰月賜郭子儀爵汾陽王知諸道行營

時河東軍亂殺其節度使鄧景山諸將請以兵馬使辛

雲京京杲從兄為節度使景山有裨將抵罪當死諸將請之

馬以贖罪乃許之諸將怒曰我輩曾不及一馬乎遂殺

景山上以景山撫御失所以致亂遣使慰諭以安之諸

將請以兵馬使辛雲京為節度使從之既而絳州行營隨方征討不居本鎮謂之行營兵

乏食突將王元振激怒士卒殺其都統李國貞國貞淮南王神

通元孫本名若幽上以為河中節度使朔方諸道行營

都統領絳州因賜名絳州素無儲蓄糧賜不充國貞屢

以狀聞朝廷未報軍中吝怨又以國貞治軍嚴思郭子

儀之寬王元振因矯命于眾曰來日修都統宅具畚鍤

待命士卒皆怒曰朔方健兒豈修宅夫耶元振帥之執

國貞置卒食于前曰食此而役其力可乎國貞曰修宅

則無之軍食則屢奏未報諸君所知也眾欲退鎮西北

元振曰今日都統不死則我輩死矣遂殺之

庭行營兵屯翼城隋縣今屬平陽府亦殺其節度使荔非元禮

推裨將白孝德爲帥。于是諸軍剽掠不已。朝廷憂其合從連賊。非新進諸將所能鎮服。乃以郭子儀爲汾陽王。知諸道節度行營。兼興平定國等軍副元帥。發京師粟帛數萬以給絳軍。時上不豫。羣臣莫得進見。子儀請曰。老臣受命將死。子外不見陛下。目不瞑矣。上召入卧內。謂曰。河東之事。一以委卿。子儀至軍。王元振自以爲功。子儀曰。吾爲宰相。豈受一卒之私耶。收元振及其黨四十人。皆殺之。辛雲京聞之。亦按誅殺鄧景山者數十人。由是河東諸鎮率皆奉法。

蕭華罷。以元載同平章事。領度支轉運。使如故。

李輔國以求宰相不得。怨蕭華。言華專權。請罷之。而相



載上不許。固請不已。上乃從之。

建巳月。楚州得寶玉十三枚。

楚州言。尼真如恍惚。登天見上帝。賜以寶玉十三枚云。中國有災。以此鎮之。羣臣表賀。

太上皇崩。

年七十八

上自仲春寢疾。聞上皇登遐。疾轉劇。乃命太子監國。時高力士遇赦。自巫州還。在道。聞上皇崩。號慟。嘔血而卒。

復以建寅爲正月。

帝崩。李輔國弑皇后張氏。

初。張后與輔國相表裏。專權用事。晚更有隙。內射生使

程元振。

京兆三原人。

黨于輔國。上疾篤。后召太子謂曰。輔國

綱目書李輔國殺皇后張氏。殊不思張氏有可殺之罪。輔國非殺張氏之人。汪克寬引北魏高肇弑后于氏。例折之。較劉友益尹起

幸諸說特爲有見故改書以昭義例

久典禁兵。陰與程元振謀作亂。不可不誅。太子泣曰。陛下疾甚危。不告而誅。必致震驚。恐不能堪也。太子出。后召越王係。帝次子。選宦官授甲。以誅輔國。元振知其謀。密告輔國。以兵送太子于飛龍廡。勒兵收係。遷后于別殿。時上在長生殿。使者逼后下殿。宦官宮人驚散。明日上崩。輔國等弑后并係。

太子卽位。

是爲代宗。

輔國引太子。素服與宰相相見。遂卽位。輔國恃功益橫。明謂上曰。大家但居禁中。外事聽老奴處分。上內不能平。以其方握禁兵。外尊禮之。號爲尚父。而不名。事無大小。皆咨之。羣臣出入。皆先詣輔國。輔國亦晏然處之。



以李輔國爲司空兼中書令。

李光弼使田神功擊史朝義大破之。

史朝義自圍宋州數月城中食盡果毅劉昌

字公明開封人曰

倉中猶有麴數千斤請屑食之不過二十日李太尉必

救我李光弼至臨淮諸將以朝義兵尚強請南保揚州

光弼曰朝廷倚我以爲安危我復退縮朝廷何望徑趣

徐州使兗鄆

唐置鄆州今曹州府鄆城縣是

節度使田神功進擊朝義

大破之

光弼在徐州惟軍旅之事自決之衆務悉委判官張修修吏事精敏區處如流諸將事之如事

光弼由是軍中肅然東夏以寧先是田神功見官屬皆

平受其拜及見光弼與修抗禮乃大驚徧拜官屬曰神功出于行伍不知禮儀諸君

亦胡爲不言成神功之過乎

六月進李輔國爵博陸王

劉友益曰宦者封王唯此

程元振謀奪李輔國權。密言于上。請稍加裁制。解輔國行軍司馬及兵部尚書。出居外第。于是道路相賀。輔國始懼。上表遜位。詔罷中書令而進其爵。

以劉晏爲度支轉運鹽鐵等使。

秋七月。郭子儀入朝。

時程元振用事。忌子儀功高任重。數譖之。子儀不自安。奏請解副元帥節度使。遂留京師。

以程元振爲驃騎大將軍。

九月。以來瑱同平章事。

初。瑱爲山南東道節度使。肅宗召赴京師。瑱樂在襄漢。諷將士上表留已。復得還鎮。尋有詔徙瑱淮西。行軍司馬裴茂



謀奪瑱位。密表瑱偏疆難制。請以兵襲取之。肅宗以爲然。徙瑱淮西南節度使。外示寵任。實欲圖之。密敕戎爲防禦。會肅宗崩。上卽位。復留瑱山南東道。瑱聞徙淮西大懼。又諷將吏請留。上欲姑息。許之。裴戎先得密敕。卽帥麾下趣襄陽。瑱以兵迎之。且曰。吾已蒙恩復留鎮此。因取敕告示之。戎驚惑。瑱縱兵擊之。擒送京師。賜死。至是。瑱入朝。遂拜兵部尚書。同平章事。

貶裴冕爲施州前刺史。

左僕射裴冕爲山陵使。議事與程元振相違。遂坐貶。

回紇舉兵入援。冬十月。以雍王适帝長子。卽德宗。爲天下兵馬元

帥。討史朝義。大敗之。取東京及河陽。賊將薛嵩張忠志本

陽內屬奚。後賜名。李寶臣。字爲輔。以州降。

上遣中使劉清潭使于回紇。修舊好。且徵兵討史朝義。

時回紇毘伽闕可汗死。子登里可汗立。已爲史朝義所誘。云唐室繼有大喪。中原無主。可汗信之。清潭至謂曰。先帝雖棄天下。今皇帝卽廣平王與葉護共收兩京者也。回紇乃起兵。至三城見州縣邱墟。有輕唐之志。乃困辱清潭。清潭遣使言狀。京師大駭。初肅宗以僕固懷恩女妻登里可汗。至是上令懷恩往見之。懷恩爲言唐家恩信不可負。可汗悅。遣使上表請助國討賊。制以雍王适爲天下兵馬元帥。會諸道節度及回紇于陝州。進討史朝義。上欲以郭子儀爲适副。程元振。魚朝恩等沮之而止。加僕固懷恩同平章事。領諸軍節度行營以副适。适至陝州。回紇屯于河北。适與僚屬往見之。可汗責适不拜舞。兵馬使藥子昂對以禮不當然。回紇將車鼻曰。唐天子與可汗約爲兄弟。可汗于雍王叔父也。何得不拜。舞子昂曰。安有中國儲君向外國。可汗拜舞乎。且兩宮在殯。不應拜舞。力爭久之。車鼻遂引子昂等。各鞭一百。



遣迺歸營。行軍司馬韋少華等遂死。諸軍發陝州。僕固懷恩與回紇爲前

鋒。郭英又魚朝恩爲殿。李抱玉自河陽入。李光弼自陳

留入。會于洛陽。陳于橫水。

地名。胡三省注。金人疆域圖。孟津有橫水店。

懷恩

遣驍騎及回紇。並南山出賊柵東北。表裏合擊。大破之。

朝義悉其精兵十萬救之。官軍擊之不動。鎮西節度使

馬璘

扶風人。

曰。事急矣。遂單騎奮擊。奪賊兩牌。突入萬衆

中。賊左右披靡。大軍乘之而入。賊衆大敗。斬首六萬級。

捕虜二萬。朝義將輕騎數百東走。懷恩進克東京。及河

陽城。懷恩留回紇營河陽。使其子瑒帥步騎萬餘逐朝

義。至鄭州。再戰皆捷。汴州降。回紇入東京。肆行殺掠。死

者萬計。朝義自濮州北渡河。懷恩及瑒復再敗之。于是

輔國專權稔惡罪不容誅  
白當肆諸市朝以謝天下  
張后雖此晨逆著尚未若  
武皇之禍及宗祊輔國敢  
行弑逆尤當繩以亂賊之  
律代宗轉以為功不加顯  
戮是但知報復私憾而不

朝義鄴郡節度使薛嵩以相衛洛邢四州降于李抱玉

恒陽節度使張忠志以相趙深定

即今易州武德中置五

于辛雲京抱玉等入其營嵩等皆受代居無何僕固懷

恩皆令復位由是抱玉雲京各表懷恩有貳心朝廷宜

密為備懷恩亦上疏自理上慰勉之

張忠志之未降也裨將王武俊謂曰

吾今以寡當衆以曲遇直戰則必離守則必潰公其圖

之忠志乃降詔名其軍曰成德即拜節度使賜姓名曰  
李寶臣寶臣擢武俊為先鋒兵馬使  
王武俊字元英本契丹怒皆部入居薊

### 盜殺李輔國

上在東宮以李輔國專權心甚不平及即位以輔國有

殺張后功不欲顯誅之夜遣盜入其室竊輔國首及一

臂而去敕有司捕盜遣中使存問其家仍贈太傅



顧大義無論顧德是非不可為訓即以春秋不討賊之例責之代宗其能自解乎

以僕固懷恩為河北副元帥。

郭子儀以懷恩有平河朔功。請以副元帥讓之。

代宗皇帝

癸卯 廣德元年春正月。以劉晏同平章事。度支等使如故。

流來瑱于播州。殺之。

初。來瑱在襄陽。程元振有所請託。不從。及為相。元振譖瑒言涉不順。與賊合謀。坐削官爵。流播州。賜死。由是藩鎮皆切齒于元振。

賊將田承嗣以莫州

本鄭縣。唐置州。改莫。宋省。故城在今河間府任邱縣。降。李懷僊

柳城人。殺史朝義。傳首京師。

史朝義走莫州。諸軍圍之。朝義屢戰皆敗。田承嗣說朝

義令往幽州發兵朝義從之。承嗣卽以城降。時朝義范陽節度使李懷僊已請降。朝義至不得入。獨與胡騎數百東奔。欲入奚契丹。懷僊兵追及之。朝義窮蹙。縊于林中。懷僊取其首以獻。僕固懷恩與諸軍皆還。

以薛嵩田承嗣李懷僊爲河北諸鎮節度使。

尹起莘曰。此志唐失河北

之始。

以史朝義降將薛嵩爲相。衛邢洛貞磁六州節度使。田承嗣爲魏博德滄瀛五州都防禦使。李懷僊仍故地爲盧龍節度使。時河北諸州皆已降。嵩等迎僕固懷恩拜于馬首。乞行間自効。懷恩恐賊平寵衰。故奏留嵩等及李寶臣分帥河北。自爲黨援。朝廷亦厭苦兵革。苟冀無



河北之失其原起于用降將為節度范祖禹歸咎僕固懷恩其說近是而未盡也蓋唐自元宗昏縱召亂于前肅代姑息養奸于後內而宦官外而方鎮已成太阿倒持之勢向常論此以為未有失其本而能治其末者夫本存乎人君之一心心不正則不明何以官人何以命將

事因而授之

承嗣舉管內戶口壯者皆籍以兵惟使老弱耕稼數年有兵衆十萬奏請名其軍曰

天雄又選其驍健者

萬人自衛謂之牙兵

范氏祖禹曰唐失河北實自此始由任僕

固懷恩為制將也使李郭為將肯如是乎

回紇歸國

回紇部衆所過抄掠廩給小不如意輒殺之無所忌憚

陳鄭節度使李抱玉欲遣官屬置頓人人辭憚趙城隋縣

今屬平陽府尉馬燧獨請行比回紇將至燧先遣人賂其渠

帥約無暴掠帥遺之旗曰有犯令者君自戮之燧取死

囚為左右小有違令立斬之回紇相顧失色涉其境者

皆拱手遵約束燧說抱玉曰燧與回紇言頗得其情僕固懷恩恃功驕蹇其子瑒好勇而輕今

內樹四帥外交回紇必有窺河東羊潞之志宜深備之抱玉然之

以梁崇義

長安人

爲山南東道節度留後

劉友益曰。留後始此。

初。梁崇義從來瑱鎮襄陽。累遷右兵馬使。有勇力。能卷鐵舒鉤。沈毅寡言。得衆心。瑱死。自鄧州引戍兵歸。衆推爲帥。上不能討。因以爲留後。崇義奏改葬瑱。

三月辛酉葬泰陵

元宗陵在同州府蒲城縣東北金粟山。

史臣贊曰。元宗初立。勵精政事。開元之際。幾至太平。何其盛也。及侈心一動。窮天下之欲。不足爲其樂。而溺其所甚愛。忘其所可戒。至于竄身失國。而不悔。始終之異。至于如此。可不慎哉。

庚午葬喬陵

肅宗陵。唐書作建。在西安府醴泉縣東北武將山。

賀善贊曰。肅宗趣取大物。而子道悖。制于張后。而夫道奪。脇于輔國。而君道失。殺齊王。俛而父道虧。倘微郭李。唐之克復。未可知矣。

夏四月。李光弼遣將擒台州賊袁晁。浙東平。



初台州賊袁晁攻陷浙東諸州民疲于賦斂者多歸之聚衆近二十萬光弼使部將張伯儀魏州人將兵討平之分河北諸州節度。

以幽莫嬌檀平薊爲幽州管恒定趙深易爲成德軍管相貝那洛爲相州管魏博德爲魏州管滄棣冀瀛爲青淄管懷衛河陽爲澤潞管。

敕議舉孝廉。

禮部侍郎楊綰

字公權華陰人

上疏

畧曰古之選士必取行實

試策而已至高宗時考功員外郎劉思立始奉進士科猶雜文明經加帖括從此成俗公卿以此待士長老以此訓子其明經則誦帖括以僥倖又令舉人投牒自應如此欲其返淳朴崇廉讓何可得也請置孝廉科令縣令取行著鄉閭學知經術者薦之于州刺史考

試升之于省。任占一經問經義二十條對策三道。上第

注官中第出身。下第罷歸其道。事謂學老莊者亦非理國所

資。望與明經進士並停。上命諸司通議給事中李栖筠

左丞賈至。曾之子京兆尹嚴武。字李鷹之子並是綰議。仍請

兼廣學校。保桑梓者。鄉里舉焉。在流寓者。庠序推焉。敕

禮部具條目以聞。綰奏國子監舉人令博士薦于祭酒

祭酒試通者。升之于省。如鄉貢法。明法委刑部考試。或

以為明經進士行之已久。不可遽改。事雖不行。識者是

之。後綰又奏孝弟力田無實狀及童子科皆罷。僉悉罷之。

秋七月羣臣上尊號

九月遣使徵僕固懷恩入朝不至



懷恩自收京以後驕場之  
宣力居多恃功驕蹇已非  
一日狼子野心固不能保  
其克全臣節然彼時未遽  
有跋扈之形徒以雲京懷  
疑激怒實為過舉追嫌讞  
已成抗不赴徵則逆跡顯  
於代宗竟視為固然不  
即聲罪致討威令不行復  
何以馭下乎

初僕固懷恩受詔與回紇可汗相見于太原河東節度  
使辛雲京恐其合謀襲軍府閉城自守亦不犒師懷恩  
怒具表其狀不報中使駱奉仙至太原雲京厚結之使  
言懷恩反狀已露懷恩亦奏請誅雲京奉仙詔和解之  
懷恩自以兵興以來所在力戰一門死王事者四十六  
人女嫁絕域說諭回紇再收兩京平定河南北功無與  
比而為人構陷憤怨殊深上書自訟書曰臣罪有六昔  
帝掃清河曲一也男盼陷賊亡歸臣斬之以令衆士二  
也二女遠嫁為國和親三也身與男場為國効命四也  
河北新附撫安反側五也說諭回紇使赴急難六也臣  
既負六罪誠合萬誅思得一奉天顏又以來瑱之反深  
畏中官讒口虛受陛下誅夷臣奏奉仙非不撫實陛下  
竟無處置寵任彌深竊聞四方遣人奏事陛下皆云與  
驃騎議之曾不委宰相可否或留數日不遣遠近無不  
疑沮儻不納愚懇且務因循臣實不敢保家陛下豈能

安國唯陛下圖之同羅鐵勒別部安祿山反同羅上

叛寇朔方郭子儀遣懷恩討下之驃騎謂程元振

遣裴遵慶字少良詣懷恩喻旨諷令人朝懷恩抱遵慶

足號泣訴冤然以懼死為詞竟不奉詔

冬十月吐蕃入寇上如臥州吐蕃入長安關內副元帥郭

子儀擊之吐蕃遁去

吐蕃入寇陷蘭廓河鄯洮岷秦成渭見前等州唐自武

開拓邊境地連西域皆置都督府開元中置朔方隴右

河西安西北庭諸節度使以統之歲發山東丁壯為戍

卒給帛為軍資開屯田供糗糧設監牧畜馬牛軍城戍

邏萬里相望及安祿山反邊兵精銳者皆徵發入援謂

之行營留兵單弱數年之間漸為蠶食自鳳翔以西邠

州以北相繼為寇至是吐蕃入大震關盡取河西隴右

之地邊將告急程元振皆不以聞十月寇至涇州刺史高



陝西武功京師震駭詔以雍王适為關內元帥郭子儀

副之出鎮咸陽以禦之子儀閒廢日久部曲離散及是

召募得二十騎而行至咸陽吐蕃帥吐谷渾党項氏羌

二十餘萬眾渡渭循山而東子儀使判官王延昌入奏

請益兵程元振遏之竟不召見吐蕃渡便橋上倉猝不

知所為出幸陝州官吏六軍逃散吐蕃入長安立廣武

王承宏郭王守為帝縱兵焚掠長安中蕭然一空苗晉

書家人勝之晉卿子儀引三十騎自御宿川在咸寧

閉口不言寇不敢殺縣南漢循山而東謂王延昌曰大軍逃潰

多在商州速往收之延昌徑入商州撫諭之諸將方縱

兵暴掠聞子儀至皆大喜聽命得四千人軍勢稍振子

儀乃泣諭將士。以共雪國恥。取長安。皆感激受約束。上恐吐蕃出潼關。徵子儀詣行在。子儀表曰。臣不收京城。無以見陛下。若兵出藍田。寇亦不敢東向。上許之。鄜坊節度判官段秀實。說白孝德引兵赴難。孝德卽曰。大舉南趨京畿。與蒲。陝。商。華合勢進擊。子儀使羽林大將軍長孫全緒。將二百騎出藍田。又令寶應軍使張知節。將兵繼之。全緒至韓公堆。在西安府藍田縣橫嶺北晝則擊鼓張旗幟。夜則多然火以疑吐蕃。吐蕃懼。百姓又給之曰。郭令公自商州將大軍至矣。吐蕃惶駭。悉衆遁去。高暉東走潼關。守將李日越擒殺之。詔以子儀爲西京留守。白孝德與邠寧節度使張蘊琦。將兵屯畿縣。子儀召之入城。京



畿遂安

吐蕃還圍鳳翔鎮西節度使馬璘將精騎千餘人赴難轉鬪至城下持滿外向突入城中不解

甲出戰單騎奮擊俘斬千計明日吐蕃復至璘開懸門以待之吐蕃訖曰此將軍不惜死宜避之遂去是冬吐

蕃陷松維保三州于是劍南西山諸州皆陷松維保

三州皆唐置松州今四川松潘衛是維保二州故城俱

在今茂州保縣西山即大雪山亦名蓬婆山在今松潘

衛疊溪營西諸州謂松茂雅雋等都督府所隸諸羌羈

縻州

十一月削程元振官爵放歸田里

程元振專權自恣人畏之甚于李輔國諸將有大功者

元振皆忌嫉欲害之吐蕃入寇元振不以時奏致上狼

狽出幸上發詔徵諸道兵李光弼等皆忌元振莫有至

者中外切齒莫敢言太常博士柳伋上疏以為犬戎犯

關度隴不血刃而入京師武士無一人力戰此將帥叛

陛下也。陛下疏元功，委近習，日引月長，在庭無一人犯顏回慮。此公卿叛陛下也。陛下始出都，百姓填然奪府庫，相殺戮。此三輔叛陛下也。自十月朔，召諸道兵，盡四十日，無隻輪入關。此四方叛陛下也。陛下必欲存宗廟，安社稷，獨斬程元振首，馳告天下，悉出內使，隸諸州，持神策兵付大臣，然後削尊號，下詔引咎。如此而兵不至，人不感，天下不服。臣請闔門寸斬以謝陛下。上猶以元振有保護功，削官爵，放歸田里。元振歸三原，聞上還宮，衣婦人服，私入長安，復規任用。京兆擒之以聞，敕流漆州。上念其功，復命江陵安置。漆州唐置，地在今貴州思南府界。

十二月，上還長安。

車駕發陝州，左丞顏真卿請上先謁陵廟，然後還宮。元



載不從。真卿怒曰：「朝廷豈堪相公再壞耶？」載由是銜之。上至長安，郭子儀帥百官諸軍奉迎，伏地待罪。上勞之曰：「用卿不早，故及于此。」廣武王承宏逃匿草野，上赦不誅，放之華州。

以魚朝恩爲天下觀軍容宣慰處置使，總禁兵。苗晉卿、裴遵慶寵以李峴同平章事。

遵慶旣去，元載權益盛，以貨納內侍董秀。上意所屬，載必先知之，承意探微，言無不合。上以是愈愛之。

甲辰二年春正月，詔刑部尚書顏真卿宣慰朔方行營。

上之在陝也，真卿請奉詔召僕固懷恩，不許。至是，命真卿宣慰朔方行營。諭懷恩入朝，對曰：「陛下在陝，臣往以忠義貴之，使之赴難，彼猶有可來之理。今陛下還宮，彼

進不成勤王。退不能釋衆。召之庸肯至乎。且言懷恩反者。獨辛雲京。駱奉僊。李抱玉。魚朝恩。四人耳。陛下不若以郭子儀代懷恩。可不戰而服也。時抱玉從弟抱真字太元爲邠州別駕。知懷恩有異志。脫身歸京師。召見問計。對曰。此不足憂也。朔方將士思郭子儀如父兄。陛下誠以子儀鎮朔方。彼皆不召而來矣。上然之。已而真卿竟不果行。立雍王适爲皇太子。

僕固懷恩反。寇太原。以郭子儀爲河中節度等使。

懷恩使其子瑒寇太原。不克。

懷恩謀取太原。辛雲京覺之。乘城設備。瑒攻之。大敗。

而遂圍榆次。

漢縣。今屬太原府。

上謂郭子儀曰。懷恩父子負朕

實深。聞朔方將士思公。如枯旱之望雨。公爲朕撫河東。

僕固懷恩之反。雖駱奉僊辛雲京。激成然皆由代宗不從顏真卿李抱真之言。用郭子儀爲鎮撫。以致披猖若此。及乎懷恩拒命。逆子伏誅。乃云信不及人。勳臣顛越。益形昏憤可笑耳。



汾上之師。必不爲變。乃以子儀爲關內河東副元帥。河中節度等使懷恩將士聞之。皆曰。吾輩從懷恩爲不義。何面目見汾陽王。

僕固瑒爲其下所殺。懷恩走靈州。

綱目作雲州。今依唐書通鑑改。

僕固瑒圍榆次。旬餘不拔。十將

官名

焦暉白玉攻殺之。

懷恩聞之。入告其母。母曰。吾語汝勿反。國家待汝不薄。今衆心旣變。禍必及我。將如之何。懷恩不對而出。母提刀逐之曰。吾爲國家殺此賊。取其心以謝三軍。懷恩疾走得免。遂與麾下三百渡河北走靈州。子儀傳瑒首詣闕。羣臣入賀。上慘然不悅曰。朕信不及人。致勲臣顛越。深用爲愧。又何賀焉。命輦懷恩母至長安。給待優厚。月

餘以壽終以禮葬之。功臣皆感歎。子儀如汾州懷恩之衆數萬悉歸之咸鼓

舞涕泣喜其來而悲其晚也

劉晏李峴罷以王縉字夏卿太原祁人杜鴻漸同平章事。

晏坐與程元振交通元振獲罪峴有力焉由是爲宦官所疾故與晏皆罷。

三月以劉晏爲河南江淮轉運使。

自喪亂以來汴水堙廢漕運者自江漢抵梁洋迂險勞費兵火之後中外艱食關中米斗千錢百姓按奴禾反以手摩

也。穗以給禁軍宮厨無兼時之積晏乃疏浚汴水遺元

載書具陳漕運利害令中外相應自是每歲運米數十

萬石以給關中唐世稱漕運之能者推晏爲首後來者



皆遵其法度云。

夏五月初行五紀歷。

六月罷河中節度及耀德軍。乾元初置于河中。

郭子儀以安史昔據洛陽故諸道置節度使以制其要衝。今大盜已平而所在聚兵耗蠹百姓表請罷之。仍自河中為始從之。

秋七月稅青苗錢給百官俸。苗一畝稅錢十五以國用急不及秋方苗青則征之號青

苗錢

臨淮王李光弼卒。諡曰武穆。

光弼以名將擁兵自雄不共朝命豈獨聞召即至遠愧子儀平之名義既乖羣下亦不為之用以是飲恨長終則雖當特習聞跋扈

上之幸陝也李光弼竟遷延不至吐蕃退除光弼東都留守光弼辭以就江淮糧運引兵歸徐州。光弼母在河

恒不知怪而天理民彝自無一日或絕于人心也

嫌隙。數遣使存問。已復迎至長安。厚加供給。使其弟光進掌禁兵。遇之加厚。光弼治軍嚴重。指顧號令。諸將莫敢仰視。謀定而後戰。能以少制衆。與郭子儀齊名。及在徐州。擁兵不朝。諸將田神功等不復稟畏。光弼愧恨成疾而卒。

僕固懷恩引回紇吐蕃入寇。詔郭子儀出鎮奉天。

懷恩至靈武。收合散亡。其衆復振。上厚撫其家。下詔曰。懷恩勲勞著于帝室。疑隙之端。起自羣小。君臣之義。情實如初。但當詣闕。更勿有疑。懷恩竟不從。遂引回紇吐蕃十萬衆入寇。京師震駭。會郭子儀自河中入朝。詔子儀出鎮奉天。召問方略。對曰。懷恩勇而少恩。士心不附。所以能入寇者。因思歸之士耳。懷恩本臣偏裨。其麾下



皆臣部曲。必不忍以鋒刃相向。無能為也。已而懷恩進

逼奉天子。儀出兵。懷恩退。

懷恩與回紇吐蕃進逼奉天。諸將請戰。子儀曰。寇深入。利

速戰。吾堅壁以待之。彼必以吾為怯而不戒。乃可破也。若遠戰而不利。則衆心離矣。敢言戰者。斬。既而夜出。陳

于乾陵之南。寇始以子儀為無備。至邠州。攻之不克。遂

欲襲之。忽見大軍。驚愕。不戰而退。先是。子儀使其子晞將兵救邠州。晞縱士卒為暴。節

度使白孝德患之。而不敢言。段秀實自請補都虞候。晞軍士入市取酒。刺酒翁。壞釀器。秀實列卒。盡取其首。

注。梨上。植市門。晞一營大譟。盡甲。孝德恐。秀實曰。無傷也。請往解之。還。老嫗者一人持馬至。晞門。甲者出。秀實

笑且入。曰。殺一老卒。何甲也。吾戴吾頭來矣。晞出。秀實讓之曰。副元帥勲塞天地。當念始終。今常侍恣卒為暴

行。且致亂。亂則罪及副元帥。郭氏功名。其存者幾何。言未畢。晞再拜曰。公幸教晞以道。敢不從命。叱左右皆解甲。敢譁者死。秀實因留宿軍中。旦俱至。孝德所謝。

九月。關中蟲蝗。霖雨。

冬。十二月。加郭子儀尚書令。不受。

子儀以太宗爲此官。近皇太子亦爲之。不敢當。遂不受。  
還鎮河中。

戶部奏是歲戶口之數。

戶二百九十餘萬口。千六百九十餘萬。

乙巳。永泰元年春正月。以李抱真爲澤潞節度副使。

抱真以山東有變。上黨爲兵衝。而荒亂之餘。土瘠民困。  
無以贍軍。乃籍民。每三丁選一壯者。免其租徭。給弓矢。  
使農隙習射。歲暮都試。行其賞罰。比二年。得精兵二萬。  
旣不費稟給。府庫充實。遂雄視山東。步兵爲諸道最。

三月。命文武之臣十三人于集賢殿待制。

命僕射裴冕。郭英乂等十三人于集賢殿待制。  
左拾遺  
獨孤及



上疏曰。陛下召冕等。以備詢問。此盛德也。然恐陛下雖容其直。而不錄其言。有容下之名。而無聽諫之實。則臣之所恥也。今師興不息十年矣。人之生產。空于杼軸。擁兵者第館旦街陌。奴婢厭酒肉。而貧人羸餓。就役剝膚。及髓。長安城中。白晝椎剽。吏不敢詰。民不敢訴。有司不敢以聞。茹毒飲痛。窮而無告。陛下不思所以救之。臣實懼焉。今天下惟朔方隴西。有此蕃僕。固之虞。邪涇鳳翔之兵。足以當之矣。東南滄海。西盡巴蜀。無鼠竊之盜。而兵不為解。傾天下之貨。竭天下之穀。以給不用之兵。臣不知其故。綴令居安思危。自可扼要害之地。俾置屯禦。悉休其餘。以糧儲居屢之資。充疲人貢賦。歲可減國租之半。陛下豈可遲疑于改作。使率土之患。日甚一日乎。上不能用。獨孤及字至之。洛陽人。

吐蕃遣使請和。

吐蕃遣使請和。詔元載等與之盟。上問郭子儀。子儀對曰。吐蕃利我不虞。若不虞而來。則國不可守矣。乃遣兵戍奉天。

旱。

斗米千錢。

夏四月。以裴誦

字士明。寬之子。爲左司郎中。

河東租庸使裴誦入奏事。上問權酷之利。歲入幾何。誦不對。復問。對曰。臣自河東來。所過見菽粟未種。農夫怨愁。臣以爲陛下見臣。必先問人之疾苦。乃責臣以營利。臣是以未敢對也。上謝之。拜左司郎中。

劔南節度使嚴武卒。

武三鎮劔南。厚賦歛。窮奢侈。專殺戮。母數戒之。武不從。及死。母曰。吾今始免爲官婢矣。然吐蕃畏之。不敢犯其境。



五月。畿內麥稔。尹起莘曰。上書旱。此書麥稔。饑荒之急。幸有是耳。然稔止畿內。四方萬里。未知若何也。

自春不雨。至四月乃雨。及是麥稔。京兆尹第五琦請稅百姓田。十畝收其一。曰。此古什一之法也。上從之。已而京兆

用琦稅法。多流亡。久乃罷之。

平盧將李懷玉逐其節度使侯希逸。詔以懷玉為留後。賜名正己。

先是。侯希逸自平盧拔其軍。浮海入青州據之。朝廷即以平盧為平盧淄青節度使。自是淄青常以平盧為使。希逸好遊畋。營塔

寺。兵馬使李懷玉得眾心。希逸忌之。因事解其軍職。至是。希逸宿于城外。軍士閉門。奉懷玉為帥。希逸奔滑州。

高座講經且以入為菩薩  
鬼神與戲劇何異既而梁  
武帝還復進講直蹈梁  
武帝代宗之亡幸爾

召還京師以鄭王邈

帝之

為節度使懷王知留後賜名

正已

時成德李寶臣魏博田承嗣相薛高盧龍李懷  
遷安史餘黨各擁勁卒數萬兵完城自署將

吏不供貢賦與山南東道梁崇義及正已皆結  
為婚姻互相表裏朝廷事姑息不能復制

秋九月置百高座講仁王經

內山仁王經二寶輿以人為菩薩鬼神之狀導以音樂

鹵簿百官迎從至資聖西明寺講之

僕固懷恩誘回紇吐蕃大舉入寇懷恩道死召郭子儀屯

涇陽冬十月回紇受盟而還吐蕃夜遁

僕固懷恩誘回紇吐蕃吐谷渾黨項奴刺

盧達反吐  
谷渾別種數

十萬眾俱入寇令吐蕃趨奉天黨項趨同州吐谷渾奴

刺趨盤屋回紇繼吐蕃之後懷恩又以朔方兵繼之郭



子儀奏寇皆騎兵其來如飛不可易也請使鳳翔滑濮

邠寧鎮西河南淮西諸節度各出兵以阨其衝要上從

之懷恩中塗遇暴疾死大將范志誠領其衆

懷恩拒命三年再引

胡寇爲國大患上猶爲之隱吐蕃十萬至奉天始列營

朔方兵馬使渾瑊帥驍騎二百衝之吐蕃披靡瑊夾其

一將躍馬而還上氣大振夜復引兵襲之殺千餘人京

師聞寇至奉天始罷百高座講召郭子儀使屯涇陽上

自將六軍屯苑中下制親征

百官入朝魚朝恩從禁軍

郊畿車駕欲幸河中何如公卿皆錯愕不知所對有劉

給事者獨出班抗聲曰敕使反邪今屯軍如雲不戮力

非反而何朝恩驚沮事遂寢會大雨旬日寇不能進大

掠而去所過焚廬舍蹂禾稼殆盡十一月復請經吐蕃退

子儀忠誠素著威聲久孚  
是以輕出而不自疑回紇  
亦誠服而不敢害使非其  
人而強以效強爲美則當  
試僦倖如後來吐蕃劫盟

至邠州。還回紇復相與入寇。合兵圍涇陽。子儀嚴備不  
戰。時二寇聞懷恩死。已爭喪不相睦。子儀使牙將李光  
瓚說回紇。欲與其擊吐蕃。回紇不信。曰。郭公在此。可得  
見乎。光瓚還報。子儀曰。今衆寡不敵。難以力勝。昔與回  
紇契約甚厚。不若挺身說之。可不戰而下也。諸將請選  
鐵騎五百衛從。子儀曰。此適足爲害耳。郭晞扣馬諫曰。  
大人國之元帥。奈何以身爲寇餌。子儀曰。今戰則父子  
俱死。而國家危。往以至誠與之言。或幸而見從。則四海  
之福也。不然。則身沒而家全。以鞭擊其手曰。去。遂與數  
騎出。使人傳呼曰。令公來。回紇大驚。大帥藥葛羅可汗  
之弟也。執弓注矢。立于前陳。子儀免胄釋甲。投鎗而進。



渾瑊幾致不免厥鑑又豈  
遠哉

諸酋長相顧曰。是也。皆下馬羅拜。子儀亦下馬前執藥。  
葛羅手讓之曰。汝回紇有大功于唐。唐之報汝亦不薄。  
奈何負約。深入吾地。棄前功。結後怨。背恩德而助叛臣。  
乎。且懷恩叛君。棄母。于汝何有。今吾挺身而來。聽汝殺  
之。我之將士。必致死與汝戰矣。藥葛羅曰。懷恩欺我。言  
天可汗已晏駕。令公亦捐館。中國無主。我是以來。今皆  
不然。懷恩又爲天所殺。我曹豈肯與令公戰乎。子儀因  
諒之曰。吐蕃無道。所掠之財。不可勝載。馬牛雜畜。長數  
百里。此天之賜汝也。全師而繼。好破敵以取富。爲汝之  
計。孰便于此。不可失也。藥葛羅曰。昔爲懷恩所誤。負公  
誠深。今請爲公盡力以謝過。然懷恩之子。可敦兄弟也。

願勿殺之。子儀許之。回紇觀者爲兩翼稍前。子儀麾下亦進。子儀揮手却之。因取酒與其酋長共飲。藥葛羅使子儀先執酒爲誓。子儀酌地曰。大唐天子萬歲。回紇可汗亦萬歲。兩國將相亦萬歲。有負約者。身隕陣前。家族滅絕。孟至藥葛羅亦酌地曰。如令公誓。于是諸酋長大喜曰。軍中巫言。此行安穩。不與唐戰。見一大人而還。今果然矣。遂與定約而還。吐蕃聞之。夜遁。回紇遣其酋長入見天子。藥葛羅帥衆追吐蕃。殺獲萬計。詔罷親征。京城解嚴。初。肅宗以陝西節度使郭英乂領神策軍。使魚朝恩監之。英乂入爲僕射。朝恩專將之。及上幸陝。朝恩舉在陝兵。與神策軍迎扈。悉號神策軍。天子幸其營。及京師平。朝恩遂以軍歸禁中。自將之。然尚未得與北軍齒。至是。從上屯苑中。其勢浸盛。分爲左右廂。居北軍之右矣。



閏月以路嗣恭

字懿範京兆三原人

爲朔方節度使。

子儀以靈武初復。百姓彫弊。戎落未安。請以嗣恭鎮之。嗣恭披荆棘立軍府。威令大行。

郭子儀還河中。

子儀在河中。以軍食常乏。乃自耕百畝。將校以是爲差。于是士卒皆不勸而耕。野無曠土。軍有餘糧。

漢州

注見前

刺史崔旰

安平人徙衛州

殺西川節度使郭英乂。

初嚴武在蜀。奏崔旰爲漢州刺史。

旰將兵擊吐蕃連拔其數城攘地數百里。

武作七寶輦迎旰入成都以寵之。

武卒行軍司馬杜濟等共請郭英乂

爲節度使。旰與所部亦請大將王崇俊。會朝廷已除英

乂。英乂至。卽誣殺崇俊。遣使召旰。旰辭不至。英乂怒。自

崔旰擅戕制師擾亂蜀中。罪在不赦。鴻漸奉詔鎮撫。首當勦滅禍魁。以次撥輯。

乃貪其重賂轉以節制相  
推讓其惡與叛臣等代宗  
竟爾曲從其請專事調停  
善之紀綱至此掃地矣

將兵攻之敗還。肝聞英又裁損士卒稟賜下皆怨怒。又

毀元宗鑄金真容。初元宗離蜀以所居行宮為道觀仍鑄金為真容英又愛其竹樹茂美奏

為軍營因徙去真容自居之。肝因宣言英又反發兵襲之英又奔簡

州。隋置今屬成都府。為普州。注見前。刺史韓澄所殺于是邛州。注見前。

前牙將柏茂琳瀘州。梁置今隸四川。牙將楊子琳劔州。注見前。牙

將李昌夔各舉兵討肝蜀中大亂。明年詔以杜鴻漸為

劔南東西川副元帥。肝卑辭重賂以迎之。鴻漸貪其利

見肝無一言責其干犯反薦之于朝請以節制讓肝上

不得已以肝為成都尹西川節度行軍司馬。鴻漸又表柏茂琳楊

子琳李昌夔各為本州刺史以和解之。又明年鴻漸還朝以肝為西川節

度使。鴻漸薦肝才堪寄任上亦務姑息乃留鴻漸復知政事以肝為節度使肝厚斂以賂權貴元載擢其



兄弟皆至大官。久之，盱入朝，會楊子琳襲成都，詔盱還鎮，賜名

寧。

先是，寧弟寬爲留後，數與子琳戰，不利。寧妾任氏出家財募兵，得數千人，帥以擊子琳，破走之。

丙午

大歷元年春正月，敕復補國子學生。

自安史之亂，國子監室堂積壞，軍士多借居之。祭酒蕭昕上言：「學校不可遂廢，故有是詔。」

以戶部尚書劉晏侍郎第五琦分理天下財賦。

二月，釋奠于國子監。

釋奠于國子監，命宰相帥常參官、魚朝恩帥六軍諸將往聽講。子弟皆服朱紫爲諸生。

謂朝恩之子弟。

朝恩旣貴顯，乃

學講經爲文，僅能執筆辨章句，遽自謂才兼文武，莫敢與之抗。

貶顏真卿為峽州

注見別駕前

元載專權恐奏事者攻訐其私乃請百官論事皆先白

宰相然後奏聞顏真卿上疏論之

疏曰諫官御史陛下之耳目今使論事者

先白宰相是自掩其耳目也李林甫為相深疾言者蒙蔽暗鳴卒成幸蜀之禍陵夷至于今日夫人主大開不諱之路羣臣猶莫敢盡言況令宰相大臣裁而抑之則陛下所聞見者不過三數人耳天下之士從此鉗口結舌陛下見無復言者以為天下無事可論是林甫復起于今日也皆林甫雖擅權猶托他事陰中言者不敢明令百司奏事皆先白宰相陛下儻不早寤漸成孤立後悔無及矣

載以為誹謗貶之

以馬璘兼邠寧節度使

璘以段秀實為都虞侯璘處事或不中理秀實爭之璘

或甚怒秀實曰秀實罪若可殺何以怒為無罪殺人恐

涉非道璘攝衣起秀實徐步而出良久璘置酒召秀實



謝之。自是事皆咨秀實而後行。聲稱甚美。

秋八月。以魚朝恩判國子監事。

命魚朝恩判國子監。中書舍人常袞

京兆人。

言。成均之任。

當用名儒。不宜以宦者領之。不聽。命宰相百官送上朝。

恩執易升高座。講鼎折足。以譏宰相。王縉怒。元載怡然。

朝恩曰。怒者常情。笑者不可測也。

冬十月。上生日。諸道節度使上壽。

上生日。諸道節度使獻金帛珍玩爲壽。共直緡錢二十

四萬。常袞言。節度使非能男耕女織。必取之于人。歛怨

求媚。不可長也。請却之。上不聽。

以陳少遊

博平人。

爲宣歙

今寧國。徽州。二府是。

觀察使。

少遊為吏疆敵而好賄善結權貴以是得進除桂管元和

志桂管領州十二治桂州觀察使惡其道遠多瘴癘宣

官董秀掌樞密少遊請歲獻五萬緡又納賄于元載子

仲武內外引薦遂改宣歙

丁未二年春二月郭子儀入朝

上禮重子儀嘗謂之大臣而不名

子儀之子曖尚昇平公主嘗與爭言曖曰

汝倚乃父為天子邪我父薄天子而不為公主志奔車

奏之上曰此非汝所知彼誠如是使彼欲為天子天下

豈汝家所有邪慰諭令歸子儀聞之囚曖入待罪上曰

鄙諺有之不癡不聾不為家翁兒女聞房之言何足聽

也子儀歸杖曖數十後益發子儀父冢人以為魚朝恩

使之子儀見上上語及之子儀流涕曰臣久將兵不能

禁暴軍士多發人家今日及此乃天譴非人事也子儀

禁無故軍中走馬南陽夫人乳母之子犯禁都虞侯杖



母子非奴才而何。

魚朝恩作章敬寺。

魚朝恩以賜莊爲章敬寺。以資太后。

帝母吳氏。

冥福窮壯極。

麗奏毀曲江及華清宮館以給之。

衛州進士高郢上書曰。先太后聖德。不必

以一寺增輝。國家永圖。無寧以百姓爲本。捨人就寺。何福之爲。且古之明主。積善以致福。不費財以求福。修德以消禍。不勞人以禳禍。今徇左右之過計。傷皇王之大猷。臣竊爲陛下惜之。不報。始上好祠祀。未甚重佛。元載王縉。杜鴻漸。皆好佛。縉尤甚。上嘗問曰。佛言報應。果有之邪。載等對曰。國家運祚靈長。非宿植福業。何以致之。福業已定。雖時有小災。終不能爲害。所以安史皆有子禍。懷恩出門病死。二寇不戰而退。此皆非人力所及。豈得言無報應也。上由是深信之。常于禁中飯僧百餘人。有寇至。則令僧講仁王經以禳之。寇去。則厚加賞賜。胡僧不空。官至卿監。爵爲國公。出入禁闥。勢多權貴。良田美利。多歸僧寺。載等侍上。多談佛事。由是臣民承化。皆廢人事而奉佛。政刑日紊矣。

戊申三年春正月。帝幸章敬寺。度僧尼千人。

二月乙巳朔。日食。

夏四月。徵李泌于衡山。

泌既至。復賜金紫。爲之作書院于蓬萊殿側。上時過之。除拜方鎮。給舍以上軍國大事。皆與之議。欲以泌爲相。泌固辭。

追謚齊王倓。

倓于是春追贈齊王。

爲承天皇帝。

上與李泌語及齊王倓。欲厚加褒贈。泌請用岐薛故事。贈太子。上泣曰。吾弟首建靈武之議。成中興之業。岐薛豈有此功乎。竭誠忠孝。乃爲讒人所害。曷使尚存。朕必以爲太弟。今當崇以帝號。成吾夙志。乃追謚倓曰承天。



皇帝。

六月。幽州將朱希彩殺其節度使李懷僊。詔以希彩知留後。

幽州兵馬使朱希彩經畧副使朱泚。

幽州昌平人。

及弟滔共

殺節度使李懷僊。希彩自稱留後。成德節度使李寶臣遣將討希彩。不克。朝廷不得已宥之。以王縉領盧龍節度使。希彩知留後。縉至幽州。希彩盛兵以逆之。縉晏然而行。希彩迎謁甚恭。縉度終不可制。勞軍而還。

秋七月。遣右散騎常侍蕭昕使回紇。

回紇可敦死。以昕爲弔祭使。回紇庭詰昕曰。我于唐有大功。唐奈何失信。市我馬。不時歸其直。昕曰。回紇之功。

唐已報之矣。僕固懷恩之叛，回紇助之。與吐蕃連兵入寇，逼我郊畿。及懷恩死，吐蕃走。然後回紇懼而請和。我唐不忘前功，加惠而縱之。不然，匹馬不歸矣。乃回紇負約，豈唐失信邪？回紇慙，厚禮之。

內出孟蘭盆

釋經。佛作孟蘭盆會。于七月望日。具百味五果。著盆中。供養十方大德。梵語孟蘭猶華言

救倒懸。盆。器也。華梵共舉。賜章敬寺。

內出孟蘭盆。賜章敬寺。設七廟神座。書尊號于幡上。百

官迎謁于光順門。自是歲以為常。

八月吐蕃寇靈武。九月鳳翔都將李晟

字良器。洮州臨潭人。屠吐蕃

定秦堡。

胡三省注。吐蕃志。秦上。築堡于洮州。以定秦為名。

吐蕃遁還。

吐蕃寇靈武。鳳翔節度使李抱玉使其將李晟將兵五



千擊之。晟曰：以力則五千不足用，以謀則太多。乃將千人兼行出大震關，至臨洮，屠吐蕃定秦堡，焚其積聚而還。吐蕃聞之，釋靈州之圍而去。

冬十二月，以馬璘為涇原

原州唐置今平涼府固原州是節度使。

元載以吐蕃連歲入寇，馬璘以四鎮兵屯邠寧，力不能

拒。而郭子儀以朔方重兵鎮河中，深居腹中無事之地。

乃與子儀及諸將議徙璘鎮涇州，而使子儀以朔方兵

鎮邠州。曰：若以邊土荒殘，軍費不給，則以內地租稅金

帛助之。諸將皆以為然。乃徙璘為涇原節度使。

璘先往城涇州。

以都虞候段秀實知邠州。留後初，四鎮北庭兵久羈旅，數遷徙，弊怨誹。兵馬使王童之謀作亂，期以辛酉旦警嚴而發。前夕有告之者，秀實陽召掌漏者怒之，以其失節，令每更來白，輒延之數刻，遂四更而曙，童之不果。



發告者又云。今夕欲焚馬坊草。因救火作亂。中夕火果  
發。秀實命軍中行者皆止。坐者勿起。各整部伍。嚴守要  
害。童之白請救火。不許。及旦。捕童之及其黨八人。  
皆斬之。下令曰。後徙者族。流言者刑。遂徙于涇。

坊



御批歷代通鑑輯覽

卷五十二

三



